

AMANAT SEORANG PRESIDEN

Petikan Ucapan Dasar Presiden UMNO,
YAB. DATUK SERI DR. MAHATHIR MOHAMAD

Editor :
Ahmad Zahid Hamidi
Zulkafli Bin Daud

Diterbitkan Oleh :

**BIRO PENERANGAN
PERGERAKAN PEMUDA UMNO MALAYSIA**

Dengan Kerjasama

YAYASAN GERAKBAKTI KEBANGSAAN

Buku **AMANAT SEORANG PRESIDEN** adalah terbitan Biro Penerangan Pergerakan Pemuda UMNO Malaysia yang dilindungi oleh Hak Cipta Terpelihara. Penerbit walau bagaimanapun rela membenarkan keizinan kepada mana-mana pihak yang ingin menerbitkan sebahagian atau keseluruhan kandungannya semula untuk tujuan pembelajaran atau pengajaran. Walau bagaimanapun penerbitan semula buku ini untuk tujuan komersial haruslah mendapat izin bertulis dari penerbit terlebih dahulu.

Edisi Pertama – Oktober 1993

Atur huruf dan Layout
Cahaya Pantai Sdn. Bhd.
2A-1, Bangunan Sri Pantai,
Jalan Pantai Baru, K. Lumpur.

Urus terbit
QPrime Publications
Sungai Petani

Penerbit
Biro Penerangan
Pergerakan Pemuda UMNO Malaysia

Dengan Kerasama
Yayasan Gerakbakti Kebangsaan

Dicetak oleh

Harga Pasaran
RM 15.00
RM 25.00 (Kulit Tebal)

M

8755:3

31 JUL 1997
Perpustakaan Negara
Malaysia



KATA PENGANTAR

DATO' SERI MOHD. NAJIB TUN ABD. RAZAK
KETUA PERGERAKAN PEMUDA UMNO MALAYSIA

Bismillahirrahmanirrahim

Ucapan Dasar Presiden UMNO yang disampaikan pada setiap kali Perhimpunan Agung Tahunan adalah ucapan terpenting yang mengandungi pelbagai pesanan serta panduan yang sungguh bermakna dan bermanfaat. Ucapan Dasar yang disampaikan adalah panduan atau pedoman kepada ahli-ahli dalam menjayakan program dan gerakan parti.

Keberkesanan serta kejayaan parti akan lebih mudah dicapai dan direalisasikan sekiranya setiap anggota serta pimpinan parti mengambil iktibar dari intisari Ucapan Dasar Presiden yang disampaikan saban tahun.

Justeru itu amat penting sekali intisan atau intipati Ucapan Dasar Presiden disebarluaskan di kalangan ahli dan menjadi bahan rujukan utama ahli dan pimpinan UMNO.

Usaha menyalang dan menyusun semula Ucapan Dasar YAB Dr. Mahathir Mohamad dan mempersembahkannya dalam bentuk "quotations" serta mengklasifikasikannya, mengikut tajuk-tajuk yang khas sesungguhnya adalah usaha yang sangat baik dan berguna serta patut disanjung.

Ketekunan editor menyempurnakan tugas yang rumit ini patut sekali diberikan penghargaan oleh setiap warga UMNO yang komited dengan perjuangan parti.

Syabas kepada YB Ahmad Zahid Hamidi dan Sdr. Zulkafli Daud yang telah bertungkus-lumus menyiapkan buku yang amat berguna ini.

YB. DATUK SERI MOHD. NAJIB TUN ABD. RAZAK
KETUA PERGERAKAN PEMUDA UMNO MALAYSIA

PRAKATA EDITOR

Di antara semua ucapan Dr. Mahathir Mohamad sebagai Presiden UMNO sepanjang tahun, Ucapan Dasar yang disampaikan pada setiap Perhimpunan Agung Tahunan UMNO merupakan ucapan yang terpenting.

Malahan Ucapan Dasar ini adalah antara yang terbaik yang disediakan oleh Presiden untuk dipersembahkan kepada ahli-ahli serta pimpinan UMNO pelbagai peringkat.

Namun sebagaimana yang diluahkan oleh Presiden, Ucapan Dasar beliau yang disediakan dan dipersembahkan dengan persediaan terbaik tidak banyak dihayati dan diambil manfaat oleh ahli serta pimpinan UMNO, kecuali mendengar dan berpuas hati dengan kandungannya semasa di Perhimpunan Agung Tahunan sahaja.

Sikap dan budaya ahli serta pimpinan UMNO yang kurang komited dengan budaya membaca dan budaya ilmu mungkin menjadi punca kenapa Ucapan Dasar Presiden yang amat penting ini jarang dikaji dan dihayati sepanjang masa.

Justeru itu usaha mempersembahkan semula Ucapan Dasar Presiden dalam bentuk "quotations" mungkin dapat membantu menyemarakkan sikap ingin mengkaji, mendalami serta menghayati intisari Ucapan Dasar Presiden UMNO yang sangat penting ini.

Editor ingin merakamkan penghargaan yang tinggi kepada YAB. Presiden UMNO, Datuk Seri Dr. Mahathir Mohamad, yang telah menyediakan ucapan yang sangat penting dan berguna kepada warga UMNO seluruhnya.

Terima kasih juga dirakamkan kepada YB. Datuk Seri Najib Tun Razak, Ketua Pergerakan Pemuda UMNO yang sudi memberikan kata-kata aluan serta mengizinkan Biro Penerangan Pemuda UMNO menerbitkan buku ini.

Setinggi-tinggi penghargaan juga diberikan kepada Sdr. Saifuddin Nasution Ismail, Sdr. Fuad Razali, Sdr. Roslan Kassim, Sdr. Mustafa Kassim, Sdr. Abdul Malik Kusnin, Sdri. Marziana, Sdri. Zuraida dan Sdri. Aslina yang telah membantu menyiapkan penyuntingan buku ini.

AHMAD ZAHID HAMIDI

ZULKAFLI DAUD

1 September 1993

Kuala Lumpur

KOMITMEN PERJUANGAN PRESIDEN

| | | |
|----|---------------------------|---|
| 1. | Mementingkan UMNO | 3 |
| 2. | Menawarkan khidmat | 4 |
| 3. | Masa undurkan diri | 5 |
| 4. | Demi menyelamatkan bangsa | 6 |

MENGUKUHKAN PARTI

| | | |
|-----|--|----|
| 5. | Tiada yang tewas | 9 |
| 6. | Tujuan pertandingan | 9 |
| 7. | Amanah perjuangan | 9 |
| 8. | Mematuhi perlembagaan | 10 |
| 9. | Perpaduan bermatlamat | 10 |
| 10. | Kempimpinan dan ketertiban | 10 |
| 11. | Akibat membelakangkan arahan | 11 |
| 12. | Tiada tempat bagi yang berkepentingan | 11 |
| 13. | Perjuangan yang panjang | 11 |
| 14. | Perjuangan baru bermula | 12 |
| 15. | Usaha berlipat ganda | 12 |
| 16. | UMNO dan tugas tingkatkan amalan Islam | 12 |
| 17. | Perjuangan UMNO kini lebih besar | 13 |
| 18. | UMNO bukan semata-mata pendesak | 13 |
| 19. | UMNO sebagai contoh pendesak | 13 |
| 20. | UMNO merintis perubahan | 14 |
| 21. | Memimpin bangsa bermaruah | 14 |
| 22. | Amalan melemahkan parti | 14 |
| 23. | UMNO harus mengikis fitnah | 15 |
| 24. | UMNO parti sederhana | 15 |
| 25. | "TEAM SPIRIT" dalam parti | 15 |
| 26. | UMNO - parti Islam | 16 |
| 27. | Menentang golongan hipokrit | 16 |
| 28. | Ambil kira bukan Melayu | 16 |
| 29. | Kerjasama semua kaum | 17 |
| 30. | Politik wang hancurkan UMNO | 17 |
| 31. | Semangatlah mengukuhkan UMNO | 17 |
| 32. | Memimpin UMNO yang hancur | 18 |
| 33. | UMNO kalahkan UMNO | 18 |
| 34. | Jangan dipengaruhi politik wang | 18 |

| | | |
|-----|--|----|
| 35. | Pilih pemimpin jujur | 19 |
| 36. | Jual undi - jual parti - jual negara | 19 |
| 37. | Pendedahan dan nasihat Presiden | 19 |
| 38. | Yang penting - UMNO | 20 |
| 39. | Perkemaskan kedudukan Melayu | 20 |
| 40. | Ganti yang seleweng dan tiada idea | 20 |
| 41. | Cintai UMNO | 21 |
| 42. | Yang penting khidmat pada parti | 21 |
| 43. | Jangan sampai UMNO dipecahkan | 21 |
| 44. | Beri mandat sahaja | 22 |
| 45. | Berkhidmat dalam UMNO | 22 |
| 46. | Ganti pemimpin tidak adil | 22 |
| 47. | Gejala hancurkan UMNO | 23 |
| 48. | Sengketa ahli hancurkan UMNO | 23 |
| 49. | Kerjasama dengan semua kaum | 23 |
| 50. | Tidak belakangkan Islam | 24 |
| 51. | Tidak ragu keislaman UMNO | 24 |
| 52. | Jangan jual bangsa kerana undi | 24 |
| 53. | UMNO pegang teguh prinsip Islam | 25 |
| 54. | Jangan terlalu membanggai kejayaan | 25 |
| 55. | Tidak akan jadi "RACIALIST" | 25 |
| 56. | Buat sesuatu kerana ianya baik | 26 |
| 57. | Terus tegakkan keadilan | 26 |
| 58. | Semua kaum mesti dapat tempat | 26 |
| 59. | UMNO sebagai contoh | 27 |
| 60. | Tanggungjawab memulihkan ekonomi | 27 |
| 61. | UMNO dihormati kerana perpaduan dan disiplin | 27 |
| 62. | Taat setia sifat UMNO | 28 |
| 63. | Masa depan Melayu dan Islam | 28 |
| 64. | UMNO mengajak kesederhanaan | 28 |
| 65. | UMNO amal demokrasi ikhlas | 29 |
| 66. | Hulur tangan persahabatan | 29 |
| 67. | Jadikan al-Qur'an dan Sunnah sebagai panduan | 29 |
| 68. | Utamakan sifat luhur dan sederhana | 30 |
| 69. | Kesederhanaan mengekalkan perpaduan | 30 |
| 70. | Perjuangan belum tamat | 30 |
| 71. | Falsafah kejayaan UMNO | 31 |
| 72. | UMNO utamakan keamanan | 31 |
| 73. | Yang penting ialah UMNO | 31 |
| 74. | UMNO yang sama | 32 |

| | | |
|------|---|----|
| 75. | Dipecat kerana mengkritik | 32 |
| 76. | UMNO tidak mati | 32 |
| 77. | UMNO membela Agama, Bangsa dan Negara | 33 |
| 78. | UMNO mahu Melayu bersatu | 33 |
| 79. | UMNO terima sesiapa sahaja | 33 |
| 80. | Sedia berunding dengan sesiapa sahaja | 34 |
| 81. | Terbuka pada yang terima Dasar Perjuangan | 34 |
| 82. | Ahli punya hak yang sama | 34 |
| 83. | Hanya UMNO | 35 |
| 84. | Yang tidak faham amalan berparti | 35 |
| 85. | Tempat untuk yang dikehendaki oleh UMNO | 35 |
| 86. | UMNO sebagai teras | 36 |
| 87. | UMNO tunjang Kerajaan | 36 |
| 88. | UMNO pecah kerana faktor pentingkan diri | 36 |
| 89. | Faktor UMNO kukuh | 37 |
| 90. | Parti pecah jika utamakan calon | 37 |
| 91. | Rapatkan Barisan selepas bertanding | 37 |
| 92. | Pertandingan harus "GENTLEMAN" | 38 |
| 93. | Proses mengganti pemimpin | 38 |
| 94. | Apabila cita-cita diri mengatasi parti | 38 |
| 95. | Pilih mereka yang punya rekod baik | 39 |
| 96. | Rapatkan barisan di belakang yang menang | 39 |
| 97. | Mengakui kelemahan kita | 39 |
| 98. | Amanah kedudukan dan kuasa | 40 |
| 99. | Tingkatkan taraf hidup | 40 |
| 100. | UMNO mesti diperkukuhkan | 40 |
| 101. | Membangun Melayu Baru suatu jihad | 41 |
| 102. | UMNO di abad 21 | 41 |
| 103. | Berpegang kepada Islam sebenar | 41 |
| 104. | UMNO tidak akan fanatik | 42 |
| 105. | Melengkap umat dengan segala ilmu | 42 |
| 106. | Bersabhat dengan bukan Islam | 42 |
| 107. | Wawasan 2020 perjuangan untuk Islam | 43 |
| 108. | Keghairahan menghancurkan parti | 43 |
| 109. | Utamakan parti | 43 |
| 110. | Tidak layak memimpin | 44 |
| 111. | Hanya UMNO sokong Raja | 44 |
| 112. | Tanggungjawab terhadap masa depan negara | 44 |
| 113. | Belakangkan individu, utamakan parti | 45 |
| 114. | Pengkhianat parti | 45 |

MENGANGKAT KUALITI DIRI DAN MARTABAT UMAT

| | |
|--|----|
| 116. Meningkatkan ketahanan diri | 48 |
| 117. Betulkan sikap, susun strategi | 48 |
| 118. Kerja kuat tanpa memilih | 48 |
| 119. Hadapi musuh sebenar | 49 |
| 120. Mengubah sikap | 49 |
| 121. Barat bukan lagi contoh | 49 |
| 122. Mencontohi yang baik saja | 50 |
| 123. Menebus maruah | 50 |
| 124. Meniru segala kebaikan di Timur | 50 |
| 125. Menjunjung ajaran agama | 51 |
| 126. Mengamal ajaran di mulut sahaja | 51 |
| 127. Tidak perlu pandang ke mana | 51 |
| 128. Yakini masa depan | 52 |
| 129. Insafi kelemahan | 52 |
| 130. Peranan kejayaan | 52 |
| 131. Mengapa kita perlu kaya | 53 |
| 132. Kebahagiaan hak orang Islam | 53 |
| 133. Bangsa pengecut | 53 |
| 134. Pengorbanan untuk kebahagiaan | 54 |
| 135. Hakikat penyeri kebaikan | 54 |
| 136. Akibat menyerahkan kerja | 54 |
| 137. Iktibar dari teori Ibn Khaldun | 55 |
| 138. Menyelamatkan generasi dari kelemahan | 55 |
| 139. Menyemai nilai tinggi | 55 |
| 140. Berusaha untuk menjadi maruah | 56 |
| 141. Usaha kebaikan tidaklah mudah | 56 |
| 142. Kepentingan ramai menjayakan kepentingan diri | 56 |
| 143. Fitnah sifat keji | 57 |
| 144. Fitnah lebih buruk dari membunuh | 57 |
| 145. Masyarakat hancur kerana fitnah | 57 |
| 146. Cakap Islam taburkan fitnah | 58 |
| 147. Ikat perut kerja kuat | 58 |
| 148. Lebih usaha lebih bahagia | 58 |
| 149. Kehidupan yang tidak sempurna | 59 |
| 150. Sifat yang membawa kebahagiaan | 59 |

| | | |
|------|---|----|
| 151. | Nikmat banyak tapi bertelingkah | 59 |
| 152. | Sifat diri yang penting | 60 |
| 153. | Mereka yang tinggi produktiviti | 60 |
| 154. | Tingkatkan produktiviti dan pencapaian | 60 |
| 155. | Hakikat Etika Kerja | 61 |
| 156. | Hamba upahan | 61 |
| 157. | Hakikat pembangunan | 61 |
| 158. | Memelihara diri dari ancaman | 62 |
| 159. | Penagih sebagai bebanan | 62 |
| 160. | Nilai Barat jangan dipupuk | 62 |
| 161. | Nilai Islam nilai sejagat | 63 |
| 162. | Islam tidak memaksa | 63 |
| 163. | Amalkan nilai Islam dan nilai mulia | 63 |
| 164. | Melayu lemahkan Melayu | 64 |
| 165. | Melayu berjaya melalui nilai Islam | 64 |
| 166. | Punca masyarakat Islam dihina | 64 |
| 167. | Sabar menghadapi cabaran | 65 |
| 168. | Akibat menolak ilmu | 65 |
| 169. | Akibat menurut nafsu | 65 |
| 170. | Singkir tabiat menunjuk | 66 |
| 171. | Pelajari urus niaga | 66 |
| 172. | Jangan sengaja cari kesalahan | 66 |
| 173. | Jangan tolak teladan yang baik | 67 |
| 174. | Guna akal untuk kebahagiaan | 67 |
| 175. | Mereka yang tamak dan utamakan diri | 67 |
| 176. | Berilah khidmat pada masyarakat | 68 |
| 177. | Perlu sempurnakan Fardu Kifayah | 68 |
| 178. | Yang tamak hilang semua | 68 |
| 179. | Yang mampu tegakkan negara besar | 69 |
| 180. | Persediaan pertahankan masa kini | 69 |
| 181. | Guna akal untuk mencipta | 69 |
| 182. | Undang-undang ambil kira ajaran Islam | 70 |
| 183. | Keselamatan dan kesempurnaan diutamakan | 70 |
| 184. | Semangat Kebangsaan yang cacat | 70 |
| 185. | Semangat Kebangsaan bukan untuk sombong | 71 |
| 186. | Semangat Kebangsaan untuk bersaing | 71 |
| 187. | Jangan cemarkan Semangat Kebangsaan | 71 |
| 188. | Melayu bagaimana harus kekal? | 72 |
| 189. | Ubah sikap kukuhkan semangat | 72 |
| 190. | Jangan disangka lemah | 72 |

| | | |
|------|---|----|
| 191. | Mengelakkan ketegangan | 73 |
| 192. | Tidak akan gadaikan maruah | 73 |
| 193. | Kesabaran ada hadnya | 74 |
| 194. | Penjajahan budaya | 75 |
| 195. | Penjajahan melalui dadah | 75 |
| 196. | Tidak pilih kasih | 75 |
| 197. | Jangan patuh kerana takut dan wang | 76 |
| 198. | Kemerdekaan yang tidak bermakna | 76 |
| 199. | Mempertahankan maruah bangsa | 76 |
| 200. | Akibat meninggalkan ajaran Islam | 77 |
| 201. | Gagal mempengaruhi | 77 |
| 202. | Pergaulan dengan kaum lain | 77 |
| 203. | Kenali kelemahan diri | 78 |
| 204. | Bangsa menentukan nasibnya | 78 |
| 205. | Jangan dikutuk anak cucu | 78 |
| 206. | DAP musuh Melayu | 79 |
| 207. | Jadi "APPRENTICE" | 79 |
| 208. | Mengkhianati matlamat menolong Bumiputera | 79 |
| 209. | Usahawan Melayu berdaya saing | 80 |
| 210. | Pendapat "DEFEATIST" | 80 |
| 211. | Bangga dengan hasil kita | 80 |
| 212. | Iktiraf kualiti | 81 |
| 213. | Maju bersama nilai mulia | 81 |
| 214. | Dihina kerana mundur | 81 |
| 215. | Tanggungjawab menerapkan nilai unggul | 82 |
| 216. | Peranan pendidikan | 82 |
| 217. | Pentingnya kekuatan politik Melayu | 82 |
| 218. | Perjuangan jadikan Melayu terhormat | 83 |
| 219. | Kenalpasti kelemahan | 83 |
| 220. | Mengekalkan pencapaian | 83 |
| 221. | Jalan banyak ranjau | 84 |
| 222. | Menyalahkan takdir | 84 |
| 223. | Mempertingkatkan maruah bangsa | 84 |
| 224. | Ciri bangsa bermaruah tinggi | 85 |
| 225. | Bangsa dihormati kerana kejayaan | 85 |
| 226. | Menolak sebelum mencuba | 85 |
| 227. | Nilai menentukan kejayaan bangsa | 86 |
| 228. | Boleh berjaya tanpa bantuan | 86 |
| 229. | Tukar sikap dan pegangan | 86 |
| 230. | Tiada jalan mudah | 87 |

| | | |
|------|--|-----|
| 231. | Mudah bersyukur | 87 |
| 232. | Jangan salah guna Demokrasi | 87 |
| 233. | Pembangunan semua aspek | 88 |
| 234. | Membebaskan kongkongan Barat | 88 |
| 235. | Mengambil untung dari politik | 89 |
| 236. | Orang Melayu boleh berjaya | 89 |
| 237. | Keperluan untuk berjaya | 89 |
| 238. | Budaya kerja tentukan kemajuan | 90 |
| 239. | Nilai dan budaya bangsa maju | 90 |
| 240. | Boleh berjaya lebih cepat | 90 |
| 241. | Yakin kebolehan sendiri | 91 |
| 242. | Budaya kerja untuk bersaing | 91 |
| 243. | Tukar nilai yang memusnahkan | 91 |
| 244. | Antara "Anak" dan "Adat" | 92 |
| 245. | Yang menentukan kejayaan | 92 |
| 246. | Melayu mesti ubah sikap | 92 |
| 247. | Tidak lupa aspek rohani | 93 |
| 248. | Berjaya tanpa gejala buruk | 93 |
| 249. | Pelihara nilai mulia | 93 |
| 250. | Tamadun kebendaan akhirnya musnah | 94 |
| 251. | Pemisah antara jaya dan gagal | 94 |
| 252. | Akibat terlalu lemah | 94 |
| 253. | Demi menyelamatkan bangsa | 95 |
| 254. | Kepentingan diri merugikan bangsa | 95 |
| 255. | Bangsa lemah tidak selamat | 96 |
| 256. | Kebahagiaan yang lebih kekal | 96 |
| 257. | Kesan buruk rasuah | 96 |
| 258. | Bangsa lumpuh kerana rasuah | 97 |
| 259. | Bangsa mulia tanpa rasuah | 97 |
| 260. | Rasuah membawa kecelakaan | 97 |
| 261. | Hakikat kejayaan diri sendiri | 98 |
| 262. | Tekanan boleh membawa kejayaan | 98 |
| 263. | Yang kurang percaya keadilan Allah | 98 |
| 264. | Bukan menyerah sahaja pada nasib | 99 |
| 265. | Yang bersalah dalam Perang Teluk | 99 |
| 266. | Tanggungjawab kembangkan Islam | 100 |
| 267. | Baik atau buruknya ilmu | 100 |
| 268. | Mengekalkan bahagian | 100 |
| 269. | Memahirkan Melayu dalam pengurusan harta | 101 |
| 270. | Yang akan ditolong | 101 |

| | | |
|------|------------------------------------|-----|
| 271. | Bukan peniaga tulin | 102 |
| 272. | Ali Baba bermanfaat | 102 |
| 273. | Kemahiran pengurusan jayakan MPPB | 102 |
| 274. | Melayu tidak kurang kemampuan | 103 |
| 275. | Sifat penting untuk berjaya | 103 |
| 276. | Menipu akibatnya buruk | 103 |
| 277. | Kecekapan pengurusan menyelamatkan | 104 |
| 278. | Tidak ada yang mudah | 104 |
| 279. | Bumiputera perlu kerja lebih kuat | 104 |
| 280. | Ciri Melayu Baru | 105 |
| 281. | Mengikis anggapan Islam mundur | 105 |
| 282. | Melayu mampu menebus maruah Islam | 105 |
| 283. | Zaman bertelagah sudah berlalu | 106 |
| 284. | Persiapan menghadapi peperangan | 106 |
| 285. | Bangsa lemah dipandang rendah | 106 |
| 286. | Melayu boleh tingkatkan pencapaian | 107 |
| 287. | Tiada faktor halang Melayu berjaya | 107 |
| 288. | Kuasa politik hanya tongkat | 107 |
| 289. | Hidup zaman gergasi | 108 |
| 290. | Bumiputera perlu berniaga besar | 108 |
| 291. | Ubah budaya ikut zaman | 108 |
| 292. | "THINK BIG" | 109 |
| 293. | Yang bernostalgia akan menangis | 109 |
| 294. | Tertinggal jika tidak ikut zaman | 109 |
| 295. | Terus mundur jika kecil-kecilan | 110 |
| 296. | Penyertaan tidak bijaksana | 110 |
| 297. | Ganti kedai pondok | 110 |
| 298. | Buang konsep lama | 111 |
| 299. | Menerima perubahan secara aktif | 111 |
| 300. | Pemencilan wanita merugikan | 111 |
| 301. | Kepentingan sumbangan wanita | 112 |
| 302. | Melayu miliki bakat | 112 |
| 303. | Budaya membezakan bangsa | 112 |
| 304. | Bina budaya ilmu | 113 |
| 305. | Kembali bermusuhan | 113 |
| 306. | Yang mampu mempertahankan agama | 113 |

MEMAJUKAN NEGARA

| | | |
|------|----------------------|--|
| 307. | Asas kemajuan negara | |
|------|----------------------|--|

| | | |
|------|--|-----|
| 308. | Kepentingan kegiatan ekonomi | 116 |
| 309. | Pengurusan profesional | 116 |
| 310. | Bahaya yang tidak berkeahlian | 117 |
| 311. | Politik adalah alat | 117 |
| 312. | Peranan ahli politik dalam ekonomi | 117 |
| 313. | Bilangan penduduk dan taraf hidup | 118 |
| 314. | Malaysia yang diidami | 118 |
| 315. | Hakikat sebuah negara | 118 |
| 316. | Bimbing negara ke arah bahagia | 119 |
| 317. | Keberkesanan sistem | 119 |
| 318. | Peranan diri memelihara demokrasi | 119 |
| 319. | Berjimat baik untuk negara | 120 |
| 320. | Barat menyekat kemajuan Malaysia | 120 |
| 321. | Perniagaan berkembang rakyat bahagia | 120 |
| 322. | Berlumba dengan negara jiran | 121 |
| 323. | Pengasingan diri merugikan | 121 |
| 324. | Bukan taksud pada kebendaan | 121 |
| 325. | Jual beli di pasaran dunia | 122 |
| 326. | Daya pengeluaran menentukan kejayaan | 122 |
| 327. | Utamakan kepentingan jangka pendek merugikan | 122 |
| 328. | Hakikat persyarikatan Malaysia | 123 |
| 329. | Faktor kemajuan ekonomi negara | 123 |
| 330. | Swasta menyumbangkan kemajuan negara | 123 |
| 331. | Swasta rakan kongsi kerajaan | 124 |
| 332. | Pengertian pembangunan | 124 |
| 333. | Pembangunan adalah proses membina manusia | 124 |
| 334. | Pembangunan seimbang | 125 |
| 335. | Rasional dasar penerapan nilai Islam | 125 |
| 336. | Hakikat penerapan nilai Islam | 125 |
| 337. | Rakyat bahagia dengan nilai Islam | 126 |
| 338. | Umat terpaksa guna sistem asing | 126 |
| 339. | Memajukan sistem ekonomi Islam | 126 |
| 340. | ASN untuk memelihara kekuatan ekonomi | 127 |
| 341. | Lanjutkan DEB tidak selesai | 127 |
| 342. | Utamakan kecekapan mengurus | 127 |
| 343. | Kerjasama menjayakan DEB | 128 |
| 344. | Malaysia akan bahagia | 128 |
| 345. | Demokrasi hanya alat | 128 |
| 346. | Mengutamakan kepentingan negara | 129 |
| 347. | Kerjasama antara kaum | 129 |

| | | |
|------|---|-----|
| 348. | Dua kepentingan untuk masyarakat Cina | 129 |
| 349. | Langkah untuk mengatasi ekonomi meleset | 130 |
| 350. | Ubat memulih ekonomi | 130 |
| 351. | Berjimat belanja | 130 |
| 352. | Mogok rugikan kerajaan | 131 |
| 353. | Pentadbiran tidak bertentangan dengan Islam | 131 |
| 354. | Mula dengan penerapan Islam | 131 |
| 355. | Cintai negara kita | 132 |
| 356. | Akui hak kaum lain | 132 |
| 357. | Tolak "RACIALISME" sempit | 132 |
| 358. | Mengelak salah erti | 133 |
| 359. | Cara atasi kemelesetan ekonomi | 133 |
| 360. | Latihan besar-besaran | 133 |
| 361. | Faktor menentukan masa depan negara | 134 |
| 362. | Tegas untuk menegakkan keadilan | 134 |
| 363. | Ada yang lebih tidak demokratik | 134 |
| 364. | Semua tertakluk kepada undang-undang | 135 |
| 365. | Boleh pinda undang-undang | 135 |
| 366. | Hak asasi | 135 |
| 367. | Bimbing bumiputera dalam pengurusan | 136 |
| 368. | Membangun ke arah negara maju | 136 |
| 369. | Perlu pengurusan yang cekap | 136 |
| 370. | Kepentingan mutu | 137 |
| 371. | Bangga dengan hasil kita | 137 |
| 372. | Mengapa perlu maju | 137 |
| 373. | Persediaan untuk maju | 138 |
| 374. | Terkenal kerana etika mulia | 138 |
| 375. | Sejarah negara maju dan mundur | 138 |
| 376. | Punca kejatuhan negara maju | 139 |
| 377. | Perhatian kepada teknologi | 139 |
| 378. | Perlu "HANDS ON" | 139 |
| 379. | Bukan jurutera di bilik hawa dingin | 140 |
| 380. | Bukan profesional tidak praktikal | 140 |
| 381. | Bukan untuk teori sahaja | 140 |
| 382. | Guna ilmu secara praktikal | 141 |
| 383. | Kejayaan mentadbir dan mengajar | 141 |
| 384. | Belajar untuk praktik | 141 |
| 385. | Kualiti tinggi kos rendah | 142 |
| 386. | Menghargai kolar biru | 142 |
| 387. | Kenaikan gaji tidak mendadak | 142 |

| | | |
|------|--|-----|
| 388. | Syarat mengembangkan ekonomi | 143 |
| 389. | Kelemahan demokrasi | 143 |
| 390. | Kerajaan adalah kawan pekerja | 143 |
| 391. | Akibat tuntutan berlebihan | 144 |
| 392. | Kerajaan yang akan bankrap | 144 |
| 393. | Periksa diri | 144 |
| 394. | Tumpu pembentukan sikap | 145 |
| 395. | Meminta yang di luar kemampuan | 145 |
| 396. | Masa depan Malaysia yang cerah | 145 |
| 397. | Rancangan pembangunan teratur | 146 |
| 398. | Rakyat bahagia dan dihormati | 146 |
| 399. | Negara maju, penduduk berhemah | 146 |
| 400. | Atasi ketidakseimbangan kaum | 147 |
| 401. | Dunia iktiraf Malaysia | 147 |
| 402. | Dunia tidak pandang rendah | 147 |
| 403. | Bangga dengan Malaysia | 148 |
| 404. | Tidak hina lagi | 148 |
| 405. | Barat sudah tidak sesuai | 148 |
| 406. | Malaysia lebih berjaya bangunkan ekonomi | 149 |
| 407. | Menyelesaikan pertikaian | 149 |
| 408. | Kerajaan pro-pekerja | 149 |
| 409. | Demokrasi yang berjaya | 150 |
| 410. | Negara boleh maju | 150 |
| 411. | Peluang untuk yang cekap dan amanah | 150 |
| 412. | Lebih baik satu dua yang berjaya | 151 |
| 413. | Yang maju dapat hadapi ancaman | 151 |
| 414. | Maksud negara maju | 151 |
| 415. | Pertahankan kebebasan dan hak | 152 |
| 416. | Penderhaka kepada negara | 152 |
| 417. | Kerajaan pertahankan persekutuan | 152 |

MENEGAKKAN AJARAN ISLAM

| | | |
|------|-------------------------------------|-----|
| 418. | Kesan kebangkitan Islam | 155 |
| 419. | Akibat umat yang jahil dan berpecah | 155 |
| 420. | Penubuhan Universiti Islam | 155 |
| 421. | Memahami Islam kepada bukan Islam | 156 |
| 422. | Penubuhan Bank Islam | 156 |
| 423. | Sistem kewangan alternatif | 156 |


| | | |
|------|--|-----|
| 424. | Perkenalkan tamadun Islam | 157 |
| 425. | Tanggungjawab UMNO terhadap Islam | 157 |
| 426. | Penyerapan nilai Islam | 157 |
| 427. | Nilai Islam teras kebahagiaan | 158 |
| 428. | Nilai Islam nilai sejagat | 158 |
| 429. | Islam tidak memaksa | 158 |
| 430. | Amalkan nilai Islam dan nilai mulia | 159 |
| 431. | Perlunya penjelasan Islam sebenar | 159 |
| 432. | Kerajaan akan menjelaskan Islam sebenar | 159 |
| 433. | Islam agama sederhana | 160 |
| 434. | Amalan yang membawa kejayaan | 160 |
| 435. | Nilai Islam membawa kebahagiaan | 160 |
| 436. | Berpegang kepada Islam | 161 |
| 437. | Kita bukan hipokrit | 161 |
| 438. | Gunakan kelonggaran | 161 |
| 439. | Terima hakikat perbezaan | 162 |
| 440. | Semangat kebangsaan dan Islam | 162 |
| 441. | Yang menidakkan persaudaraan Islam | 162 |
| 442. | Tekad kembangkan Islam | 163 |
| 443. | Tekun laksana syiar Islam | 163 |
| 444. | Agama yang dipengaruhi kepentingan politik | 163 |
| 445. | Beramal dengan ikhlas | 164 |
| 446. | Dasar dan matlamat terpenting | 164 |
| 447. | Utamakan pujuk rayu | 164 |
| 448. | Pendekatan mencemarkan Islam | 165 |
| 449. | Yang penting ketenangan diri | 165 |
| 450. | Akibat lupa ajaran Islam | 165 |
| 451. | Amalkan nilai Islam yang sebenar | 166 |
| 452. | Islam menjadi benteng orang Melayu | 166 |
| 453. | Imbangan dunia akhirat | 166 |
| 454. | Tidak taksud pada dunia dan akhirat | 167 |
| 455. | Perhatian lebih kepada dakwah | 167 |
| 456. | Dakwah kewajipan umat Islam | 167 |
| 457. | Tanggungjawab kerajaan berdakwah | 168 |
| 458. | Melayu yang berpegang kepada Islam | 168 |
| 459. | Utamakan keselamatan dan kesempurnaan | 168 |
| 460. | Kelslaman yang tidak boleh dibangga | 169 |
| 461. | Liberal dan toleran | 169 |
| 462. | Kebahagiaan di dunia dan akhirat | 169 |
| 463. | Tafsiran yang cacat | 170 |

| | | |
|------|---|-----|
| 464. | Ijtihad menyelesaikan persoalan baru | 170 |
| 465. | Tutup ijtihad tidak selesai masalah | 170 |
| 466. | Penyelewengan ulama politik | 171 |
| 467. | Kejayaan jika terapkan nilai Islam | 171 |
| 468. | Bermusuhan hanya dengan yang bermusuhan | 171 |
| 469. | Tiada paksaan memeluk Islam | 172 |
| 470. | Haruskah menolak pemberian Allah? | 172 |
| 471. | Memelihara kurniaan Allah | 172 |
| 472. | Mengimbangkan pencapaian | 173 |
| 473. | Imbangan penting untuk kemajuan | 173 |
| 474. | Sederhana dan seimbang | 173 |
| 475. | Amanah menyampaikan Islam | 174 |
| 476. | Nasib Melayu tanpa Islam | 174 |
| 477. | Islamnya Melayu kerana yang beramanah | 174 |
| 478. | Tanggungjawab mengembangkan Islam | 175 |
| 479. | Tafsiran Islam yang cacat | 175 |
| 480. | Imbangan sebagai pegangan | 175 |
| 481. | Melayu maju jika berpandukan Islam | 176 |
| 482. | Melayu berjaya dengan nilai Islam | 176 |
| 483. | Wawasan 2020 imbangkan dunia akhirat | 176 |
| 484. | Malapetaka akibat seleweng tafsiran | 177 |
| 485. | Maksud Asabiyah | 177 |
| 486. | Tiada pengasingan politik dan agama | 177 |
| 487. | Pemimpin berwibawa mendirikan tamadun | 178 |
| 488. | Kuasai pelbagai bidang punca gemilang | 178 |
| 489. | "Fanaticism" bertentangan dengan Islam | 178 |
| 490. | Kesederhanaan menguatkan Islam | 179 |
| 491. | Yang bersubahat dengan musuh | 179 |
| 492. | Wawasan 2020 untuk majukan Islam | 179 |

SIKAP DAN PERJUANGAN ALAMIYYAH

| | | |
|------|---|-----|
| 493. | Nilai primitif dalam politik antarabangsa | 182 |
| 495. | Keutamaan kepada Asean | 182 |
| 495. | Hubungan dengan negara Islam | 182 |
| 496. | Perpecahan dunia Islam | 183 |
| 497. | Sikap berkecuali | 183 |
| 498. | Ancaman terhadap peradaban | 183 |
| 499. | Tabiat malas di Barat | 184 |

| | | |
|------|---|-----|
| 500. | Berusaha ke arah keamanan di dunia | 184 |
| 501. | Asas Dasar Luar | 184 |
| 502. | Konsep bantuan teknik Malaysia | 185 |
| 503. | Membebaskan Antartika | 185 |
| 504. | Keutamaan hubungan luar | 185 |
| 505. | Utamakan OIC | 186 |
| 506. | Negara Berkecuali | 186 |
| 507. | Dunia yang kehilangan arah | 186 |
| 508. | Maju mundur bangsa dan negara | 187 |
| 509. | Persaudaraan Islam | 187 |
| 510. | Sokongan PLO | 187 |
| 511. | Sikap terhadap perang Iran - Iraq | 188 |
| 512. | Sikap terhadap Afrika Selatan | 188 |
| 513. | Hanya Israel dan Afrika Selatan menjadi musuh | 188 |
| 514. | Kekejaman tetap dikedam | 189 |
| 515. | Bangsa bermaruah tetap bersaudara | 189 |
| 516. | Menghormati jika dihormati | 189 |



**KOMITMEN PERJUANGAN
PRESIDEN**

MEMENTINGKAN UMNO

Bagi saya, tempat yang saya isikan ini tidak berguna melainkan untuk menentukan kepentingan UMNO dipelihara bersama dengan kepentingan Agama dan Negara.

Yang penting dan utama bukan saya, tetapi UMNO.

- 18 Oktober 1983

MENAWARKAN KHIDMAT

Tidak ada apa yang dapat saya tawarkan kepada UMNO dan kepada negara melainkan khidmat yang masih boleh saya berikan.

Selagi ada hayat dan kemampuan dan selagi saya dikehendaki, saya akan berkhidmat kepada parti dan negara.

- 25 Mei 1984

MASA UNDURKAN DIRI

Cuma yang saya pohon kepada Allah S.W.T ialah, apabila khidmat saya sudah tidak dikehendaki lagi, saya akan sedar dan kenal akan tanda-tandanya dan saya dapat mengundurkan diri dengan segala senang hati.

- 25 Mei 1984

DEMI MENYELAMATKAN BANGSA

Saya sedar apa yang saya katakan ini akan menyebabkan kemarahan pihak-pihak tertentu, di dalam dan di luar parti dan Kerajaan. Tetapi saya tidak akan bertanggungjawab jika saya tidak memperkatakan yang benar demi menyelamatkan bangsa Melayu yang menjadi tunggak Kerajaan negara ini, bangsa yang menegakkan agama Islam dan kedaulatan negara Malaysia.

- 8 November 1991



Perkara I

MENGUKUHKAN PARTI





TIADA YANG TEWAS

Kepada yang menang dan juga yang tewas ingatlah bahawa menang dan tewas itu ialah persepsi dari sudut individu, tetapi dari sudut prinsip perjuangan parti, tidak ada yang tewas; yang tewas juga menang, kerana perjuangan kita ialah perjuangan yang satu, iaitu perjuangan untuk mengukuhkan UMNO supaya UMNO dapat memainkan peranannya sebagai parti yang memelihara dan mendukung kepentingan bangsa, agama dan negara.

- 10 Sept. 1982

TUJUAN PERTANDINGAN

Tidak sekali-kali harus kita lupa bahawa tujuan pertandingan dan amalan demokrasi adalah proses untuk mengukuhkan parti bukan pertarungan untuk mencari juara. Setiap ahli UMNO yang mendukung cita-cita dan perjuangan parti serta prinsip-prinsip demokrasi kita, tidak kira apa pun jawatan, adalah juara.

- 10 Sept. 1982

AMANAH PERJUANGAN

Dalam UMNO tidak ada sesiapa lebih berhak dari yang lain. Jawatan-jawatan yang dipegang oleh orang-orang yang tertentu, sama ada dalam parti atau dalam kerajaan, adalah amanah sementara untuk kepentingan parti, kepentingan bangsa, agama dan negara.

- 10 Sept. 1982

MEMATUHI PERLEMBAGAAN

Dalam UMNO tidak ada tempat bagi orang yang mengutamakan diri sendiri, yang tidak mahu turut kehendak parti melalui Perlembagaan yang mewujudkan parti.

- 10 Sept. 1982

PERPADUAN BERMATLAMAT

UMNO kuat dan kukuh kerana adanya perpaduan di kalangan ahli-ahlinya. Perpaduan wujud kerana matlamat – iaitu matlamat untuk menebus maruah orang Melayu dan orang Islam di negara ini.

- 10 Sept. 1982

KEPIMPINAN DAN KETERTIBAN

Sementara perpaduan adalah penting, tidak kurang pentingnya ialah kepimpinan dan cara-cara bergerak yang tertib. Hanya dengan adanya kepimpinan yang berkesan, dan taktik serta strategi yang tertib sahaja, yang akan menentukan kejayaan.

- 10 Sept. 1982

AKIBAT MEMBELAKANGKAN ARAHAN

Jika arahan dan susunan kerja dibelakangkan dalam UMNO, dan ahli-ahli bertindak sendiri mengikut pendapat diri sendiri, UMNO sebagai parti tidak akan wujud dan bergerak maju. Kepimpinan UMNO pula tidak akan dihormati oleh sesiapa.

- 10 Sept. 1982

TIADA TEMPAT BAGI YANG BERKEPENTINGAN

Tidak ada tempat dalam UMNO bagi orang yang berpandangan cetek, yang cuma memikirkan tentang kepentingan dirinya sahaja. Jika UMNO berjaya hingga kini, ini adalah kerana disiplin yang terdapat di dalamnya, dan susunan hierarki kuasa yang tertib dan teratur.

- 10 Sept. 1982

PERJUANGAN YANG PANJANG

Kita tidak boleh lemah, dan kita tidak boleh cuai. Perjuangan ini adalah perjuangan yang tidak ada hujung; setiap detik adalah permulaan dan setiap permulaan harus kita lalui dengan semangat yang gigih dan dengan langkah yang teliti dan tegas.

- 10 Sept. 1982

PERJUANGAN BARU BERMULA

Walaupun sesudah 25 tahun merdeka, kita tidak boleh leka dan bersenang-senang. Insaflah bahawa perjuangan kita untuk mengisi kemerdekaan masih lagi di peringkat permulaan.

- 10 Sept. 1982

USAHA BERLIPAT GANDA

Kita perlukan usaha yang berlipat ganda bagi membawa agama, bangsa dan negara ke tahap yang lebih kukuh bagi menjamin kesejahteraan dan kebahagiaan generasi-generasi yang akan datang.

- 10 Sept. 1982

UMNO DAN TUGAS TINGKATKAN AMALAN ISLAM

Tugas UMNO sekarang ialah meningkatkan lagi amalan mengenai Islam dan menjamin masyarakat Melayu benar-benar mengamalkan ajaran agama Islam. Ini bermakna orang Melayu mesti menjadi orang yang rajin, berpengetahuan dan cekap dalam semua bidang.

- 10 Sept. 1982

PERJUANGAN UMNO KINI LEBIH BESAR

Memang perjuangan ini jauh lebih besar dari segala perjuangan UMNO dulu. Memang perjuangan ini tidak mudah dijayakan. Tetapi UMNO mesti memperjuangkannya, walau apa pun rintangannya, kerana inilah perjuangan kita yang sebenarnya.

- 10 Sept. 1982

UMNO BUKAN SEMATA-MATA PENDESAK

Peranan dan tanggungjawab UMNO kepada orang Melayu mestilah jelas. UMNO bukanlah semata-mata alat untuk mendesak kerajaan membuat itu dan ini, dan memberikan itu dan ini. UMNO adalah juga badan kepimpinan orang Melayu ke arah kebahagiaan.

- 10 Sept. 1982

UMNO SEBAGAI CONTOH TELADAN

UMNO adalah contoh dan teladan kepada orang Melayu. UMNO mesti meyakinkan orang Melayu bahawa kemajuan dan kebahagiaan mereka berada di tangan mereka.

- 10 Sept. 1982

UMNO MERINTIS PERUBAHAN

Sebagai parti yang bertanggungjawab, UMNO tidak mempunyai pilihan lain. UMNO akan merintis segala perubahan yang akan membawa kebahagiaan negara. UMNO akan menjunjung tinggi amanah yang diletakkan di bahunya ini.

- 10 Sept. 1982

MEMIMPIN BANGSA BERMARUAH

Malaysia yang bermaruah ialah matlamat kita. UMNO akan menjadi teladan dan memimpin orang Melayu dan semua rakyat Malaysia ke arah matlamat yang mulia ini.

- 10 Sept. 1982

AMALAN MELEMAHKAN PARTI

Dalam UMNO, dan di kalangan orang Melayu amnya, terdapat terlalu banyak yang mengutamakan hasil jangka pendek. Sebab itu, amalan-amalan yang melemahkan Parti dan perjuangan orang Melayu kerap berlaku. Di antara amalan-amalan ini ialah tabiat melempar fitnah.

- 18 Ogos 1983

UMNO HARUS MENGIKIS FITNAH

Fitnah memfitnah adalah amalan keji yang buruk kesannya. Ia tidak harus dibiarkan menjadi tabiat dan amalan masyarakat kita yang mahukan kebahagiaan. Ia harus dibanteras, dan UMNO sebagai teras pembimbing masa depan negara yang bahagia harus mengikiskannya daripada masyarakat kita.

- 18 Oktober 1983

UMNO PARTI SEDERHANA

Jika pada hari ini negara kita tidak dilanda oleh berbagai malapetaka buatan manusia, sebabnya ialah kerana UMNO adalah parti politik yang sederhana, satu sifat yang diredai oleh Allah S.W.T. Berkat dari kesederhanaan inilah maka orang Islam di Malaysia terpelihara daripada bermacam-macam tekanan dan penindasan.

- 18 Oktober 1983

"TEAM SPIRIT" DALAM PARTI

"Team spirit" atau semangat pasukan perlu ada jika sesuatu pasukan itu ingin mencapai kejayaan. Jika seseorang daripada ahli pasukan mempunyai cita-cita atau "ambition" yang tersendiri dan membelakangkan pasukan, maka alamatnya ialah pasukan itu akan gagal.

- 18 Oktober 1983

UMNO - PARTI ISLAM

UMNO dengan jelas mengakui yang ianya adalah parti kebangsaan Melayu di samping menjadi parti Islam. Menafikan hakikat ini akan menjadikannya hipokrit atau munafik.

- 25 Mei 1984

MENENTANG GOLONGAN HIPOKRIT

Adalah menjadi tanggungjawab parti orang Islam seperti UMNO untuk bukan sahaja mendedahkan golongan hipokrit ini tetapi juga melawan mereka sehingga tewas. InsyaAllah.

- 25 Mei 1984

AMBIL KIRA BUKAN MELAYU

Perjuangan UMNO terpaksa mengambil kira kedudukan dan kepentingan orang-orang bukan Melayu yang menjadi warganegara. UMNO tidak ada niat untuk merampas hak dan harta orang lain yang diperolehi secara sah.

- 25 Mei 1984

KERJASAMA SEMUA KAUM

Agama Islam, yang menjadi agama rasmi dan agama ahli-ahli UMNO, juga tidak menyuruh supaya UMNO merampas hak orang lain. Apa yang diperlukan oleh UMNO ialah kerjasama daripada semua kaum supaya keadilan wujud dalam semua lapangan di negara yang kita cintai ini.

- 25 Mei 1984

POLITIK WANG HANCURKAN UMNO

Penggunaan wang dan rebutan jawatan akan menghancurkan UMNO dan melemahkan bangsa Melayu. Sekiranya ini berlaku, suatu hari nanti 'millionaire' sahaja yang akan memimpin UMNO. Pada waktu itu, UMNO bukan lagi parti politik. Ia akan menjadi persatuan orang kaya. Dan sudah tentu rakyat umum tidak lagi akan menyokongnya.

- 25 Mei 1984

SEMANGATLAH MENGUKUHKAN UMNO

Yang melahir dan mengukuhkan UMNO ialah semangat dan bukan wang ringgit. Di waktu UMNO dianggotai oleh orang-orang miskin belaka, UMNO telah berjaya menumpaskan British.

- 25 Mei 1984

MEMIMPIN UMNO YANG HANCUR

Bila UMNO sudah hancur, kemenangan untuk menjadi pemimpin tidak bermakna lagi. Yang memenangi pilihanraya bukan lagi UMNO, tetapi parti lain.

- 25 Mei 1984

UMNO KALAHKAN UMNO

UMNO tidak akan kalah melainkan UMNO mengalahkan dirinya sendiri.

- 25 Mei 1984

JANGAN DIPENGARUHI POLITIK WANG

Saya merayu kepada ahli-ahli UMNO, terutama golongan muda supaya tidak membenarkan diri mereka dipengaruhi oleh taktik main duit dan mengutamakan diri sendiri.

- 25 Mei 1984

PILIH PEMIMPIN JUJUR

Pilihlah mereka yang mengutamakan khidmat yang jujur dan tidak berhempas pulas untuk mendapatkan tempat.

- 25 Mei 1984

JUAL UNDI - JUAL PARTI - JUAL NEGARA

Jikalau kita jual undi kita pada hari ini, suatu hari nanti kita akan jual parti, dan mungkin kita akan jual negara juga.

- 25 Mei 1984

PENDEDAHAN DAN NASIHAT PRESIDEN

Setiap kali saya berucap, saya mendedahkan kelemahan-kelemahan ahli-ahli UMNO, pemimpin-pemimpin UMNO, kelemahan orang Melayu dan kelemahan rakyat Malaysia. Sepanjang masa saya telah menasihatkan supaya berdisiplin, bekerja kuat, beramanah, jangan tamak dan bangun setengah jam lebih awal, berada di pejabat tepat pada waktu, memakai tanda nama di dada dan lain-lain peraturan yang dikatakan sebagai 'beban'. Tetapi segala puji bagi Allah S.W.T. walaupun ada yang berpendapat bahawa yang saya buat mungkin akan menjadikan saya tidak popular, tetapi nampaknya saya masih mendapat kepercayaan...

- 25 Mei 1984

YANG PENTING - UMNO

Yang penting ialah UMNO. Kita tidak tubuhkan UMNO untuk memberi tempat kepada orang-orang tertentu. Mereka cuma dipilih menjadi pemimpin kerana perjuangan UMNO tidak akan berjaya jika ia tidak mempunyai ketua.

- 25 Mei 1984

PERKEMASKAN KEDUDUKAN MELAYU

Sekarang tugas UMNO ialah untuk menentukan bahawa orang-orang Melayu tidak diancam kerana kelemahan mereka. Untuk ini, politik, ekonomi dan kedudukan sosial orang-orang Melayu mesti diperkembangkan; bukan semata-mata melalui bantuan tetapi melalui penghapusan sikap dan sifat-sifat yang melemahkan orang-orang Melayu.

- 25 Mei 1984

GANTI YANG SELEWENG DAN TIADA IDEA

Jika ada mana-mana pemimpin UMNO yang jelas menyeleweng atau sudah tidak mempunyai idea dan tenaga lagi, kita perlu mencari ganti.

- 25 Mei 1984

CINTAI UMNO

Saya merayu kepada ahli-ahli UMNO supaya cintakan UMNO dan tidak kepada orang-orang tertentu di dalamnya, termasuk saya.

- 25 Mei 1984

YANG PENTING KHIDMAT PADA PARTI

Orang-orang ini berguna cuma kerana khidmat yang boleh diberikan oleh mereka. Dari mana mereka datang tidak penting.

Sama ada mereka raja atau rakyat, bergelaran atau tidak, adalah tidak penting. Yang penting ialah khidmat mereka ke arah pencapaian matlamat UMNO.

- 25 Mei 1984

JANGAN SAMPAI UMNO DIPECAHKAN

Jangan sekali-kali begitu sayang kepada seseorang sehingga sanggup UMNO dipecah-pecahkan.

- 25 Mei 1984

BERI MANDAT SAHAJA

Jangan ada 'personality cult' dan 'parochialism' dalam UMNO. Cuma yang boleh diberi kepada mereka yang menawar diri ialah mandat untuk menjalankan tugas.

- 25 Mei 1984

BERKHIDMAT DALAM UMNO

Penyertaan dalam parti politik seperti UMNO yang bertujuan untuk berkhidmat dan membawa kejayaan kepada masyarakat, terutamanya bangsa Melayu, memberi banyak peluang untuk kita menunaikan kewajipan kita.

Yang bertanggungjawab di antara kita haruslah bersedia untuk berkhidmat, walaupun kita tidak dapat memenuhi kehendak hati kita dari segi tempat dan ganjaran di dunia.

- 25 Mei 1984

GANTI PEMIMPIN TIDAK ADIL

UMNO mengamalkan sistem yang demokratik dan memilih pemimpin dengan mengundi secara ramai. Sama ada pemimpin yang dipilih terjamin sifat keadilannya tidak dapat ditentukan.

Yang penting ialah jika pemimpin betul-betul tidak adil, ia dapat digantikan melalui proses demokrasi. Janganlah kita membenarkan kesalahan teknik mengatasi prinsip dan kepentingan parti keseluruhannya.

- 25 Mei 1984

GEJALA HANCURKAN UMNO

Di antara gejala buruk yang muncul kerana kemajuan ekonomi orang Melayu dan bertambahnya ahli UMNO, ialah politik wang dan rebutan tempat.

Memadailah jika saya katakan bahawa kedua-dua amalan ini jika tidak dibendung akan menghancurkan UMNO dan juga negara.

- 27 September 1985

SENGKETA AHLI HANCURKAN UMNO

UMNO tidak akan hancur kerana serangan musuhnya tetapi UMNO boleh hancur kerana pecah belah di dalam parti, dan sengketa di antara ahli-ahli UMNO.

- 27 September 1985

KERJASAMA DENGAN SEMUA KAUM

UMNO menerima kenyataan dan berpegang teguh kepada kebenaran. Kenyataannya ialah Malaysia adalah negara berbilang kaum. Oleh itu UMNO sanggup bekerjasama dengan semua kaum asalkan perjuangan mereka tidak bertentangan dengan kepentingan negara dan perjuangan UMNO.

- 27 September 1985

TIDAK BELAKANGKAN ISLAM

UMNO terdiri dari golongan orang-orang Melayu yang bersemangat kebangsaan. Tetapi kita tidak membelakangkan Islam walaupun bersemangat kebangsaan. Semangat kebangsaan memberi kekuatan kepada perjuangan Islam dan persaudaraan dalam Islam.

- 27 September 1985

TIDAK RAGU KEISLAMAN UMNO

Sebagai pertubuhan kebangsaan Melayu, UMNO tidak ragu dengan keislaman dirinya. UMNO akan terus berpegang kepada semangat kebangsaan, kerana semangat kebangsaan dalam UMNO adalah sama dengan semangat kebangsaan yang diperlihatkan oleh Mujahidin Afghanistan.

- 27 September 1985

JANGAN JUAL BANGSA KERANA UNDI

Undi memang penting dalam politik demokrasi moden, tetapi janganlah kerana undi kita sanggup menjual bangsa dan keturunan kita.

27 September 1985

UMNO PEGANG TEGUH PRINSIP ISLAM

Sebagai parti Islam, UMNO akan berpegang teguh kepada prinsip-prinsip yang didukung oleh Islam.

- 27 September 1985

JANGAN TERLALU MEMBANGGAI KEJAYAAN

Kita tidak boleh terlalu sangat berbangga dengan kejayaan diri sendiri, atau bersikap sombong dan angkuh atau begitu berpuas hati sehingga lalai akan tanggungjawab kita, akan betapa perlunya kita bekerja lebih kuat dan memberi khidmat yang lebih baik kepada rakyat yang telah memberikan kepercayaan kepada kita.

- 18 September 1986

TIDAK AKAN JADI 'RACIALIST'

Walaupun UMNO kecewa dengan aliran "chauvinistik" di kalangan ramai orang-orang Cina di kawasan bandar dalam pilihanraya baru-baru ini, UMNO tidak akan membalas dengan menjadi "racialist" Melayu.

- 18 September 1986

BUAT SESUATU KERANA IANYA BAIK

Kita bukan membuat sesuatu untuk dipuji atau untuk orang lain terhutang budi kepada kita. Kita membuat sesuatu kerana perbuatan itu baik dan adil.

- 18 September 1986

TERUS TEGAKKAN KEADILAN

Kita teruskan dasar berbilang kaum dan kerjasama antara kaum ini tanpa mengambil kira segala kata-kata kesat yang dilemparkan terhadap kita. Pemerintahan Kerajaan Barisan Nasional yang diketuai oleh UMNO akan terus menegakkan keadilan di antara kaum. Dasar mengimbangkan pembangunan kaum-kaum di Malaysia akan diteruskan.

- 18 September 1986

SEMUA KAUM MESTI DAPAT TEMPAT

Jika Malaysia ingin maju, semua kaum mesti mendapat tempat. Dan UMNO akan berusaha dengan rakan-rakan dalam Barisan Nasional untuk menentukan semua mendapat tempat yang sepatutnya.

- 18 September 1986

UMNO SEBAGAI CONTOH

UMNO masih merupakan tulang belakang Barisan Nasional dan tulang belakang Kerajaan. Justeru itu, UMNO perlu merintis jalan serta menjadi contoh dan teladan dalam semua bidang.

- 18 September 1986

TANGGUNGJAWAB MEMULIHKAN EKONOMI

Pemulihan ekonomi negara ini dan pembangunannya adalah tanggungjawab istimewa UMNO, tanggungjawab kita yang setia kepada parti walau apa pun fitnah yang dilemparkan kepada kita.

- 18 September 1986

UMNO DIHORMATI KERANA PERPADUAN DAN DISIPLIN

Kalau kita desak supaya UMNO mengutamakan perpaduan dan berdisiplin, sebabnya bukanlah kerana ini memudahkan kerja pemimpin, tetapi kerana perpaduan dan disiplin sahaja yang menjadikan parti kita berkesan dan dihormati dan layak memimpin dan menjadi teladan.

- 18 September 1986

TAAT SETIA SIFAT UMNO

Taat setia kita bukanlah untuk mendapat tempat. Taat setia adalah sifat kita ahli UMNO, sifat yang kita junjung sepanjang hayat kita.

- 18 September 1986

MASA DEPAN MELAYU DAN ISLAM

Cerah atau gelapnya masa depan orang Melayu dan agama Islam khususnya, bangsa Malaysia, negara Malaysia bahkan kaum-kaum lain yang berada di Malaysia bergantung kepada UMNO.

- 18 September 1986

UMNO MENGAJAK KESEDERHANAAN

UMNO adalah "binding force" atau kuasa yang mengikat, kuasa yang menarik semua parti yang bersikap sederhana supaya bekerjasama.

- 18 September 1986

UMNO AMAL DEMOKRASI IKHLAS

Sistem demokrasi dengan sendirinya tidak menjamin keadilan dan kebahagiaan. Yang benar-benar menjamin kedua-dua nikmat ini ialah pengalaman demokrasi yang ikhlas dan jujur. Dan UMNO adalah pengamal demokrasi yang ikhlas dan jujur.

- 18 September 1986

HULUR TANGAN PERSAHABATAN

Jelas sekali bahawa tanggungjawab kita, ahli-ahli UMNO adalah berat. Kita mesti memikul tanggungjawab ini dan kita mesti menentukan kestabilan dan keadilan bagi semua rakyat di negara ini. Kita mesti menghulur tangan persahabatan setiap masa.

- 18 September 1986

JADIKAN AL-QUR'AN DAN SUNNAH SEBAGAI PANDUAN

Kita seharusnya mencuba supaya perpaduan yang tergugat itu dapat dipulihkan semula. Apa-apa perbezaan pendapat dan salah faham sesama sendiri janganlah dibiarkan berpanjangan. Bersama-samalah kita menjadikan al-Qur'an dan Sunnah sebagai panduan kita.

- 18 September 1986

UTAMAKAN SIFAT LUHUR DAN SEDERHANA

Kita patutlah mengutamakan sifat-sifat yang lebih luhur dan sederhana supaya kita tidak bersikap keterlaluan atau ekstrim.

- 18 September 1986

KESEDERHANAAN MENGEKALKAN PERPADUAN

Kita harus yakin akan kesederhanaan yang dituntut oleh agama Islam yang bukan sahaja dapat mengekalkan perpaduan di kalangan ummah, tetapi juga dapat mengembangkan lagi syiar Islam.

Ia juga akan membolehkan kita bekerjasama dengan kaum-kaum lain, bahkan memberi perlindungan kepada mereka.

- 18 September 1986

PERJUANGAN BELUM TAMAT

Perjuangan UMNO belum tamat. Kita masih mempunyai banyak kerja yang perlu dibuat, banyak matlamat yang perlu dicapai.

- 18 September 1986

FALSAFAH KEJAYAAN UMNO

UMNO mempunyai falsafah yang membolehkannya membawa kebahagiaan dan kesejahteraan kepada rakyat dan negara. Kerana UMNO tidak terlalu ekstrim, UMNO dapat membentuk satu rangka kerjasama dengan lain-lain kaum dan parti politik di Malaysia.

- 24 April 1987.

UMNO UTAMAKAN KEAMANAN

UMNO mengutamakan keamanan dan tidak suka kepada keterlaluhan. UMNO menghormati dan memegang kuat kepada konsep dan amalan Demokrasi Berparlimen dan Raja Berperlembagaan.

- 24 April 1987

YANG PENTING IALAH UMNO

Ingatlah, tidak ada seorang pun daripada kita, termasuklah diri saya sendiri, yang penting. Tidak ada seorang ahli UMNO atau pemimpin-pemimpin UMNO yang penting walau apa pun jawatan mereka.

Yang penting ialah pertubuhan ini, UMNO, sebagai sebuah badan untuk mengubah nasib orang-orang Melayu.

- 24 April 1987

UMNO YANG SAMA

Sebenarnya UMNO yang bersidang pada hari ini, dari segi semangatnya, dari segi perjuangannya, dari segi perlembagaannya, dari segi keahliannya adalah UMNO yang ditubuhkan pada 11 hb. Mei 1946, di Istana Besar, Johor Bahru.

- 28 Oktober 1988

DIPECAT KERANA MENINGKRIK

Saya juga dipecat daripada menjadi ahli MT dan UMNO bukan kerana tidak menyokong UMNO tetapi kerana mengkritik kepimpinan Kerajaan semasa itu.

- 28 Oktober 1988

UMNO TIDAK MATI

UMNO tidak mati. UMNO bukan makhluk yang boleh hidup dan mati seperti makhluk lain. UMNO adalah pertubuhan yang ditubuhkan mengikut undang-undang. Hanya pendaftarannya sahaja tergugat buat sementara.

- 28 Oktober 1988

UMNO MEMBELA AGAMA, BANGSA DAN NEGARA

UMNO adalah parti politik. Tetapi wujudnya UMNO bukan kerana hendak berpolitik semata-mata. UMNO ditubuhkan kerana kita tahu bahawa melalui politik kita boleh mempertahankan hak dan memperbaiki nasib orang-orang Melayu, agama Islam dan negara kita Malaysia.

- 28 Oktober 1988

UMNO MAHU MELAYU BERSATU

Kepimpinan UMNO sekarang tidak mahu perpecahan diteruskan. UMNO tidak mahu orang-orang Melayu menjadi lemah. UMNO tidak mahu orang-orang Melayu diperalatkan untuk menggagalkan orang-orang Melayu sendiri. UMNO mahu orang-orang Melayu bersatu.

- 28 Oktober 1988

UMNO TERIMA SESIAPA SAHAJA

UMNO bersedia menerima sesiapa sahaja yang ingin menjadi ahli UMNO, sama ada ianya bekas ahli UMNO ataupun bukan.

- 28 Oktober 1988

SEDIA BERUNDING DENGAN SIAPA SAHAJA

UMNO sedia berunding dengan sesiapa sahaja bagi menyatupadukan orang-orang Melayu.

- 25 Oktober 1988

TERBUKA PADA YANG TERIMA DASAR PERJUANGAN

UMNO sedia menerima ahli-ahli PSRM atau ahli-ahli PAS atau ahli-ahli DAP dan sesiapa yang memohon dan bersedia menghayati dasar dan perjuangan UMNO.

- 25 Oktober 1988

AHLI PUNYA HAK YANG SAMA

Semua orang yang menyertai UMNO akan mempunyai hak yang sama mengikut perlembagaan UMNO. Tetapi hak ini mestilah disertai dengan perasaan yang penuh tanggungjawab.

- 25 Oktober 1988

HANYA UMNO

Kita semua berada dalam UMNO kerana UMNO sahajalah yang mampu memberi perlindungan dan kejayaan kepada orang Melayu dalam negara yang berbilang kaum ini. UMNO sahajalah yang boleh menstabil dan mententeramkan keadaan dalam negara kita Malaysia. UMNO sahajalah yang mampu menjamin keutuhan agama, bangsa dan negara, InsyaAllah.

- 25 Oktober 1988

YANG TIDAK FAHAM AMALAN BERPARTI

Perbuatan menghancurkan parti kerana kita tidak bersetuju dengan suara ramai, perbuatan menghalang perjalanan parti kerana kita tidak mendapat sesuatu untuk diri sendiri - semua ini menunjukkan kita tidak faham selok belok berparti dan konsep suara ramai dalam parti yang demokratik.

- 25 Oktober 1988

TEMPAT UNTUK YANG DIKEHENDAKI OLEH UMNO

Kita tidak harus berhempas pulas untuk mendapatkan tempat dalam UMNO. UMNO akan memberi tempat kepada mereka yang UMNO kehendaki untuk mendapat tempat.

- 17 November 1989

UMNO SEBAGAI TERAS

Sebagai sebuah parti politik yang bertanggungjawab, UMNO mesti memimpin rakyat ke arah kebahagiaan. UMNO mesti kekal sebagai teras kepada Barisan Nasional, kepada kerajaan dan kepada negara. Renunglah ke hadapan dan jadikan parti kita sebagai contoh kepada rakyat.

- 28 Oktober 1988

UMNO TUNJANG KERAJAAN

Orang Melayu melalui UMNO mestilah menjadi teras dan tunjang bagi kerajaan Malaysia. Kerajaan campuran tidak boleh kukuh dan kekal jika tidak ada sebuah parti yang kuat yang boleh menjadi teras kepadanya. Jika semua parti dalam kerajaan campuran sama kuat, rebutan untuk mendapat tempat pertama akan berlaku dan ini sudah tentu akan menjadikan kerajaan campuran berkenaan tidak stabil dan lemah.

- 30 November 1990

UMNO PECAH KERANA FAKTOR PENTINGKAN DIRI

Berlakunya perpecahan dalam UMNO adalah disebabkan kepentingan diri orang-orang tertentu. Isu sebenarnya tidak ada, tetapi isu telah dicipta dan diada-adakan bagi menyokong perjuangan diri sendiri.

- 30 November 1990

FAKTOR UMNO KUKUH

UMNO kekal dan kukuh kerana beberapa faktor. UMNO mendukung hasrat dan cita-cita orang Melayu untuk maju dan dihormati. UMNO berusaha bersungguh-sungguh dan kerap berjaya memenuhi janji-janjinya. Pendekatan UMNO diterima oleh orang Melayu dan juga tidak ditolak oleh orang bukan Melayu. Kebanyakan pemimpin-pemimpin UMNO bertanggungjawab dan jujur kepada parti.

- 30 November 1990

PARTI PECAH JIKA UTAMAKAN CALON

Pengajaran yang harus kita sematkan dalam hati ialah pertandingan boleh mengakibatkan perpecahan jika kita mengutamakan calon tertentu dan tidak mengutamakan parti.

- 30 November 1990

RAPATKAN BARISAN SELEPAS BERTANDING

Sebaik-baiknya cara ialah setelah pertandingan selesai, semua ahli parti merapatkan barisan di belakang calon yang menang.

- 30 November 1990

PERTANDINGAN HARUS 'GENTLEMEN'

Pertandingan sepatutnya bercorak 'gentleman' dan berasaskan prestasi calon sebagai seorang individu, sebagai seorang pendukung parti, sebagai seorang pemimpin dan jika ia berada dalam kerajaan, sebagai seorang anggota kerajaan yang berjaya.

- 30 November 1990

PROSES MENGGANTI PEMIMPIN

Lambat laun kepimpinan terpaksa diganti. Amatlah sedih dan mendukacitakan jika proses mengganti pemimpin-pemimpin ini menghancurkan parti. Tiga orang Presiden mengetuai parti UMNO tanpa adanya cabaran yang bersungguh-sungguh. Tidak adanya cabaran tidak bererti pemimpin dahulu tidak ada kelemahan sama sekali. Tidak adanya cabaran adalah kerana tokoh-tokoh yang berkebolehan dalam parti tidak sanggup mencabar pemimpin yang sedia ada pada masa itu.

Perpaduan parti dianggap lebih penting daripada cita-cita besar mana-mana tokoh.

- 30 November 1990

APABILA CITA-CITA DIRI MENGATASI PARTI

Apabila ada individu daripada barisan pemimpin tinggi bercita-cita besar, individu yang mengutamakan cita-citanya lebih daripada parti, maka berlakulah kekecohan yang boleh memusnahkan parti.

- 30 November 1990

PILIH MEREKA YANG PUNYA REKOD BAIK

Saya menyeru saudara saudari sekalian supaya mengutamakan parti dan perjuangannya. Janganlah kita terlalu mengikatkan diri kepada calon kita. Undilah mereka yang mempunyai rekod khidmat yang baik.

- 30 November 1990

RAPATKAN BARISAN DI BELAKANG YANG MENANG

Yang penting dan utama ialah sesudah kita membuat pilihan, semua ahli hendaklah merapatkan barisan di belakang calon yang menang dan memberi sokongan kepadanya. Dengan itu perjuangan parti yang mulia dapat diteruskan. Perjuangan parti lebih penting daripada calon atau mana-mana individu.

- 30 November 1990

MENGAKUI KELEMAHAN KITA

Yang perlu dibuat oleh UMNO ialah mengakui kelemahan-kelemahan kita yang menyebabkan kita tidak dapat mencapai sepenuhnya matlamat Dasar Ekonomi Baru.

- 30 November 1990

AMANAH KEDUDUKAN DAN KUASA

Kedudukan dan kuasa yang diamanahkan kepada UMNO oleh rakyat bukan untuk kepentingan sesiapa. Kedudukan dan kuasa ini adalah untuk melindungi, memelihara dan membangunkan bangsa, agama dan negara. Kita tidak boleh mengabaikan amanah ini. Kita tidak berhak mengabaikan dan mengecewakan mereka yang memilih kita.

- 30 November 1990

TINGKATKAN TARAF HIDUP

Taraf hidup rakyat negara ini, selepas kita dalam UMNO menunaikan tanggungjawab kita dalam masa lima tahun yang akan datang, mestilah lebih baik daripada sekarang.

- 30 November 1990

UMNO MESTI DIPERKUKUHKAN

UMNO mesti diperkukuhkan bukan kerana kita ghairah dengan kekuatan. UMNO mesti diperkukuhkan kerana hanya UMNO yang kukuh sahaja yang boleh menunaikan segala janjinya. Inilah tanggungjawab kita. Inilah ikrar kita.

- 30 November 1990

MEMBANGUN MELAYU BARU SUATU JIHAD

Ahli-ahli UMNO di semua peringkat mestilah menganggap tugas mereka ke arah pembentukan Melayu dan Bumiputera abad ke-21 ini sebagai satu perjuangan atau jihad, kerana ia adalah perjuangan yang mulia yang akan menyelamatkan iman dan agama Islam.

- 5 November 1991

UMNO DI ABAD 21

Yang diperlukan menjelang abad ke-21 ini ialah UMNO yang kukuh dan penuh disiplin, yang tersusun rapi untuk menjayakan cita-cita agama dan bangsa dan pencapaian Wawasan 2020.

- 5 November 1991

BERPEGANG KEPADA ISLAM SEBENAR

UMNO berpegang kepada ajaran Islam yang sebenar. UMNO tetap akan mengimbangi dunia dan akhirat.

- 6 November 1992

UMNO TIDAK AKAN FANATIK

UMNO tidak akan menjadi fanatik tetapi sebaliknya akan bersifat sederhana dan pragmatik.

- 6 November 1992

MELENGKAP UMAT DENGAN SEGALA ILMU

UMNO akan berusaha meningkatkan kemampuan dan pencapaian orang Islam dalam semua bidang. Tanpa melupakan akhirat, UMNO akan berusaha melengkapkan orang Islam dengan segala ilmu yang diperlukan untuk dunia moden ini.

- 6 November 1992

BERSAHABAT DENGAN BUKAN ISLAM

UMNO akan bersahabat dengan orang yang bukan Islam yang tidak bermusuhan dengan orang Islam. UMNO akan bekerjasama dengan mereka.

- 6 November 1992

WAWASAN 2020 PERJUANGAN UNTUK ISLAM

UMNO akan berjuang untuk menjayakan Wawasan 2020 sebagai sebahagian daripada perjuangannya untuk agama Islam.

- 6 November 1992

KEGHAIRAHAN MENGHANCURKAN PARTI

Jika kerana terlalu ghairah untuk mendapatkan kedudukan dalam parti, parti akan hancur, maka kedudukan itu tidak bermakna lagi. Menjadi pemimpin parti yang tidak bermaya tidak ada faedahnya.

- 6 November 1992

UTAMAKAN PARTI

Ahli-ahli parti hendaklah mengutamakan parti dan bukan orang-orang tertentu.

- 6 November 1992

TIDAK LAYAK MEMIMPIN

Lebih kuat mereka berkempen,
terutamanya jika mereka menggunakan taktik buruk,
lebih mungkin mereka ini tidak sesuai menjadi pemimpin.

- 6 November 1992

HANYA UMNO SOKONG RAJA

Hanya UMNO sahaja antara parti politik Melayu yang tegas
menyokong sistem Pemerintahan Beraja.

- 6 November 1992

TANGGUNGJAWAB TERHADAP MASA DEPAN NEGARA

UMNO sebagai parti terbesar di negara ini, yang menjadi tulang
belakang Kerajaan memikul tanggungjawab sepenuhnya
terhadap masa depan negara.

- 6 November 1992

BELAKANGKAN INDIVIDU, UTAMAKAN PARTI

Perjuangan parti adalah lebih besar dan lebih utama daripada perjuangan mana-mana individu dalam parti. Justeru itu belakangkanlah kepentingan individu dan utamakanlah parti.

- 6 November 1992

PENGKHIANAT PARTI

Memang ada mereka yang berpendapat bahawa jika mereka tidak memperolehi sesuatu, calon lain juga tidak harus memperolehinya. Mereka lebih rela orang asing mendapatnya. Orang seperti ini sudah kita saksikan. Mereka sanggup bekerja dengan parti lawan untuk mengalahkan parti sendiri hanya kerana mereka tidak dapat apa yang mereka kejar. Orang seperti ini lebih buruk dari musuh. Mereka ini mengkhianati perjuangan parti dari dalam.

- 6 November 1992

JANGAN LUPA PERISTIWA 1987

Jangan sekali-kali kita lupakan peristiwa 1987. Pada tahun itu parti diharamkan. Jika peristiwa 1987 berlaku sekali lagi, mungkin parti tidak akan dapat dipulihkan semula. Dengan itu bukan sahaja orang Melayu dan Bumiputera yang akan menderita, tetapi negara juga mungkin menjadi lemah, tidak bermaruah dan dipermainkan orang.

- 6 November 1992



Perkara II

**MENGANGKAT KUALITI DIRI
DAN
MARTABAT UMAT**






YAP CATO

K







MENINGKATKAN KETAHANAN DIRI

Dalam suasana yang penuh cabaran ini, yang ada pada kita ialah kemungkinan meningkatkan ketahanan, kemampuan dan keupayaan kita dalam semua bidang supaya kita tidak dapat diperdaya dan dibuat sesuka hati oleh orang lain.

- 10 Sept. 1982

BETULKAN SIKAP, SUSUN STRATEGI

Kita mesti membetulkan pendirian dan sikap kita, dan kita mesti menyusun strategi bertindak kita, dan kita mesti bertindak bagi menebus maruah bangsa, agama dan negara sepenuhnya.

- 10 Sept. 1982

KERJA KUAT TANPA MEMILIH

Asalkan ada kesanggupan untuk bekerja kuat, dan tidak memilih kerja, negara akan membangun dengan pesat dan menjadi maju.

- 10 Sept. 1982

HADAPI MUSUH SEBENAR

Elakkan diri dari menghabiskan masa dan tenaga melawan musuh ciptaan. Hadapilah musuh yang ada di hadapan kita, musuh yang sebenar, iaitu nafsu dan hasad dengki kita yang tetap menjadikan kita sasaran sesiapa sahaja yang pintar dan berani.

- 10 Sept. 1982

MENGUBAH SIKAP

Sekarang ini kita menghadapi perjuangan yang terbesar sekali - perjuangan untuk merubah sikap orang Melayu supaya sesuai dengan kehendak agama Islam di zaman moden ini.

- 10 Sept. 1982

BARAT BUKAN LAGI CONTOH

... Kita harus membetulkan sikap dan pandangan kita. Barat tidak lagi boleh dijadikan contoh. Jika kita ingin kejayaan, kita perlu mengambil sebagai contoh negara-negara yang berjaya dan yang berjaya hari ini berada di Timur.

- 10 Sept. 1982

MENCONTOHI YANG BAIK SAHAJA

Kita sedar bahawa bukan semua yang didapati di Timur adalah baik. Masih ada beberapa teladan dan contoh di Barat yang baik yang perlu kita terus terima.

- 10 Sept. 1982

MENEBUS MARUAH

Masanya sudah tiba untuk kita menebus kembali maruah kita. Demikianlah Dasar Pandang ke Timur; kerana kita adalah dari Timur, memandang ke Timur bermakna memandang kepada diri sendiri juga memupuk nilai-nilai baik yang sedia ada dan mengikis nilai-nilai yang kita tahu tidak bermanfaat.

- 10 Sept. 1982

MENIRU SEGALA KEBAIKAN DI TIMUR

Bukan kerajinan dan ketertiban sahaja yang hendak kita tiru dari Timur. Kita mahu ketekunan bekerja, kecekapan pengurusan dan cara-cara perhubungan sekerja dan yang lain-lain yang terdapat di Timur.

- 10 Sept. 1982

MENJUNJUNG AJARAN AGAMA

Yang diutamakan dan yang dijunjung tinggi masih juga agama kita - agama Islam. Yang kita akan serapkan ialah nilai-nilai dan cara-cara yang tidak bertentangan dengan agama, bahkan kebanyakannya adalah nilai-nilai yang dipandang tinggi dan dituntut oleh agama.

- 10 Sept. 1982

MENGAMAL AJARAN AGAMA DI MULUT SAHAJA

Kalau pada hari ini kita tidak amalkan cara-cara ini, ini bukan kerana agama melarang atau tidak menyuruh, tetapi kerana kita amalkan ajaran agama di mulut sahaja dan tidak melalui perbuatan.

- 10 Sept. 1982

TIDAK PERLU PANDANG KE MANA

Sebenarnya jika kita benar-benar menurut ajaran Islam, berkenaan dengan kerajinan, menuntut ilmu, mencari nafkah, kebersihan, ketahanan dan lain-lain nilai yang baik, kita tidak perlu pandang ke mana-mana lagi.

- 10 Sept. 1982

YAKINI MASA DEPAN

Sekarang kita memandang ke hadapan dengan penuh keyakinan terhadap masa depan kita. Negara yang bertuah ini akan kita jadikan sebuah negara maju dan jaya. Bangsa kita akan kita jadikan bangsa yang bermaruah tinggi dan dihormati, InsyaAllah.

- 10 Sept. 1982

INSAFI KELEMAHAN

Tidak ada bangsa yang ingin dan sanggup dihina oleh orang-orang lain. Tetapi tidak ingin dan tidak sanggup sahaja tidak cukup. Kita perlu berusaha untuk mencapai tahap yang akan menentukan kita akan dihormati. Bagi tujuan ini kita perlu menginsafi kelemahan kita. Kejayaan kita berada di tangan kita, dan kitalah yang mesti membetulkan diri kita dan memperbaiki keadaan sekeliling kita.

- 10 Sept. 1982

PERANAN KEKAYAAN

Tidak kurang pentingnya ialah peranan kekayaan dalam memelihara agama dan keimanan kita kerana kemiskinan adalah hampir kepada kekufuran.

- 10 Sept. 1982

MENGAPA KITA PERLU KAYA

Kita ingin kaya kerana kita tidak ingin bergantung kepada orang lain yang sudah tentu akan mengambil peluang untuk mempengaruhi kita atau membendung kebebasan kita. Kita ingin kaya supaya kita boleh menolong orang yang kurang bernasib baik, termasuk negara yang miskin dan menderita.

- 10 Sept. 1982

KEBAHAGIAAN HAK ORANG ISLAM

Kita perlu kekayaan kerana kita mahu hidup bahagia, kerana kebahagiaan adalah hak orang Islam. Tidak ada kebahagiaan bagi orang yang terdedah kepada segala macam tekanan oleh sebab kemiskinan.

- 10 Sept. 1982

BANGSA PENGEKUT

Bangsa yang pengecut, yang menyerahkan pertahanan negara kepada orang lain tidak akan hidup bahagia. Akhirnya bangsa itu akan dijajah dan mungkin dihapuskan.

- 10 Sept. 1982

PENGORBANAN UNTUK KEBAHAGIAAN

Kebahagiaan tidak akan datang melayang. Pengorbanan dan usaha diperlukan bukan dari orang lain tetapi dari diri kita sendiri.

- 10 Sept. 1982

HAKIKAT PENYERU KEBAIKAN

Orang yang menyeru ke arah kebaikan melalui pengorbanan dan usaha jarang sekali mendapat sanjungan. Sebaliknya orang suka menyuruh orang lain menjalankan kerja memang disukai ramai.

- 10 Sept. 1982

AKIBAT MENYERAHKAN KERJA

Kerana kita menyerah kerja kepada orang lainlah maka negara kita dijajah dahulu dan pembangunan orang Melayu terbantut.

- 10 Sept. 1982

IKTIBAR DARI TEORI IBN KHALDUN

Seorang tokoh terkemuka Islam, Ibn Khaldun, pernah mengutarakan teori tiga generasi bagi fenomena sosial - Generasi Pertama, dengan semangat, ketegasan dan usaha membina satu asas sistem yang kukuh; Generasi Kedua, dengan asas-asas yang dibina, membawa kepada keagungan; dan Generasi Ketiga, kerana kekurangan, menyemai bibit-bibit ke arah kehancuran. Ini tidak semestinya benar bagi semua keadaan, tetapi jika kita kurang berhati-hati, ia tidak mustahil pula berlaku, malahan boleh berlaku kepada kita, mungkin sebelum kita sampai kepada Generasi Kedua.

- 18 Oktober 1983

MENYELAMATKAN GENERASI DARI KELEMAHAN

Kita harus tekun membimbing negara kita ke arah kebahagiaan dan kesejahteraan, dan sentiasa mengisi kemerdekaan kita dengan semangat, makna dan maruah, dengan usaha dan disiplin, supaya setiap generasi bangsa kita tidak akan mengalami kelemahan, atau membenarkan unsur-unsur yang tidak sihat, serta khayalan dan keghairahan menyerapi pemikiran dan cara hidup kita.

- 18 Oktober 1983

MENYEMAI NILAI TINGGI

Kita harus menyemai dan memupuk nilai-nilai yang tinggi di kalangan masyarakat kita dan giat berusaha untuk kemajuan dan kebahagiaan.

- 18 Oktober 1983

BERUSAHA UNTUK MENJAGA MARUAH

Usaha-usaha kita bukanlah kerana didorongkan oleh keangkuhan untuk menunjuk-nunjuk, atau kerana hendak menjadi suatu kuasa besar untuk menakluki orang lain, tetapi untuk menjaga maruah dan kedudukan kita, dan untuk membuat sumbangan supaya hidup kita menjadi lebih bahagia, dan dapat pula sama-sama kita menyumbang ke arah kebahagiaan manusia sejagat.

- 18 Oktober 1983

USAHA KEBAIKAN TIDAKLAH MUDAH

Usaha-usaha ke arah yang baik tidak mudah. Walaupun pada prinsipnya manusia sukakan yang baik, tetapi pada amalnya, oleh sebab didorong oleh kepentingan-kepentingan tertentu, nilai yang baik dibelakangkan.

- 18 Oktober 1983

KEPENTINGAN RAMAI MENJAYAKAN KEPENTINGAN DIRI

Kepentingan ramai adalah kepentingan bersama yang akhirnya memenuhi kepentingan diri juga. Jadi seseorang tidak akan rugi jika kepentingan ramai diutamakan.

- 18 Oktober 1983

FITNAH SIFAT KEJI

Fitnah memfitnah adalah satu sifat keji di kalangan semua masyarakat manusia. Dalam Islam ia merupakan salah satu dosa besar. Malangnya sifat keji ini berleluasa di kalangan masyarakat kita. Ia juga menjadi tabiat sesetengah ahli dan penyokong UMNO.

- 18 Oktober 1983

FITNAH LEBIH BURUK DARI MEMBUNUH

Allah S.W.T. Maha Mengetahui. Allah S.W.T. telah berfirman dalam al-Qur'an bahawa fitnah adalah lebih bahaya dari membunuh. Tetapi apakah kita hiraukan firman Tuhan.

- 18 Oktober 1983

MASYARAKAT HANCUR KERANA FITNAH

Firman Tuhan bertujuan memberi kebahagiaan kepada umatnya. Kita tahu bahawa masyarakat boleh hancur kerana fitnah.

- 18 Oktober 1983

CAKAP ISLAM TABUR FITNAH

Sementara semakin ramai suka mempamerkan keislaman mereka dalam cakap-cakap, pakaian, dan desakan mereka kepada masyarakat dan kerajaan, orang yang sama tidak segan-segan dan tidak takut kepada Tuhan sama sekali apabila melemparkan fitnah.

- 18 Oktober 1983

IKAT PERUT KERJA KUAT

Sesungguhnya, pada waktu kita kekurangan wang, tidak ada tindakan yang lebih berkesan daripada mengikat perut dan bekerja lebih kuat. Ini sememangnya dituntut oleh agama kita.

- 18 Oktober 1983

LEBIH USAHA LEBIH BAHAGIA

Tidak ada seorang pun yang dapat hidup di dunia secara berasingan jika ia inginkan kebahagiaan di dunia dan di akhirat. Menyedari hakikat ini, tentulah kita sedar bahawa lebih banyak usaha tiap-tiap seorang daripada kita, lebih baiklah balasan kebahagiaan yang akan kita dapati.

- 18 Oktober 1983

KEHIDUPAN YANG TIDAK SEMPURNA

Masyarakat yang anggotanya cuma mengutamakan kepentingan diri sendiri di dunia atau di akhirat dan mengurangkan layanan dan sumbangannya kepada masyarakat, maka masyarakat itu tidak akan hidup atau mati sempurna dan terpelihara.

- 18 Oktober 1983

SIFAT YANG MEMBAWA KEBAHAGIAAN

Desakan supaya pekerja rajin bekerja, penuntut rajin belajar, supaya semua jujur, bertanggungjawab dan beramanah bukanlah kerana taksud dengan kebendaan, tetapi semua sifat ini ada pertalian secara langsung dengan kebahagiaan hidup dan mati kita semua.

- 18 Oktober 1983

NIKMAT BANYAK TAPI BERTELINGKAH

Kita tentu tidak mahu menjadi seperti sesetengah orang Islam yang diberi nikmat yang tidak terhingga oleh Allah S.W.T., tetapi mereka menghabiskan masa, tenaga dan kekayaan untuk bertelingkah sesama sendiri.

- 18 Oktober 1983

SIFAT DIRI YANG PENTING

Sikap rajin bekerja, berdisiplin, tidak taksud dengan kepentingan jangka pendek adalah amat penting bagi diri sendiri akhirnya.

- 18 Oktober 1983

MEREKA YANG TINGGI PRODUKTIVITI

Mereka yang berdisiplin sahaja - iaitu yang dapat mengawal kehendak diri dan sanggup mengikut peraturan dan arahan - yang dapat membuat sumbangan kepada daya pengeluaran.

- 18 Oktober 1983

TINGKATKAN PRODUKTIVITI DAN PENCAPAIAN

Minat dan kesanggupan untuk menggunakan pengetahuan-pengetahuan baru, untuk meningkatkan kemahiran dan menggunakan teknologi dan cara-cara yang lebih berkesan, boleh membantu meningkatkan lagi daya pengeluaran kita. Seterusnya kesanggupan dan minat untuk bekerjasama akan menjamin pencapaian yang lebih tinggi bagi semua.

- 18 Oktober 1983

HAKIKAT ETIKA KERJA

Yang dimaksudkan dengan etika kerja ialah semangat dan cara bekerja yang diasaskan kepada nilai moral yang tinggi dan membelakangkan nafsu.

- 18 Oktober 1983

HAMBA UPAHAN

Upah untuk kerja memang penting, tetapi bekerja semata-mata kerana upah akan menjadikan kita hamba upahan.

- 18 Oktober 1983

HAKIKAT PEMBANGUNAN

Pembangunan adalah untuk manusia. Pembangunan bukanlah jalan raya atau bangunan besar, hospital dan berbagai kemudahan awam; ini semua adalah alat kelengkapan bagi pembangunan yang hakiki. Yang dimaksudkan dengan pembangunan ialah peribadi dan mutu hidup manusia yang menggunakan alat kelengkapan ini.

- 18 Oktober 1983

MEMELIHARA DIRI DARI ANCAMAN

Sesuatu program atau projek tidaklah diwujudkan semata-mata untuk kita berseronok-seronok tetapi supaya kita hidup terpelihara daripada tekanan dan ancaman yang mana ini akan memesongkan fikiran kita daripada kehendak dan ajaran agama kita.

- 18 Oktober 1983

PENAGIH SEBAGAI BEBANAN

Mungkin kita tidak dapat menyelamatkan mereka yang telah terperangkap dalam ketagihan dadah. Penagih dadah adalah bangkai bernyawa yang akan terus menjadi beban kepada masyarakat. Tetapi kita masih dapat menyelamatkan mereka yang belum terlibat.

- 18 Oktober 1983

NILAI BARAT JANGAN DIPUPUK

Penyerapan nilai-nilai Barat yang menekankan kebebasan individu dan membelakangkan keluarga dan masyarakat, tidak harus dipupuk oleh ibu bapa, sekolah atau universiti.

- 18 Oktober 1983

NILAI ISLAM NILAI SEJAGAT

Semua nilai Islam tidaklah berbeza daripada nilai-nilai tinggi dan baik yang diterima oleh alam sejagat. Cuma mereka yang sudah membelakangkan nilai-nilai moral yang wajar sahaja yang akan berasa terancam dengan hasrat Kerajaan untuk menerapkan nilai-nilai Islam dalam pentadbiran dan gerak-geri negara.

- 18 Oktober 1983

ISLAM TIDAK MEMAKSA

Islam tidak menganjurkan paksaan, dan Islam juga tidak mendapat untung jika mereka memeluk Islam kerana dipaksa, kerana takut atau kerana muslihat-muslihat tertentu.

- 18 Oktober 1983

AMALKAN NILAI ISLAM DAN NILAI MULIA

Yang kita mahu ialah umat Islam benar-benar mengamalkan nilai-nilai Islam, dan yang bukan Islam mengamalkan nilai-nilai mulia yang sudah tentu tidak bertentangan dengan nilai Islam dan dapat hidup dalam suasana aman, maju dan dihormati.

- 18 Oktober 1983

MELAYU LEMAHKAN MELAYU

Tidak ada cara yang lebih berkesan untuk mengekalkan kelemahan orang Melayu daripada menggunakan orang Melayu sendiri untuk melawan orang Melayu.

- 18 Oktober 1983

MELAYU BERJAYA MELALUI NILAI ISLAM

Sebagai satu lagi usaha untuk menentukan kejayaan orang Melayu, kita telah berusaha menerapkan nilai-nilai Islam. Kita tidak syak bahawa nilai-nilai Islam akan menjadikan orang Melayu orang yang lebih berjaya di dunia dan di akhirat. Pentadbiran yang diasaskan kepada nilai-nilai Islam tetap akan menjadi pentadbiran yang kukuh, adil dan berjaya.

- 18 Oktober 1983

PUNCA MASYARAKAT ISLAM DIHINA

Jika pada hari ini masyarakat Islam berada dalam keadaan yang hina, berpecah belah antara satu dengan lain, dipermain, ditipu, dan diperalatkan, terlalu bergantung kepada orang-orang bukan Islam, dalam berbagai masalah. Sebabnya ialah orang Islam tidak mengamalkan nilai-nilai Islam. Ini termasuklah orang-orang Melayu yang kerap memperkatakan tentang nilai-nilai yang baik tetapi jarang mengamalkan nilai-nilai ini.

- 25 Mei 1984

SABAR MENGHADAPI CABARAN

Kita mesti berjimat cermat, mesti sanggup mengikat perut buat sementara waktu. Kita perlu menjelaskan kepada rakyat akan betapa pentingnya kita bersabar. Akhirnya kita akan mencapai kebahagiaan. Inilah caranya menghadapi cabaran. Mereka yang mengikut nafsu akan menderita, mereka yang bersabar akan bahagia.

- 25 Mei 1984

AKIBAT MENOLAK ILMU

Jika Sepanyol, Eropah Timur dan Selatan Rusia sekarang ini tidak lagi menjadi sebahagian dari dunia Islam, sebabnya ialah, penganut Islam bertindak mengikut nafsu lebih daripada akal fikiran. Mereka menolak ilmu kerana berpendapat bahawa ilmu-ilmu yang tidak berasaskan tafsiran al-Qur'an, hadith dan sunnah Nabi adalah sekular dan tidak Islam.

- 25 Mei 1984

AKIBAT MENURUT NAFSU

Jika di zaman peluang daripada kekayaan minyak yang dikurniakan oleh Tuhan kepada orang Islam tidak dapat diperalatkan untuk mengembangkan sistem ekonomi Islam, sebabnya ialah orang Islam tunduk kepada dorongan nafsu dan tidak menggunakan akal fikiran. Mereka mahu mengharamkan semuanya tanpa menyediakan gantinya.

- 25 Mei 1984

SINGKIR TABIAT MENUNJUK

Tabiat boros, tabiat suka menunjuk-nunjuk, tabiat mengutamakan rupa lebih daripada isi, masih ada pada kebanyakan kita.

Singkirkan tabiat-tabiat ini dan belajarlah cara-cara mengurus dan berjimat cermat.

- 25 Mei 1984

PELAJARI URUS NIAGA

Bumiputera pula hendaklah menunjukkan minat untuk mempelajari urus niaga. Janganlah fikirkan keuntungan hari ini sahaja.

Yang lebih penting ialah kejayaan yang berkekalan, walaupun ianya tidak begitu lumayan.

Tunggulah sehingga betul-betul berjaya sebelum bergaya.

- 25 Mei 1984

JANGAN SENGAJA CARI KESALAHAN

Janganlah sengaja mencari kesalahan pemimpin supaya kita boleh menolak seribu kebaikan yang boleh dicontohi.

- 25 Mei 1984

JANGAN TOLAK TELADAN YANG BAIK

Sementara yang salah patut didedah dan dihukum, janganlah menjadikannya sebagai alasan kenapa kita tidak perlu mencontohi teladan yang baik.

- 25 Mei 1984

GUNA AKAL UNTUK KEBAHAGIAAN

Hidup adalah sementara sahaja. Tetapi Allah S.W.T. tidak menjadikan manusia supaya ia hidup dan kemudiannya mati sama seperti haiwan.

Tuhan mengurniakan akal fikiran dan menyediakan alam sekeliling dengan sumber-sumber tertentu supaya manusia hidup lebih bahagia.

- 25 Mei 1984

MEREKA YANG TAMAK DAN UTAMAKAN DIRI

Nyawa dan masa yang diberikan kepada kita tidak boleh disia-siakan dengan hanya menunggu maut. Jika kerana asyik menentukan tempat bagi diri kita seorang di akhirat, kita mengabaikan tanggungjawab kita kepada masyarakat dan kejayaannya, maka kita akan termasuk dalam golongan orang yang tamak yang mengutamakan kepentingan diri sahaja.

- 25 Mei 1984

BERILAH KHIDMAT PADA MASYARAKAT

Oleh itu berilah khidmat kita kepada masyarakat dan jayakanlah usaha untuk memperbaiki nasib umat.

- 25 Mei 1984

PERLU SEMPURNAKAN FARDHU KIFAYAH

Ingatlah dalam Islam walaupun kita menunaikan fardhu ain, kita tidak terlepas dari dosa jika fardhu kifayah tidak ditunaikan oleh mana-mana anggota masyarakat.

- 25 Mei 1984

YANG TAMAK HILANG SEMUA

Ingatlah rebutan takhta negeri-negeri Melayu oleh kerabat Diraja Melayu telah menyebabkan negara kita dijajah selama lebih 400 tahun. Ingatlah dan insafah. Yang tamak akan kehilangan semua akhirnya.

- 27 September 1985

YANG MAMPU TEGAKKAN NEGARA BESAR

Sejarah menunjukkan cuma bangsa yang mampu mentadbir bilangan manusia yang lebih ramai sahaja yang dapat menegakkan negara yang besar dan kuat.

- 27 September 1985

PERSEDIAAN PERTAHANAN MASA KINI

Ayat 60 Surah al-Anfal menyuruh kita membuat persediaan bagi mempertahankan umat Islam. Pada zaman Rasulullah s.a.w. , ini bermakna menyediakan pedang dan kuda. Pada zaman moden ini, mempertahankan ummah bermakna menyediakan "carbine", "machine-gun", meriam, kereta kebal, kapal terbang, kapal perang, kapal selam, radar, "laser beam range finder" dan seribu satu alat moden.

- 27 September 1985

GUNA AKAL UNTUK MENCIPTA

Sementara al-Qur'an, Hadith dan Sunnah Nabi memberi panduan, usaha untuk mencipta segala alat yang diperlukan ini mestilah dibuat oleh kita dengan menggunakan akal fikiran kurniaan Tuhan.

- 27 September 1985

UNDANG-UNDANG AMBIL KIRA AJARAN ISLAM

Sementara panduan asas terdapat dalam al-Qur'an, Hadith dan Sunnah Nabi, untuk mencegah berbagai jenayah moden, untuk mentadbir zon ekonomi, untuk menentukan lalu lintas dalam bandar dan di jalan raya, untuk mengurus pelabuhan dan lapangan terbang, gerakan anti penyeludupan dan seribu satu urusan dan tanggungjawab, kerajaan terpaksa menggubal undang-undang, dengan menggunakan akal fikiran dan kepakaran secara bermusyawarah. Yang penting ialah perkara tersebut mengambil kira ajaran agama Islam dan keadaan sesebuah negara.

- 27 September 1985

KESELAMATAN DAN KESEMPURNAAN DIUTAMAKAN

Agama Islam memberi kelonggaran dan mengambil kira keadaan semasa. Dalam pentadbiran, yang penting ialah keselamatan dan kesempurnaan masyarakat.

- 27 September 1985

SEMANGAT KEBANGSAAN YANG CACAT

Selagi kita terpaksa bergantung kepada lain-lain kaum untuk tugas-tugas biasa kita, selagi tugas-tugas kecekapan tertentu tidak ada pada kita, selama itulah semangat kebangsaan kita akan terus cacat. Selama itulah perimbangan antara kaum tidak akan tercapai.

- 27 September 1985

SEMANGAT KEBANGSAAN BUKAN UNTUK SOMBONG

Semangat kebangsaan bukan untuk mendabik dada, untuk bermegah-megah dan sombong atau untuk memandang hina orang-orang lain.

- 27 September 1985

SEMANGAT KEBANGSAAN UNTUK BERSAING

Semangat kebangsaan adalah untuk mendorong kita supaya meningkatkan kebolehan kita supaya sama, bahkan lebih daripada orang lain, dan dengan cara ini kita menjadi bangsa yang bermaruah, dihormati serta disegani.

- 27 September 1985

JANGAN CEMARKAN SEMANGAT KEBANGSAAN

Janganlah sesiapa mencemarkan semangat kebangsaan kita ini dengan kelakuan atau perbuatan buruk yang menghina bangsa kita.

- 27 September 1985

MELAYU BAGAIMANA HARUS KEKAL ?

Tak akan Melayu hilang di dunia. Tetapi Melayu jenis apakah yang harus kekal ? Melayu yang mulia atau Melayu yang menjadi hamba kepada orang lain, yang selalu meminta-minta, yang lemah semangat dan yang tidak pun berupaya mempertahankan diri?

- 27 September 1985

UBAH SIKAP KUKUHKAN SEMANGAT

Jika kita mahu Melayu yang mulia dan berkemampuan, ubahlah sikap dan perkukuhkan semangat.

- 27 September 1985

JANGAN DISANGKA LEMAH

Jangan sesiapa fikir oleh kerana kita senyap apabila hak kita dicabar, maka ini bermakna bahawa kita berasa bersalah atau kita lemah. Orang-orang Melayu tidak berjuang untuk mencapai kemerdekaan bersama supaya orang-orang Melayu menjadi golongan yang miskin dalam negara sendiri. Kita tidak berniat untuk merampas hak sesiapa. Tetapi jangan sesiapa cuba merampas hak kita.

- 27 September 1985

MENGELAKKAN KETEGANGAN

Kita percaya bahawa jika ada masalah di antara kita, maka eloklah kita bincangkan dalam keluarga terutamanya bagi anggota Barisan Nasional.

Kita tidak suka terseret dalam perbahasan terbuka kerana ini tetap akan mencetuskan ketegangan dan menakutkan para pelabur, sama ada dari dalam atau luar negeri.

- 18 September 1986

TIDAK AKAN GADAIKAN MARUAH

Kita mahu harmoni.

Kita mahu kestabilan.

Kita mahu pertumbuhan ekonomi.

Kita sedar pertumbuhan ekonomi penting untuk kesejahteraan kita dan juga untuk negara.

Tetapi "Not At Any Cost",

kita tidak akan menggadaikan maruah kita.

Kita tidak akan memperdagangkan kehormatan kita sehingga anak cucu kita tidak dapat memanggug kepala.

Kita tidak akan menyondol-nyondol hanya kerana terpicat dengan kekayaan kebendaan.

- 18 September 1986

KESABARAN ADA HADNYA

Sudah banyak pengorbanan yang kita buat.
Kita terima bahawa kita sudah menjadi salah satu kaum dalam negara yang berbilang kaum.
Nampaknya bangsa Melayu sudah hilang.
Yang tinggal hanya kaum Melayu bangsa Malaysia.
Kita akui kaum-kaum lain mempunyai hak untuk mengekalkan identiti mereka.
Kita tidak protes melihat semakin banyak kekayaan negara diperolehi oleh orang lain.
Kita tidak protes apabila dalam bidang swasta diskriminasi dikenakan kepada kita.
Sebaliknya kita sanggup membendung kemelayuan kita dalam politik.
Untuk bersahabat dengan kaum-kaum lain di negara ini, kita berlawan habis-habisan dengan ektrimis di kalangan kaum kita sendiri.
Di kawasan-kawasan di mana kita mempunyai majoriti yang "absolute", kita sanggup bertanding sesama kita sehingga kalah menang kita bergantung kepada pengundi kaum lain.
Kita terima calon-calon bukan daripada kaum kita di kawasan-kawasan di mana kita ramai dan kita tentukan mereka mendapat kemenangan.
Semua ini kita buat kerana kita percaya kepada kerjasama antara kaum dan pembahagian kuasa antara kaum.
Dan kita masih percaya kepada konsep ini.
Kita masih ingin melihat negara ini stabil dan aman.
Kita masih bersedia untuk menghulur tangan persahabatan kepada kaum-kaum lain.
Tetapi 'Don't take us for granted'.
Kesabaran kita bukan tidak terhad.

- 18 September 1986

PENJAJAHAN BUDAYA

Penjajahan melalui kebudayaan dapat dilihat apabila kita simpan rambut panjang, kita pakai jeans walaupun ke majlis perkahwinan, kita menari macam orang gila tanpa segan silu di Rock Concert, lelaki pakai subang, atau sengaja suka pakaian yang kotor dan koyak. Adat resam, sopan santun bangsa kita hampir luput dan kita hampir kehilangan identiti.

- 18 September 1986

PENJAJAHAN MELALUI DADAH

Kita juga dijajah melalui dadah. Kita tidak mengeluarkan dadah di negara ini. Amalan ini bukan sebahagian daripada kebudayaan kita. Tetapi hari ini majoriti yang menghisap dan menyuntik dadah adalah belia-belia Melayu.

Mereka ini tidak boleh mempertahankan maruah bangsa kita.

- 18 September 1986

TIDAK PILIH KASIH

Keadilan tidak bererti jika ada pilih kasih atau takut. Demikian juga ketegasan tidak bermakna jika kita memilih untuk bersikap tegas.

- 24 April 1987

JANGAN PATUH KERANA TAKUT DAN WANG

Amalan sujud kepada sesiapa sahaja kerana takut atau kerana wang bukanlah adat yang harus kita kekalkan.

- 24 April 1987

KEMERDEKAAN YANG TIDAK BERMAKNA

Maruah bangsa dan maruah negara perlu dipertahankan. Jika tidak, kemerdekaan tidak bermakna. Apa ertinya kemerdekaan jikalau sesiapa sahaja boleh mengongkong kita? Apa ertinya kemerdekaan jika kita letakkan diri kita di bawah telunjuk orang-orang lain.

- 24 April 1987

MEMPERTAHANKAN MARUAH BANGSA

Maruah sesuatu bangsa tidak boleh dipertahankan semata-mata dengan meminta supaya orang lain tidak menghina bangsa itu. Apa yang perlu dibuat ialah membuktikan bahawa bangsa berkenaan mempunyai sifat-sifat yang mulia dan berjaya.

- 24 April 1987

AKIBAT MENINGGALKAN AJARAN ISLAM

Kita belum berjaya dalam bidang agama kerana jelas sekali kita tidak mengamalkan banyak daripada ajaran Islam.

- 24 April 1987

GAGAL MEMPENGARUHI

Dalam bidang sosial orang-orang Melayu sering memencilkan diri daripada orang lain. Justeru itu kita tidak begitu berjaya mempengaruhi sesiapa. Kita lebih suka menggunakan kuasa untuk mendapat kerjasama daripada menggunakan kemesraan untuk tujuan yang sama.

- 24 April 1987

PERGAULAN DENGAN KAUM LAIN

Untuk kejayaan dalam bidang politik, sosial dan ekonomi, pergaulan kita sesama sendiri dan dengan kaum-kaum lain adalah faktor terpenting.

- 24 April 1987

KENALI KELEMAHAN DIRI

Setelah mengenali kelemahan diri sendiri maka baharulah seseorang itu akan dapat membetulkan dirinya. Amalan mengkritik orang lain tidak digalakkan kerana orang lain tidak akan membetulkan diri mereka kerana teguran dari kita.

- 24 April 1987

BANGSA MENENTUKAN NASIBNYA

Nasib sesuatu bangsa ditentukan oleh bangsa itu sendiri. Allah S.W.T tidak menghampakan bangsa yang berikhtiar dan berusaha. Tuhan juga tidak akan menolong mengubah nasib sesuatu bangsa jika bangsa itu tidak berusaha mengubah nasib mereka sendiri.

- 24 April 1987

JANGAN DIKUTUK ANAK CUCU

Janganlah sejarah, janganlah generasi yang akan datang, janganlah anak cucu kita mengutuk kita kerana membenarkan nafsu menguasai kita dan kita kecewakan harapan mereka.

- 24 April 1987

DAP MUSUH MELAYU

Parti DAP tidak pernah bersimpati dengan imbalan kaum yang menjadi cita-cita orang-orang Melayu dan Dasar Ekonomi Baru. Mereka sepanjang masa mengemukakan rancangan Kerajaan dan UMNO khususnya. Mereka mempunyai dan mempraktikkan perkauman yang tebal. Pemimpin-pemimpin mereka menghina orang-orang Melayu dan UMNO dan Kerajaan Barisan Nasional. Mereka juga mengemukakan konsep kerjasama antara kaum seperti yang dianjurkan oleh Perikatan dan Barisan Nasional. Pendeknya mereka adalah musuh ketat kepimpinan Melayu dan UMNO.

- 15 September 1986

JADI "APPRENTICE"

Untuk menjayakan usaha mengimbangkan bumiputera dengan bukan bumiputera, pengetahuan dan pengalaman bumiputera mesti dipertingkatkan melalui pelbagai cara. Antara cara yang berkesan sekali ialah dengan menjadi "apprentice" kepada orang yang lebih cekap dalam bidang pengurusan.

- 25 Oktober 1988

MENGKHIANATI MATLAMAT MENOLONG BUMIPUTERA

Memberikan sesuatu projek kepada sesuatu syarikat yang 100% dimiliki oleh bumiputera hanya kerana ianya 100% bumiputera, sedangkan ia tidak berupaya menguruskan projek itu adalah perbuatan yang mengkhianati matlamat kita untuk menolong bumiputera.

- 25 Oktober 1988

USAHAWAN MELAYU BERDAYA SAING

Kita ingin menjadikan orang-orang Melayu usahawan dan peniaga yang cekap, yang berdikari dan mampu bersaing dengan sesiapa sahaja dengan jayanya.

- 28 Oktober 1988

PENDAPAT "DEFEATIST"

Ada yang berpendapat bahawa kita terlalu bercita-cita tinggi. Pendapat ini adalah pendapat orang yang mudah mengaku kalah atau defeatist, hasil kurang percaya kepada diri sendiri.

- 28 Oktober 1988

BANGGA DENGAN HASIL KITA

Kita perlukan sikap berbangga atau "pride" dengan apa juga hasil kerja kita. Perkhidmatan dan barangan yang bermutu tinggi hasil usaha kita bukan sahaja akan memberi pendapatan yang lumayan, tetapi juga akan memberi kepuasan kepada kita.

- 28 Oktober 1988

IKTIRAF KUALITI

Kualiti hendaklah menjadi salah satu nilai yang dikejar oleh masyarakat Malaysia dan mereka yang mencapai kualiti yang tinggi harus diiktiraf dan disanjung tinggi dan diberi tempat yang istimewa dalam masyarakat.

- 28 Oktober 1988

MAJU BERSAMA NILAI MULIA

Orang-orang Melayu yang akan maju kerana pengetahuan dan kecekapan mestilah mempunyai nilai-nilai mulia seperti keikhlasan, kejujuran, beramanah, bertanggungjawab, keberanian dan lain-lain sifat yang mulia.

- 28 Oktober 1988

DIHINA KERANA MUNDUR

Kita tidak mempunyai pilihan. Jika kita mundur kita akan dihina dan ditindas oleh orang-orang lain. Kita mungkin dikuasai oleh negara-negara dan orang-orang bukan Islam yang maju. Bahkan kita mungkin dipisahkan daripada agama Islam.

- 28 Oktober 1988

TANGGUNGJAWAB MENERAPKAN NILAI UNGGUL

Kita harus cuba menerapkan nilai-nilai yang unggul atau idea walaupun kita tidak mungkin berjaya sepenuhnya. Ini adalah tanggungjawab kita sebagai orang Islam yang bermaruah dan berhemah tinggi.

- 28 October 1988

PERANAN PENDIDIKAN

Dalam usaha membangunkan bangsa dan negara, pendidikan memainkan peranan yang amat penting. Dalam hal ini, peranan pendidikan perlu dikaji dari semasa ke semasa dan tekanan diberi kepada kaitan ilmu yang dipelajari dengan kerja yang akan dilaksanakan.

- 28 October 1988

PENTINGNYA KEKUATAN POLITIK MELAYU

Kita percaya, bahkan kita yakin, perpaduan dan kekuatan politik orang-orang Melayu adalah penting untuk menstabilkan negara dan menjayakannya.

- 28 October 1988

PERJUANGAN JADIKAN MELAYU TERHORMAT

Kita masih menghadapi perjuangan yang besar untuk menjadikan orang-orang Melayu satu bangsa yang terhormat dan dihormati di dunia yang penuh pancaroba ini.

- 28 Oktober 1988

KENAL PASTI KELEMAHAN

Orang Melayu tidak suka kelemahan mereka didedahkan tetapi hakikatnya ialah semua orang sering menyindir tentang kelemahan kita ini... Oleh itu eloklah kita mengenal pasti kelemahan kita dan mengambil tindakan yang positif untuk mengatasinya.

- 17 November 1989

MENGEKALKAN PENCAPAIAN

Yang penting bukan pencapaian matlamat DEB sebanyak 30% tetapi sama ada apa yang kita perolehi akan kekal dalam tangan bumiputera dan berpotensi untuk meningkat.

- 17 November 1989

JALAN BANYAK RANJAU

Jalan yang akan kita lalui mempunyai banyak ranjau. InsyaAllah kita akan melaluinya dengan mata yang terbuka dan perancangan yang kemas. Kita akan menambah usaha kita dan berserah kepada Allah S.W.T.

- 17 November 1989

MENYALAHKAN TAKDIR

Menyalahkan takdir adalah sama dengan menyalahkan Tuhan, jika kita tidak berusaha memperbaiki diri kita dan tidak berusaha sedaya upaya.

- 17 November 1989

MEMPERTINGKATKAN MARUAH BANGSA

Cita-cita kita untuk mempertingkatkan maruah bangsa tidak akan tercapai dengan memaksa orang lain menghormati kita.

Maruah bangsa adalah hasil daripada pencapaian bangsa itu.

- 17 November 1989

CIRI BANGSA BERMARUAH TINGGI

Bangsa yang bersusila, bersopan santun, berhemah tinggi, berbudi bahasa, rajin dan terkenal kerana mengamalkan nilai-nilai yang mulia dengan sendirinya akan bermaruah tinggi.

- 17 November 1989

BANGSA DIHORMATI KERANA KEJAYAAN

Kejayaan sesuatu bangsa amat mustajab dalam menentukan bangsa itu dihormati.

- 17 November 1989

MENOLAK SEBELUM MENCUBA

Amatlah negatif kalau awal-awal lagi kita menolak kemungkinan kita memiliki nilai-nilai tersebut itu tanpa mencuba.

- 17 November 1989

NILAI MENENTUKAN KEJAYAAN BANGSA

Dalam sejarah manusia, berjaya atau tidaknya sesuatu bangsa itu bergantung kepada nilai-nilai yang dipegang dan yang diamalkan oleh bangsa itu.

- 17 November 1989

BOLEH BERJAYA TANPA BANTUAN

Demikian juga kejayaan orang Melayu dalam bidang ekonomi. Pencapaian mereka tanpa bergantung kepada kerajaan bukanlah sesuatu yang mustahil. Kita boleh berjaya dan berjaya dengan gemilang.

- 17 November 1989

TUKAR SIKAP DAN PEGANGAN

Kita hendaklah terlebih dahulu mengakui bahawa kita memerlukan pengorbanan, kita perlu menukar sikap dan pegangan kita kepada nilai-nilai tertentu, kita perlu menyokong tindakan yang baik walaupun pedih, dan kita perlu menolak sogokan daripada mana-mana pihak untuk keuntungan jangka pendek.

- 17 November 1989

TIADA JALAN MUDAH

Kita tidak ada jalan yang mudah untuk mencapai matlamat yang mulia. Kita perlu masa, yakni kita perlu bersabar, sambil bertekun menghadapi segala rintangan dan masalah.

- 17 November 1989

MUDAH BERSYUKUR

Jika kita sanggup bersusah sedikit, jika kita tidak selalu menuntut berlebih-lebihan, kita tidak akan berasa tertekan dan terdesak.

Kita akan mudah bersyukur seperti yang dituntut oleh agama kita.

- 17 November 1989

JANGAN SALAH GUNA DEMOKRASI

Janganlah kita menggunakan demokrasi untuk menekan pihak berkuasa supaya memberi apa yang tidak mampu diberikan.

- 17 November 1989

PEMBANGUNAN SEMUA ASPEK

Kita mempunyai rancangan yang teratur yang memberi tekanan kepada semua aspek pembangunan; rohani dan jasmani; dunia dan akhirat. Kita yakin kita mampu melaksanakan rancangan kita dengan sempurna dan berkesan.

- 17 November 1989

MEMEBBASKAN KONGKONGAN BARAT

Barat telah mengongkong fikiran manusia terlalu lama.

Konsep keadilan mereka, konsep kebebasan mereka, konsep moral mereka, konsep kerajaan mereka - institusi-institusi mereka dan cara-cara serta pendekatan mereka diterima oleh dunia sebagai "the only way, and the right way", seolah-olah terpujau oleh Barat sehingga sanggup memperhambakan tubuh badan dan akal fikiran kepada Barat.

Ramai orang di Malaysia juga sudah menjadi pak turut.

Bilakah mereka ini akan sedar bahawa Barat mungkin salah dan kita yang bukan dari Barat mungkin betul?

Bilakah pihak ini akan berani berfikir sendiri tanpa dikongkong oleh Barat?

- 30 November 1990

MENGAMBIL UNTUNG DARI POLITIK

Malangnya ramai melihat politik bukan sebagai satu alat untuk membangunkan masyarakat amnya tetapi sebagai satu profesion yang mereka anggap boleh membawa banyak keuntungan kepada diri sendiri. Sama ada mereka bergiat dalam parti lawan atau parti Kerajaan, ramai yang menumpukan kepada **nikmat** dan bukan **khidmat**.

- 30 November 1990

ORANG MELAYU BOLEH BERJAYA

Orang Melayu boleh berjaya sama seperti kaum lain di negara ini.

- 30 November 1990

KEPERLUAN UNTUK BERJAYA

Yang diperlukan (untuk berjaya dan maju) ialah kepercayaan kepada diri sendiri dan kesanggupan menerima perubahan-perubahan kepada budaya kerja kita supaya lebih sesuai dengan dunia yang penuh persaingan.

- 30 November 1990

BUDAYA KERJA TENTUKAN KEMAJUAN

Maju atau mundurnya sesuatu kaum atau bangsa itu bergantung kepada budaya kerja yang diamalkan oleh kaum atau bangsa itu.

- 30 November 1990

NILAI DAN BUDAYA BANGSA MAJU

Jika kita sanggup menerapkan nilai dan membentuk budaya kerja yang baik, kita akan berjaya. InsyaAllah kita akan dapat menjadi bangsa dan negara yang maju.

- 30 November 1990

BOLEH BERJAYA LEBIH CEPAT

Jika kita tidak menghabiskan masa berdebat berpanjangan baik-buruknya rancangan dan pendekatan ini, kita akan berjaya dengan lebih cepat. InsyaAllah.

- 30 November 1990

YAKIN KEBOLEHAN SENDIRI

Orang Melayu mestilah yakin akan kebolehan mereka. Mereka mempunyai bakat tetapi bakat ini perlu dicungkil.

- 30 November 1990

BUDAYA KERJA UNTUK BERSAING

Kita harus ingat bahawa kejayaan tidak akan dicapai hanya dengan membentuk dasar, atau menggubal undang-undang atau menyekat orang lain sementara kita bersiap sedia. Sebaliknya kita harus sanggup menghadapi cabaran dan dengan penerimaan cara-cara baru dan budaya kerja yang sesuai, kita akan dapat bersaing dengan sesiapa sahaja.

- 30 November 1990

TUKAR NILAI YANG MEMUSNAHKAN

Kita harus sanggup belajar daripada orang yang lebih berjaya daripada kita. Janganlah kita terlalu sombong sehingga tidak sanggup menukar nilai-nilai kita kerana mendewa-dewakan identiti kita walaupun nilai-nilai itu akan memusnahkan kita.

- 30 November 1990

ANTARA "ANAK" DAN "ADAT"

'Biar mati anak jangan mati adat' mungkin tinggi semangatnya, tetapi jika anak sudah mati siapakah yang akan meneruskan adat ?

- 30 November 1990

YANG MENENTUKAN KEJAYAAN

Dasar sahaja tidak akan menentukan kejayaan. Yang akan menentukan kejayaan ialah usaha kita melaksanakan dasar itu dengan ikhlas, tekun dan teratur.

- 30 November 1990

MELAYU MESTI UBAH SIKAP

Melayu dan Bumiputera khususnya mesti bersikap terbuka dan sanggup membuat perubahan sikap dan pendekatan supaya mereka akan lebih berjaya.

- 30 November 1990

TIDAK LUPA ASPEK ROHANI

Sementara matlamat kita tertumpu kepada kejayaan material, ini tidak bermakna kita harus lupa akan nilai-nilai dan amalan rohaniah.

- 30 November 1990

BERJAYA TANPA GEJALA BURUK

Walaupun kita ingin kepada kejayaan yang setanding dengan negara maju di dunia, ini tidak bermakna kita sanggup menerima gejala-gejala yang tidak siuman yang melanda masyarakat maju di Barat.

- 30 November 1990

PELIHARA NILAI MULIA

Kita mestilah memelihara nilai-nilai yang mulia dan pegangan kita kepada ajaran agama kita.

- 30 November 1990

TAMADUN KEBENDAAN AKHIRNYA MUSNAH

Dalam sejarah manusia banyak tamadun yang muncul dan kemudiannya hapus kerana terlalu mementingkan kebendaan atau melupakannya sama sekali.

- 30 November 1990

PEMISAH ANTARA JAYA DAN GAGAL

Sebelum kita terlalu berpuas hati dengan kejayaan kita, marilah kita mengingatkan diri kita bahawa pemisahan di antara kejayaan dengan kegagalan adalah amat tipis dan mudah ditembusi. Justeru itu marilah kita menoleh ke belakang untuk melihat asal usul kita, menganalisis sebab-sebab kejayaan kita, dan kemudian menentukan tindakan yang perlu diambil untuk mencapai matlamat yang telah kita rancang untuk bangsa, agama dan negara.

- 8 November 1991

AKIBAT TERLALU LEMAH

Kita mungkin asyik menyalahkan penjajah. Tetapi harus kita ingat bahawa British tidak merampas negeri-negeri Melayu melalui peperangan. Kerajaan-kerajaan Melayu ketika itu menjemput British kerana mereka terlalu lemah untuk memerintah dengan berkesan.

- 8 November 1991

DEMI MENYELAMATKAN BANGSA

Nampaknya kita sekarang sedang menuju ke arah keadaan di zaman pemerintahan raja-raja Melayu dahulu. Sepertimana rasuah dan penyalahgunaan kuasa dahulu akhirnya menyebabkan negeri-negeri Melayu ditakluk oleh bangsa asing dan orang Melayu diperhambakan, demikian juga keasyikan menyalahgunakan apa juga kuasa yang ada di semua peringkat akan melumpuhkan orang Melayu dan menyekat kejayaan mereka. Jika ini berterusan, saya khuatir orang Melayu akan diperhambakan sekali lagi.

Saya sedar apa yang saya katakan ini akan menyebabkan kemarahan pihak-pihak tertentu di dalam dan luar parti dan Kerajaan.

Tetapi saya tidak akan bertanggungjawab jika saya tidak memperkatakan yang benar demi menyelamatkan bangsa Melayu yang menjadi tunggak Kerajaan negara ini, bangsa yang menegakkan agama Islam dan kedaulatan negara Malaysia.

- 8 November 1991

KEPENTINGAN DIRI MERUGIKAN BANGSA

Mengutamakan keuntungan hari ini bagi diri sendiri akan merugikan bangsa dengan banyak pada hari esok.

- 8 November 1991

BANGSA LEMAH TIDAK SELAMAT

Jika bangsa sudah menjadi lemah, diri sendiri tidak akan terselamat daripada padahnya.

- 5 November 1991

KEBAHAGIAAN YANG LEBIH KEKAL

Mereka yang bersabar dan sanggup menunggu kebahagiaan daripada keutuhan bangsa kemudian hari akan memperolehi kebahagiaan diri sendiri secara yang lebih kekal.

- 5 November 1991

KESAN BURUK RASUAH

Menerima sedikit rasuah mungkin dianggap perkara ringan. Tetapi percayalah kesan buruk rasuah tidak bergantung kepada kecil atau besarnya jumlah.

- 5 November 1991

BANGSA LUMPUH KERANA RASUAH

Jika rasuah dalam berbagai bentuk sudah menjadi tabiat, lambat-laun bangsa akan lumpuh.

- 8 November 1991

BANGSA MULIA TANPA RASUAH

Jika kita ingin menjadi bangsa yang mulia, bermaruah dan berjaya, elakkan diri daripada apa jua jenis rasuah.

- 8 November 1991

RASUAH MEMBAWA KECELAKAAN

Rasuah adalah kotor dan jijik dan akan membawa kecelakaan kepada bangsa, agama dan negara.

- 8 November 1991

HAKIKAT KEJAYAAN DIRI SENDIRI

Kejayaan atau kegagalan seseorang banyak bergantung kepada dirinya sendiri.

- 8 November 1991

TEKANAN BOLEH MEMBAWA KEJAYAAN

Bangsa yang dikelilingi oleh keadaan yang menekan boleh berjaya sedangkan bangsa yang mempunyai negara yang serba mewah mungkin lebih miskin dan lemah.

- 8 November 1991

YANG KURANG PERCAYA KEADILAN ALLAH

Orang Islam yang hanya menyalahkan takdir sedangkan ia boleh memperbaiki nasibnya adalah orang yang kurang percaya kepada keadilan Allah S.W.T.

- 8 November 1991

BUKAN MENYERAH SAJA PADA NASIB

Allah S.W.T tidak memberi akan fikiran, tenaga dan pancaindera kepada manusia jika mereka hanya dikehendaki menunggu dan menerima nasibnya sahaja.

- 8 November 1991

YANG BERSALAH DALAM PERANG TELUK

Dalam Perang Teluk ini, tidak ada sesiapa yang boleh menganggap diri mereka tidak bersalah.

Negara-negara Islam yang berperang sesama sendiri bersalah. Negara yang mendapat senjata daripada orang bukan Islam untuk menakluk negara Islam lain bersalah.

Negara yang mendapat pertolongan negara bukan Islam untuk melindungi diri dan kemudian menyerang negara Islam lain bersalah.

Negara Islam yang tidak kuat dan dengan itu tidak sanggup meleraikan negara-negara Islam yang berperang sesama sendiri bersalah. Negara-negara Islam yang tidak mampu mempertahankan negara Islam yang lemah daripada ditakluk oleh jiran gergasi Islam juga bersalah.

Tetapi yang lebih bersalah ialah mereka yang mentafsirkan dan membawa ajaran yang dikatakan Islam yang menyebabkan umat Islam dan negara-negara Islam menjadi semakin lama semakin lemah, mundur, jahil dan mudah diperalat dan dipermainkan oleh musuh-musuh Islam.

- 8 November 1991

TANGGUNGJAWAB KEMBANGKAN ISLAM

Malangnya orang Melayu di zaman ini tidak menganggap mereka diamanahkan untuk menjayakan diri mereka supaya lebih mampu mengembangkan agama Islam.

- 8 November 1991

BAIK ATAU BURUKNYA ILMU

Yang menjadikan sesuatu ilmu itu baik atau buruk bukanlah ilmu itu tetapi cara manusia menggunakannya.

- 8 November 1991

MENGEKALKAN BAHAGIAN

Jika kita ingin mendapatkan bahagian kita dan mengekalkannya, adalah penting kita mempunyai sifat-sifat tertentu dan juga kecekapan bukan sahaja untuk mengekalkan apa yang sudah diperolehi, tetapi juga melipatgandakannya.

- 8 November 1991

MEMAHIRKAN MELAYU DALAM PENGURUSAN HARTA

Di bawah Dasar Pembangunan Nasional, Kerajaan akan terus memberi peluang dan mengagihkan sebahagian daripada punca kekayaan negara kepada bumiputera. Tetapi Kerajaan tidak boleh menentukan bahawa bahagian yang diperuntukkan kepada bumiputera akan kekal dan bertambah. Bumiputera sendirilah yang harus berusaha dan bertanggungjawab untuk memelihara dan melipatgandakan harta kekayaan mereka.

Untuk mencapai ini, orang Melayu dan bumiputera perlu kepada budaya dan nilai hidup yang sesuai dengan pengurusan harta kekayaan di dunia. Oleh kerana ada bukti-bukti bahawa budaya orang Melayu tidak sesuai dengan persaingan hebat dalam dunia ekonomi moden, maka Kerajaan akan berusaha untuk membentuk dan menyemai budaya dan kecekapan yang diperlukan untuk kejayaan orang Melayu dalam rancangan-rancangan ekonomi negara.

- 8 November 1991

YANG AKAN DITOLONG

Hanya kerana seseorang itu Melayu atau bumiputera tidak akan menjamin ia akan dapat apa yang dipohonnya. Sebaliknya jika seseorang itu menunjukkan sifat-sifat yang baik, beramanah, cekap dan sering berjaya, Kerajaan akan menambahkan lagi peluang kepadanya mengikut kemampuannya walaupun tuduhan dilempar bahawa ada pilih kasih. Yang dipilih dan dikasihi ialah mereka yang boleh menjayakan matlamat DPN dan bukannya bumiputera yang membazirkan harta kekayaan mereka.

- 8 November 1991

BUKAN PENIAGA TULEN

Bumiputera yang hanya boleh berniaga dengan kerajaan bukanlah peniaga yang tulen.

- 8 November 1991

ALI BABA BERMANFAAT

Dalam perniagaan Ali dan Baba ini, Ali hendaklah mengambil bahagian yang cergas dalam segala urusan.

- 8 November 1991

KEMAHIRAN PENGURUSAN JAYAKAN MPPB

Jika orang Melayu tidak bersungguh-sungguh mempelajari cara-cara pengurusan perniagaan, maka usaha mewujudkan Masyarakat Perdagangan dan Perindustrian Bumiputera akan gagal.

- 8 November 1991

MELAYU TIDAK KURANG KEMAMPUAN

Sebenarnya orang Melayu dan bumiputera tidak kurang bakat ataupun kemampuan jika dibandingkan dengan bukan bumiputera.

Sebab itulah orang Melayu yang berhijrah ke negara lain sering berjaya. Yang menyebabkan orang Melayu dan bumiputera gagal ialah sikap dan pendekatan mereka kepada pengurusan perniagaan, iaitu budaya niaga mereka.

- 8 November 1991

SIFAT PENTING UNTUK BERJAYA

Amanah, berijmat cermat, tekun, dan kuat bekerja adalah sifat-sifat yang penting dalam mencapai kejayaan.

- 8 November 1991

MENIPU AKIBATNYA BURUK

Jangan percaya bahawa keuntungan daripada perniagaan hanya boleh didapati melalui penipuan. Keuntungan daripada penipuan bukan sahaja tidak kekal, tetapi juga akan membawa akibat yang buruk.

- 8 November 1991

KECEKAPAN PENGURUSAN MENYELAMATKAN

Kecekapan boleh diperolehi melalui latihan dan pendedahan yang mencukupi dalam bidang pengurusan perniagaan. Adalah lebih baik jika proses ini dibenarkan mengambil masa daripada membiarkan bumiputera mendapat bahagian kekayaan dalam jangkamasa yang singkat, tetapi tidak kekal dan tidak mampu tumbuh bersama dengan pertumbuhan ekonomi negara.

- 8 November 1991

TIDAK ADA YANG MUDAH

Kejayaan tidak akan datang menggolek. Emas di dalam bumi pun perlu digali dan dikeluarkan sebelum ianya berharga.

Tidak ada yang mudah untuk dunia
atau untuk akhirat.

- 8 November 1991

BUMIPUTERA PERLU KERJA LEBIH KUAT

Bumiputera perlu bekerja dengan lebih kuat daripada bukan bumiputera jika kita ingin mengejar mereka.

- 8 November 1991

CIRI MELAYU BARU

Kita perlu kepada bangsa Melayu dan bumiputera yang baru yang mempunyai budaya yang sesuai dengan aliran zaman, yang sanggup menghadapi segala cabaran, yang dapat bersaing tanpa bantuan, yang terpelajar dan berilmu, canggih, jujur, disiplin, beramanah dan cekap.

- 8 November 1991

MENGIKIS ANGGAPAN ISLAM MUNDUR

Hanya jika ada bangsa yang beragama Islam yang berdaya maju dan dapat bersaing dengan jayanya dengan bangsa bukan Islam, barulah anggapan bahawa Islam membawa kelemahan, kemunduran dan kemiskinan dapat dikikiskan.

- 8 November 1991

MELAYU MAMPU MENEBUS MARUAH ISLAM

Orang Melayu mampu menebus maruah orang Islam dan menjadi contoh bagi orang Islam lain dan mereka mesti bertanggungjawab terhadap usaha ke arah ini secara serius.

- 8 November 1991

ZAMAN BERTELAGAH SUDAH BERLALU

Zaman orang Islam bertelagah sesama sendiri dan bermusuh dengan orang bukan Islam secara buta tuli sudah berakhir.

- 8 November 1991

PERSIAPAN MENGHADAPI PEPERANGAN

Bagi kita, yang penting ialah melengkapkan diri dengan ilmu, kecekapan, kekayaan dan kekuatan dahulu sebelum kita menghadapi peperangan sekiranya terpaksa.

- 8 November 1991

BANGSA LEMAH DIPANDANG RENDAH

Kelemahan atau kegagalan sesuatu bangsa tetap menyebabkan dunia umumnya dan bangsa-bangsa yang maju khasnya memandang rendah kepada mereka.

- 6 November 1992

MELAYU BOLEH TINGKATKAN PENCAPAIAN

Peningkatan pencapaian orang Melayu dan bumiputera dalam bidang-bidang yang mereka masih tertinggal bukanlah sesuatu yang mustahil.

- 6 November 1992

TIADA FAKTOR HALANG MELAYU BERJAYA

Tidak ada faktor fizikal atau mental semula jadi yang boleh menghalang pencapaian lebih tinggi orang Melayu dan bumiputera.

- 6 November 1992

KUASA POLITIK HANYA TONGKAT

Kuasa politik merupakan satu tongkat bagi orang yang tempang dalam bidang-bidang lain. Tetapi kita tidak harus bergantung kepada kuasa politik selama-lamanya untuk mencapai kemajuan.

- 6 November 1992

HIDUP ZAMAN GERGASI

Hari ini kita hidup di zaman gergasi. Manusia kerdil tidak mungkin berjaya dalam masyarakat gergasi.

- 6 November 1992

BUMIPUTERA PERLU BERNIAGA BESAR

Dalam dunia gergasi, perniagaan kecil-kecilan tidak mungkin hidup lama dan menampung saraan yang meningkat bagi individu dan masyarakat. Sama ada disukai atau tidak, bumiputera perlu memasuki perniagaan dan perusahaan yang besar untuk mengimbangkan pembangunan bumiputera dengan bukan bumiputera.

- 6 November 1992

UBAH BUDAYA IKUT ZAMAN

Orang Melayu dan bumiputera perlu membentuk budaya baru yang lebih sesuai dengan iklim perniagaan zaman ini yang mempunyai risiko dan kecanggihannya. Pendekatan dahulu di mana bumiputera dibantu secara perseorangan untuk menjadi peniaga dan pengusaha kecil yang hanya mampu memperolehi sedikit pendapatan tidak boleh lagi diamalkan oleh kerajaan. Pendekatan yang lebih sesuai ialah membantu syarikat dan pelabur bumiputera yang berpotensi dan berdaya maju berniaga atau berusaha secara besar-besaran.

- 6 November 1992

"THINK BIG"

Berfikiran Besar atau 'Think Big' memang slogan yang tepat di zaman ini. Tetapi berfikiran besar perlu diiringi dengan kemampuan modal yang besar, kejujuran dan amanah, kecekapan mengurus dan pengalaman yang boleh meyakinkan pelanggan dan institusi kewangan.

- 6 November 1992

YANG BERNOSTALGIA AKAN MENANGIS

Mereka yang terpengaruh dengan sentimen dan nostalgia cara hidup yang tradisional akan menangis.

- 6 November 1992

TERTINGGAL JIKA TIDAK IKUT ZAMAN

Mereka yang tidak sanggup menerima kenyataan dan tidak mengikut aliran zaman akan ketinggalan. Sebaliknya, kejayaan lebih mungkin bagi mereka yang sanggup pula menyesuaikan diri dan pendekatan dengan kenyataan ini.

- 6 November 1992

TERUS MUNDUR JIKA KECIL-KECILAN

Selagi kita berfikir dan berusaha secara kecil-kecilan, selama itulah kita akan miskin dan mundur.

- 6 November 1992

PENYERTAAN TIDAK BIJAKSANA

Adalah tidak bijak menumpu kepada bidang-bidang yang sudah disertai oleh ramai bumiputera.

- 6 November 1992

GANTI KEDAI PONDOK

Kedai pondok berbumbung plastik di tepi jalan yang tidak disewa perlu digantikan dengan kedai yang lebih tegap milik sendiri atau disewa.

- 6 November 1992

BUANG KONSEP LAMA

Konsep lama, iaitu modal hanya untuk barangan yang hendak dijual tanpa apa-apa 'overhead' perlu dibuang. Konsep inilah yang menyebabkan perniagaan bumiputera tidak dapat membesar.

- 6 November

MENERIMA PERUBAHAN SECARA AKTIF

Masyarakat bumiputera perlu menerima perubahan dalam sistem ekonomi moden. Penerimaan ini tidak seharusnya secara pasif dengan hanya menunggu ianya datang menggolek .

Penerimaan ini perlu diikuti dengan persediaan dari segi pengetahuan dan lebih penting lagi pembentukan budaya yang sesuai yang boleh memberi hasil yang sewajarnya kepada mereka.

- 6 November 1992

PEMENCILAN WANITA MERUGIKAN

Pendapat bahawa tempat wanita hanyalah sebagai suri rumah akan melumpuhkan separuh daripada tenaga orang Melayu.

- 6 November 1992

KEPENTINGAN SUMBANGAN WANITA

Pencapaian wanita Melayu dan bakat mereka adalah sama dengan lelaki. Sumbangan mereka adalah diperlukan dalam usaha mengimbangi pencapaian antara kaum.

- 6 November 1992

MELAYU MILIKI BAKAT

Orang Melayu dan bumiputera memiliki bakat dari segi mental dan fizikal. Yang diperlukan ialah kesanggupan menggunakan bakat ini sepenuhnya.

- 6 November 1992

BUDAYA MEMBEZAKAN BANGSA

Yang membezakan suatu bangsa dengan bangsa lain bukanlah keturunan atau rumpun bangsa, atau warna kulit atau negara atau wilayah. Yang membezakan bangsa ialah budaya, iaitu jumlah semua nilai hidup yang dipegang dan diamalkan oleh bangsa-bangsa berkenaan.

- 6 November 1992

BINA BUDAYA ILMU

Jika kita berpendapat bahawa penguasaan ilmu dan teknologi moden adalah penting untuk memajukan orang Melayu dan bumiputera, maka perlulah kita membentuk budaya yang sesuai dengan matlamat ini.

Budaya yang dimaksudkan di sini ialah penilaian yang tinggi kepada penguasaan ilmu dan teknologi yang canggih dan relevan serta menjunjung tinggi tabiat kuat belajar dan bekerja.

- 6 November 1992

KEMBALI BERMUSUHAN

Umat Islam selepas wafat Nabi Muhammad s.a.w. telah kembali kepada cara hidup yang lama, iaitu dengan berpuak-puak dan bermusuhan-musuhan antara suku-suku kaum walaupun sebab-sebab permusuhan sudah dilupai.

- 6 November 1992

YANG MAMPU MEMPERTAHANKAN AGAMA


Hanya negara Islam yang kuat yang mempunyai penduduk Islam yang berkebolehan dalam berbagai-bagai bidang yang boleh menolong dan mempertahankan agama dan umat Islam. InsyaAllah Malaysia akan memenuhi hasrat ini walaupun ada orang Islam di negara ini yang cuba menggagalkannya.

- 6 November 1992



Perkara III

MEMAJUKAN NEGARA







OLEH Y.A.B. PERDANA MENTERI HATIR B. 508 1992

ISWARA







ASAS KEBAHAGIAAN NEGARA

Asas kebahagiaan negara ialah perpaduan, keadilan, keharmonian, kesejahteraan dan kestabilan. Maruah dan kehormatan tidak bergantung kepada satu unsur sahaja. Semua asas ini, adalah berkait dan semuanya tidak mudah dicapai kecuali dengan tindakan tegas dan berani, dengan pengorbanan dan sumbangan fikiran dan tenaga.

- 10 Sept. 1982

KEPENTINGAN KEGIATAN EKONOMI

Adalah jelas bahawa kegiatan ekonomi sudah meningkat sebagai satu kuasa dalam menentukan masa depan negara dan masa depan bumiputera, lebih-lebih lagi orang-orang Melayu.

- 10 Sept. 1982

PENGURUSAN PROFESIONAL

Sekarang ini pengurusan ala 'bidan tarik' sudah berakhir. Kita berkehendakkan pengurus badan-badan berkanun dan 'corporation' yang lebih profesional serta sedar akan dasar dan matlamat politik terutamanya Dasar Ekonomi Baru.

- 10 Sept. 1982

BAHAYA YANG TIDAK BERKEAHLIAN

Kita tidak mahu penyertaan ahli politik dalam badan-badan ekonomi milik kerajaan merupakan sebagai "job for the boys". Jangan fikir bahawa kerana khidmat politik yang lama maka kita harus diberi jawatan. Tidak ada sesuatu yang lebih merbahaya dari memberi jawatan kepada orang yang bukan ahli di dalamnya.

- 10 Sept. 1982

POLITIK ADALAH ALAT

Politik adalah alat, bukan matlamat kita. Matlamat kita ialah kehidupan yang lebih bahagia.

- 10 Sept. 1982

PERANAN AHLI POLITIK DALAM EKONOMI

Saya berharap ahli-ahli politik akan sedar tentang peranan ekonomi dalam politik dan kebahagiaan negara. Ahli-ahli yang benar-benar berjuang untuk kepentingan bangsa, agama dan negara tidaklah harus mengidami jawatan-jawatan politik sahaja, tetapi hendaklah sanggup memainkan peranan dalam bidang ekonomi, sama ada secara sendirian atau mewakili Kerajaan Barisan Nasional dalam badan-badan tertentu.

- 10 Sept. 1982

BILANGAN PENDUDUK DAN TARAF HIDUP

Pengurangan penduduk tidak semestinya meninggikan taraf hidup, dan tambahan penduduk pula tidak semestinya menurunkan taraf hidup.

- 10 Sept. 1982

MALAYSIA YANG DIIDAMI

Malaysia yang kita idami ialah Malaysia yang aman, yang makmur, yang bebas dari segala ancaman. Kita boleh mencapai keamanan melalui politik yang adil dan bertimbang rasa.

- 10 Sept. 1982

HAKIKAT SEBUAH NEGARA

Sesebuah negara adalah sebuah organisme. Dan sebagai satu organisme, sesebuah negara mahukan kesihatan, kebahagiaan dan usia yang panjang. Tetapi sebagai satu organisme, sesebuah negara terdedah kepada penyakit dan menghadapi masalah yang jika tidak dirawat dan dipelihara akan menjejaskan kebahagiaan, kesihatan dan usianya.

- 18 Oktober 1983

BIMBING NEGARA KE ARAH BAHAGIA

Itulah sebabnya kita harus tekun membimbing negara kita ke arah kebahagiaan dan kesejahteraan, dan sentiasa mengisi kemerdekaan kita dengan semangat, makna dan maruah, dengan usaha dan disiplin, supaya setiap generasi bangsa kita tidak akan mengalami kelemahan, atau membenarkan unsur-unsur yang tidak sihat, serta khayalan dan keghairahan menyerapi pemikiran dan cara hidup kita.

- 18 Oktober 1983

KEBERKESANAN SISTEM

Demokrasi - sebagaimana apa juga sistem - tidak semestinya berkesan semata-mata kerana sistem itu baik. Jika pengamal sistem demokrasi mahu, mereka boleh menggunakan demokrasi untuk menghancurkan amalan demokrasi.

- 18 Oktober 1983

PERANAN DIRI MEMELIHARA DEMOKRASI

Demokrasi cuma akan kekal dan kuat jika pengamalnya memahami peranan mereka dan mengawal kepentingan diri untuk menjayakan kepentingan ramai dan memelihara demokrasi.

- 18 Oktober 1983

BERJIMAT BAIK UNTUK NEGARA

Berjimat cermat bukan sahaja menjadi suatu amalan yang baik bagi seseorang individu, tetapi adalah baik untuk masyarakat dan untuk sesebuah negara.

- 18 Oktober 1983

BARAT MENYEKAT KEMAJUAN MALAYSIA

Barat memang berminat supaya daya pengeluaran kita dikurangkan. Pada zaman kolonial, mereka berkuasa menyekat perkembangan industri di Malaysia dan di negara-negara lain yang dijajah oleh mereka. Sekarang kerana Empayar Barat sudah diganti dengan negara yang merdeka, mereka menggunakan badan-badan sekerja antarabangsa untuk menentukan perusahaan kita diganggu oleh tindakan pekerja.

- 18 Oktober 1983

PERNIAGAAN BERKEMBANG RAKYAT BAHAGIA

Lebih banyak perusahaan dan perniagaan diadakan dan lebih banyak keuntungan yang didapati oleh mereka, lebih bahagialah kehidupan rakyat. Sebaliknya, jika apa-apa perusahaan atau perniagaan rugi kerana apa-apa sebab, maka rakyatlah yang akan menanggung kerugian itu akhirnya.

- 18 Oktober 1983

BERLUMBA DENGAN NEGARA JIRAN

Di Malaysia, kita bukan sahaja berlumba antara kaum, tetapi berlumba dengan negara-negara jiran kita dan negara-negara lain di dunia.

- 18 Oktober 1983

PENGASINGAN DIRI MERUGIKAN

Pengasingan diri kita daripada kegiatan ekonomi akan melemahkan kita dari segi ketahanan dan kebahagiaan hidup - bahkan daripada segi kekuatan iman.

- 18 Oktober 1983

BUKAN TAKSUB PADA KEBENDAAN

Desakan Kerajaan supaya kita pandang ketimur dan bekerja kuat, dan berusaha untuk menambah pendapatan bukanlah kerana taksub dengan kebendaan, tetapi kerana kebahagiaan hidup individu dan masyarakat dan keteguhan iman.

- 18 Oktober 1983

JUAL BELI DI PASARAN DUNIA

Sebagai sebuah negara yang membangun yang inginkan kebahagiaan dan kemakmuran; dan dalam dunia yang semakin sempit dengan negara saling bergantung antara satu dengan lain, terutama dari segi ekonomi, kita tidak ada jalan lain untuk menuju kepada kejayaan melainkan dengan menjual beli di pasaran dunia.

- 18 Oktober 1983

DAYA PENGELUARAN MENENTUKAN KEJAYAAN

Dalam perdagangan antarabangsa, faktor utama yang akan menentukan jaya atau gagal kita ialah daya pengeluaran tiap-tiap seorang daripada kita.

- 18 Oktober 1983

UTAMAKAN KEPENTINGAN JANGKA PENDEK MERUGIKAN

Selagi kita utamakan kepentingan jangka pendek diri sendiri, dan oleh itu kita tidak bekerja keras, sebaliknya kita menuntut pendapatan yang tinggi, selama itulah daya pengeluaran kita akan kekal rendah berbanding dengan mereka yang bersaing dengan kita.

- 18 Oktober 1983

HAKIKAT PERSYARIKATAN MALAYSIA

Yang dimaksudkan dengan Persyarikatan Malaysia ialah satu semangat kerjasama antara sektor awam dan sektor swasta.

- 18 Oktober 1983

FAKTOR KEMAJUAN EKONOMI NEGARA

Sesebuah negara tidak menjadi maju dan makmur semata-mata kerana adanya pentadbiran walau bagaimana cekap sekalipun.

Kemajuan dan pertumbuhan negara bergantung kepada ekonomi yang maju, iaitu kepada segala kegiatan berniaga dan berusaha di semua peringkat.

- 18 Oktober 1983

SWASTA MENYUMBANG KEMAJUAN NEGARA

Pihak swasta yang cergas dan pintar akan membawa kemakmuran dan kemajuan kepada sesebuah negara. Oleh itu tidak ada sebab kenapa pihak swasta harus di anggap sebagai musuh pentadbiran.

- 18 Oktober 1983

SWASTA RAKAN KONGSI KERAJAAN

Anggapan bahawa pihak swasta adalah rakan perkongsian Kerajaan, dan oleh itu perlu dilayan dan dibantu oleh pentadbir, akan menjadikan negara seolah-olah sebuah syarikat di mana Kerajaan dan swasta menjadi pemilik dan mempunyai matlamat yang sama, iaitu pembangunan negara. Inilah yang dimaksudkan dengan Persyarikatan Malaysia.

- 18 Oktober 1953

PENGERTIAN PEMBANGUNAN

Pembangunan adalah kesejahteraan yang dicapai melalui kesejahteraan hidup dan ketenteraman kerohanian.

- 18 Oktober 1953

PEMBANGUNAN ADALAH PROSES MEMBINA MANUSIA

Pembangunan adalah proses untuk memupuk masyarakat manusia yang berperadaban tinggi dengan nilai kemanusiaan yang mulia untuk kebahagiaan umat manusia.

- 18 Oktober 1953

PEMBANGUNAN SEIMBANG

Usaha-usaha kita untuk membangunkan negara adalah dengan tujuan untuk memupuk bangsa Malaysia yang mempunyai ciri-ciri keseimbangan dari segi "material" dan "spiritual".

- 18 Oktober 1983

RASIONAL DASAR PENERAPAN NILAI ISLAM

Usaha-usaha ke arah penerapan nilai-nilai Islam dalam pentadbiran, yang bermakna menyerap nilai-nilai moral yang tinggi adalah berdasarkan rasional bahawa sesebuah negara tidak mungkin mencapai dan menjamin kebahagiaan kecuali dengan nilai-nilai yang tinggi ini.

- 18 Oktober 1983

HAKIKAT PENERAPAN NILAI ISLAM

Maksud saya (penerapan nilai-nilai Islam) ialah supaya kita akan mentadbir dengan amanah, jujur, disiplin, setia, bertanggungjawab, cekap, bersih dan lain-lain lagi nilai Islam yang akan menjadikan pentadbiran negara ini satu pentadbiran yang berkesan dan adil.

- 25 Mei 1984

RAKYAT BAHAGIA DENGAN NILAI ISLAM

Semua rakyat, dari apa juga kaum atau agama, akan mendapat kebahagiaan daripada pentadbiran yang diasaskan kepada nilai-nilai Islam.

- 25 Mei 1984

UMAT TERPAKSA GUNA SISTEM ASING

Ekonomi moden bukan dibentuk dan dikembangkan oleh orang Islam. Ia dibentuk dan diamalkan oleh orang bukan Islam. Demikianlah berkesannya sistem ekonomi mereka, sehingga seluruh dunia terpaksa menggunakan sistem ini. Orang Islam sendiri tidak dapat mengelak daripada menggunakan sistem ini. Jika orang Islam cuba mengelak sebelum sistem Islam dikembangkan, kita akan dijajah oleh pengamal sistem ekonomi dunia sekarang. Dan jika kita dijajah, sistem ekonomi Islam tidak mungkin berkembang dan maju.

- 25 Mei 1984

MEMAJUKAN SISTEM EKONOMI ISLAM

Orang Islam yang berhajat untuk memajukan sistem ekonomi Islam mestilah tahu menyusun langkah dan menggunakan sistem orang lain dahulu. Sistem Islam adalah praktikal. Yang menggagalkan sistem Islam, bukanlah agama Islam, tetapi tindakan membuta tuli oleh penganut-penganut Islam.

- 25 Mei 1984

ASN UNTUK MEMELIHARA KEKUATAN EKONOMI

ASN dan lain-lain badan adalah jentera kita untuk memelihara kepentingan ekonomi bumiputera, orang Melayu dan orang Islam. Sesiapa yang cuba menggagalkan ASN bererti mengkhianati usaha pemeliharaan dan pembangunan orang Islam di Malaysia.

- 25 Mei 1984

LANJUTKAN DEB TIDAK SELESAI MASALAH

Melanjutkan tempoh Dasar Ekonomi Baru bukanlah merupakan kunci kepada masalah kita. Ia cuma akan melalaikan kita dalam pelaksanaan DEB dan akan menangguhkan masalah yang kita hadapi ke satu hari kelak, jika kita tidak mempunyai kecekapan pengurusan.

- 25 Mei 1984

UTAMAKAN KECEKAPAN MENGURUS

Oleh itu adalah lebih baik kita tekankan soal kecekapan pengurusan daripada menumpukan perhatian kepada pemanjangan tempoh Dasar Ekonomi Baru.

- 25 Mei 1984

KERJASAMA MENJAYAKAN DEB

Sementara UMNO memberi kerjasama dan membantu kaum lain, mereka pula mestilah menolong menjayakan Dasar Ekonomi Baru, dasar-dasar Kerajaan yang lain dan tindakan yang bertujuan mengurangkan ketidakseimbangan antara bumiputera dan bukan bumiputera.

- 25 Mei 1984

MALAYSIA AKAN BAHAGIA

Percavalah bahawa jika kita menverapkan nilai-nilai Islam, jika kita pandang ke Timur, jika kita amalkan Kepimpinan Melalui Teladan, jika kita Bersih, Cekap dan Amanah, jika kita anggapkan Malaysia sebagai satu persvarikatan, jika kita swastakan sebahagian dari perkhidmatan kerajaan, jika kita selenggarakan DEB dengan tekun dan ikhlas, Malaysia akan bahagia dan kita semua akan merasai nikmat di dunia dan di akhirat juga. Kita tidak akan ketinggalan.

- 25 Mei 1984

DEMOKRASI HANYA ALAT

Demokrasi ialah alat dan bukannya matlamat. Matlamat kita ialah kebahagiaan bangsa, agama dan tanahair.

- 25 Mei 1984

MENGUTAMAKAN KEPENTINGAN NEGARA

Kita sanggup menyetepikan sedikit kepentingan kita kerana kita ingin mengutamakan kepentingan negara. Kita ingin supaya negara ini stabil dari segi politik dan ekonomi.

- 27 September 1985

KERJASAMA ANTARA KAUM

Dalam negara majmuk, tidak ada sesuatu yang lebih berkesan dalam menentukan kestabilan daripada bekerjasama antara kaum.

- 27 September 1985

DUA PERINGATAN UNTUK MASYARAKAT CINA

Kita ingin melihat masyarakat Cina diwakili dalam kerajaan. Tetapi dua perkara mestilah diambil ingatan. Pertama, keinginan UMNO bekerjasama dengan masyarakat Cina janganlah digunakan sebagai alat politik peribadi sesiapa. Kedua, wakil masyarakat Cina dalam kerajaan hendaklah terdiri daripada orang yang ikhlas serta jujur dan bukan orang yang mengutamakan kepentingan diri.

- 27 September 1985

LANGKAH MENGATASI EKONOMI MELESET

Langkah bagi mengatasi kemelesetan ekonomi ialah penjimatan belanja dan peningkatan daya pengeluaran.

- 27 September 1985

UBAT MEMULIH EKONOMI

Pemulihan ekonomi negara tidak bergantung kepada Kerajaan sahaja.

Kita semua, sama ada sebagai majikan atau pekerja bergaji, juga bertanggungjawab. Jeritan dan pekikan pekerja dan analisa oleh pakar-pakar di seminar-seminar dan bengkel-bengkel tidak akan membawa apa-apa kebaikan selagi kita semua tidak bersikap bertanggungjawab dan berusaha meningkatkan daya pengeluaran.

Hanya penjimatan belanja dan daya pengeluaran yang tinggi yang menjadi ubat kepada ekonomi yang meleset.

Tidak ada ubat yang lain.

- 27 September 1985

BERJIMAT BELANJA

Dalam keadaan di mana kita tidak dapat meningkatkan hasil, kita harus berbelanja untuk urusan setakat mana yang kita mampu sahaja. Kita patutlah sanggup berkorban sedikit, supaya bayaran hutang tidak meningkat dengan begitu pesat.

- 27 September 1985

MOGOK RUGIKAN KERAJAAN

Jauh daripada menolong menambah pendapatan Kerajaan, mogok akan mengurangkan pendapatan Kerajaan dengan berpanjangan kerana kesan daripada sesuatu mogok itu tidak akan hilang apabila sahaja ia berhenti. Keupayaan Kerajaan menaikkan gaji akan tergendala buat beberapa tahun.

- 27 September 1985

PENTADBIRAN TIDAK BERTENTANGAN DENGAN ISLAM

Di Malaysia pentadbiran kita tidak bertentangan dengan lunas-lunas Islam dan mengambil kira keadaan semasa, termasuklah keadaan di mana separuh daripada rakyat negara ini bukan beragama Islam.

- 27 September 1985

MULA DENGAN PENERAPAN NILAI ISLAM

Oleh itu kita bermula dengan penerapan nilai-nilai Islam dalam pentadbiran. Jika kita berjaya menentukan yang kerajaan kita ini bersih, cekap, beramanah, tertib, sopan, berdisiplin, bertanggungjawab, dan menjunjung tinggi nilai-nilai lain yang mulia bagi setiap umat yang bertaqwa, InsyaAllah syiar Islam akan berkembang dan kita semua akan memperolehi kebahagiaan di dunia dan di akhirat.

- 27 September 1985

CINTAILAH NEGARA KITA

Malaysia adalah negara kita, negara orang Melayu, orang bumiputera, orang-orang Malaysia berketurunan Cina, India, Iban, Kadazan dan lain-lain. Walau bagaimana buruk sekalipun negara Malaysia, rakyatnya mestilah cintakannya.

- 27 September 1985

AKUI HAK KAUM LAIN

Bangsa Melayu juga bangsa Malaysia. Sementara kita menganggap negeri-negeri Melayu sebagai bumi asli orang Melayu, kita akui hak keturunan kaum-kaum lain sebagai warganegara Malaysia.

- 27 September 1985

TOLAK "RACIALISME" SEMPIT

Kita sanggup bekerjasama dengan semua kaum untuk menegakkan Malaysia yang lebih maju. Kita menolak racialisme yang sempit sama ada daripada orang-orang Melayu atau daripada orang-orang Cina atau daripada orang-orang India.

- 18 September 1986

MENGELAK SALAH ERTI

Dengan perasaan bertanggungjawab terhadap kebahagiaan rakyat dan negara. Kerajaan cuba sedaya upaya mengelak dari membuat apa-apa atau mengeluarkan kata-kata yang boleh disalahertikan atau boleh memberi gambaran bahawa terdapat unsur-unsur ketidakstabilan atau ketegangan di negara kita.

- 18 September 1986

CARA ATASI KEMELESETAN EKONOMI

Kita hanya mempunyai satu cara sahaja untuk mengatasi masalah kemelesetan ekonomi akibat dari kejatuhan harga barangan eksport kita. Caranya ialah dengan mengurangkan kos pengeluaran.

- 18 September 1986

LATIHAN BESAR-BESARAN

Peningkatan hasil kerja mesti dibuat. Untuk ini satu rancangan latihan besar-besaran akan diadakan terutama bagi yang menganggur. Rancangan latihan ini tidak akan tertumpu kepada kemahiran sahaja tetapi juga kepada sikap dan sifat yang akan menjamin daya pengeluaran yang tinggi.

- 18 September 1986

FAKTOR MENENTUKAN MASA DEPAN NEGARA

Kita percaya bahawa masa hadapan negara ini bergantung kepada pengurangan polarisasi kaum dan pembangunan seimbang antara kaum selain dari kerajinan, disiplin, inisiatif, dan lain-lain nilai murni.

- 18 September 1986

TEGAS UNTUK MENEGAKKAN KEADILAN

Walaupun Malaysia adalah negara kecil, kita tegas dalam memperjuangkan sesuatu yang kita fikir adil.

- 24 April 1987

ADA YANG LEBIH TIDAK DEMOKRATIK

Apa yang dibuat oleh Kerajaan sekarang telah dibuat oleh Kerajaan sebelum ini. Bahkan ada tindakan-tindakan Kerajaan pimpinan Perdana-Perdana Menteri dahulu yang lebih tidak demokratik.

- 28 Oktober 1988

SEMUA TERTAKLUK KEPADA UNDANG-UNDANG

Memang benar Raja-raja yang memerintah tidak tertakluk kepada undang-undang biasa. Tetapi mereka pun tidak bebas sehingga boleh melakukan sebarang jenayah. Pada hakikatnya kita semua, sama ada kita Perdana Menteri atau buruh kasar, sama ada kita hakim atau pesalah - semuanya tertakluk kepada undang-undang.

- 28 Oktober 1988

BOLEH PINDA UNDANG-UNDANG

Oleh kerana undang-undang negara kita digubal oleh manusia dan bukannya undang-undang Tuhan, kita boleh meminda undang-undang ini jika perlu.

- 28 Oktober 1988

HAK ASASI

Matlamat kita ialah keadilan sosial, pertumbuhan ekonomi dan kestabilan politik. Kita ingin menentukan bahawa kaum-kaum yang ada di Malaysia akan mendapat habuan atau bahagian masing-masing secara adil.

- 28 Oktober 1988

BIMBING BUMIPUTERA DALAM PENGURUSAN

Selagi bumiputera tidak diberi pertolongan dalam bidang pengurusan sehingga mereka mampu bersaing, selagi itulah pencapaian DEB tidak akan memuaskan.

- 28 Oktober 1988

MEMBANGUN KE ARAH NEGARA MAJU

Matlamat ekonomi kita ialah menegakkan asas yang kukuh untuk Malaysia membangun sehingga ke tahap negara yang maju. Matlamat ini bukan mustahil dicapai.

- 28 Oktober 1988

PERLU PENGURUSAN YANG CEKAP

Kita perlu kepada pengurusan yang cekap, pengurusan yang tahu mengawal kewangan dan kos, yang faham akan cara dan kegunaan jentera serta teknologi pengeluaran yang terbaik untuk sesuatu industri.

- 28 Oktober 1988

KEPENTINGAN MUTU

Tidak kurang penting bagi pertumbuhan ekonomi ialah mutu, perkhidmatan dan hasil usaha kita. Jika kita terkenal dengan perkhidmatan yang buruk dan barangan buatan kita tidak bermutu, maka pertumbuhan industri ...

- 28 Oktober 1988

BANGGA DENGAN HASIL KITA

Kita perlukan sikap berbangga atau "pride" dengan apa juga hasil kerja kita. Perkhidmatan dan barangan yang bermutu tinggi hasil usaha kita bukan sahaja akan memberi pendapatan yang lumayan, tetapi juga akan memberi kepuasan kepada kita.

- 28 Oktober 1988

MENGAPA PERLU MAJU

Mengapa kita hendak mengejar sangat taraf negara maju ini? Hasrat kita bukan semata-mata untuk mencapai pendapatan yang lebih supaya boleh hidup mewah, boleh berehat dan melancong ke sana sini.

Hasrat kita ialah supaya negara dan masyarakat kita dihormati, disegani dan diterima sebagai setaraf dengan mereka yang sudah maju.

Hasrat kita ialah supaya kita tidak perlu bergantung kepada sesiapa.

Hasrat kita ialah supaya kita tidak perlu mengikut telunjuk orang.

Kesimpulannya ialah supaya kita bebas dari segala-galanya.

- 28 Oktober 1988

PERSEDIAAN UNTUK MAJU

Untuk mencapai taraf negara maju, kita memerlukan peningkatan pengetahuan dalam semua bidang sehingga setaraf atau lebih daripada taraf pengetahuan penduduk negara maju.

- 28 Oktober 1988

TERKENAL KERANA ETIKA MULIA

Kita mahu sampai ke tahap di mana rakyat Malaysia terkenal bukan sahaja kerana kecekapan tetapi juga kerana mereka jujur dan tidak mungkir janji, kerana mereka tidak menipu dan mereka rajin serta setia kepada negara.

- 28 Oktober 1988

SEJARAH NEGARA MAJU DAN MUNDUR

Dalam sejarah manusia terdapat banyak negara yang mundur tetapi kemudiannya telah menjadi maju, kaya dan kuat. Tetapi setelah itu prestasi mereka merosot semula sehingga mereka hilang ditelan zaman.

- 28 Oktober 1988

PUNCA KEJATUHAN NEGARA MAJU

Kejatuhan sesetengah negara yang maju adalah disebabkan keruntuhan akhlak atau kehilangan pedoman agama.

- 28 Oktober 1988

PERHATIAN KEPADA TEKNOLOGI

Kegunaan teknologi moden secara praktik mestilah diberikan perhatian yang sewajarnya di sekolah-sekolah dan di universiti-universiti.

- 28 Oktober 1988

PERLU "HANDS ON"

Sementara kita perlu memberi tempat kepada sastera demi pembentukan peribadi bangsa, kita harus ingat bahawa pertumbuhan industri memerlukan mereka yang bukan sahaja tahu bagaimana alatan moden berfungsi, tetapi perlu tahu secara praktik atau "hands on" ...

- 28 Oktober 1988

BUKAN JURUTERA DI BILIK HAWA DINGIN

Kita tidak mahu jurutera yang berkolar putih, yang duduk dalam bilik hawa dingin dan berfungsi sebagai pentadbir.

- 28 Oktober 1988

BUKAN PROFESIONAL TIDAK PRAKTIKAL

Kita tidak mahu para profesional yang mengejar ijazah seumur hidup tanpa menggunakan pengetahuannya dalam kehidupan diri dan masyarakat.

- 28 Oktober 1988

BUKAN UNTUK TEORI SAHAJA

Kita tidak mahu terlalu ramai yang mengejar ilmu hanya untuk mengembangkan ilmu itu secara teori sahaja.

- 28 Oktober 1988

GUNA ILMU SECARA PRAKTIKAL

Yang kita kehendaki ialah mereka yang setelah lulus ijazah pertama akan menggunakan pengetahuan itu secara praktikal.

- 28 Oktober 1988

KELAYAKAN MENTADBIR DAN MENGAJAR

Hanya apabila seseorang itu terlatih dalam jurusan tertentu, mempunyai pengalaman yang luas dan umurnya telah meningkat, barulah seseorang itu diberi tempat sebagai pentadbir atau sebagai pengembang ilmu.

- 28 Oktober 1988

BELAJAR UNTUK PRAKTIK

Dalam sesebuah negara yang pesat membangun, belajar kerana semata-mata ingin belajar tidak harus mendapat penilaian yang tinggi jika dibandingkan dengan belajar dengan tujuan menggunakan ilmu pengetahuan itu bagi kemajuan masyarakat dan negara.

- 28 Oktober 1988

KUALITI TINGGI KOS RENDAH

Kualiti yang tinggi dan kos yang rendah mestilah menjadi tumpuan dan matlamat setiap pekerja, sama ada buruh atau pengurus atau pengarah, sama ada dalam kerajaan atau swasta.

- 28 Oktober 1988

MENGHARGAI KOLAR BIRU

Penghargaan juga perlu diberikan kepada pekerja-pekerja kolar biru. Pekerja-pekerja kolar biru yang menghasilkan barangan, membina atau mencipta sesuatu atau memperbaiki alatan dengan cekap tidak boleh dianggap kurang penting.

- 28 Oktober 1988

KENAIKAN GAJI TIDAK MENDADAK

Jika kita inginkan taraf hidup yang lebih tinggi dan mengurangkan pengangguran, kenaikan gaji hendaklah jangan terlalu mendadak sehingga menakutkan para pelabur. Juga janganlah kita mudah mengugut dan mengambil tindakan perusahaan tanpa mengambil kira kesan jangka panjang kepada negara dan kepada yang menganggur.

- 28 Oktober 1988

SYARAT MENGEMBANGKAN EKONOMI

Untuk menentukan ekonomi negara terus berkembang kita perlu kepada beberapa syarat dan fakta. Syarat pertama yang penting ialah kestabilan politik.

- 17 November 1989

KELEMAHAN DEMOKRASI

Salah satu daripada kelemahan demokrasi ialah tuntutan terhadap kerajaan adalah berlebih-lebihan. Jika kerajaan lemah dan cuba melayan semua tuntutan kerana ingin kekal sebagai kerajaan, negara akan menjadi bankrap.

- 17 November 1989

KERAJAAN ADALAH KAWAN PEKERJA

Sebenarnya kerajaanlah yang menjadi kawan kepada para pekerja kerana kerajaanlah yang berusaha bersungguh-sungguh untuk mengadakan peluang-peluang pekerjaan di dalam dan di luar kerajaan.

- 17 November 1989

AKIBAT TUNTUTAN BERLEBIHAN

Jika rakyat mudah dibeli dengan wang, jika rakyat menganggap demokrasi sebagai alat untuk membuat tuntutan yang berlebihan, maka akhirnya rakyat akan mendapat kerajaan yang tidak bertanggungjawab dan yang akan berbelanja secara berlebihan untuk menjadi popular.

- 17 November 1989

KERAJAAN YANG AKAN BANKRAP

Kerajaan yang hanya ingin popular akan bankrapkan negara.

- 17 November 1989

PERIKSA DIRI

Sementara kita boleh menyalahkan pihak lain kerana pencapaian kita yang rendah dalam bidang ekonomi, kita juga harus memeriksa diri kita. Apakah kita tidak bersalah langsung?

- 17 November 1989

TUMPU PEMBENTUKAN SIKAP

Walau apa pun bentuk dasar ekonomi selepas 1990, tumpuan mestilah diberikan kepada pembentukan sikap dan pengamalan nilai-nilai yang sesuai dengan pengurusan yang baik.

- 17 November 1989

MEMINTA YANG DI LUAR KEMAMPUAN

Janganlah kita menggunakan demokrasi untuk menekan pihak berkuasa supaya memberi apa yang tidak mampu diberikan.

- 17 November 1989

MASA DEPAN MALAYSIA YANG CERAH

Malaysia mempunyai masa depan yang cerah. Kita telah membuktikan kemampuan kita mentadbir dan membangunkan negara kita ini.

- 17 November 1989

RANCANGAN PEMBANGUNAN TERATUR

Kita mempunyai rancangan yang teratur yang memberi tekanan kepada semua aspek pembangunan; rohani dan jasmani; dunia dan akhirat. Kita yakin kita mampu melaksanakan rancangan kita dengan sempurna dan berkesan.

- 17 November 1989

RAKYAT BAHAGIA DAN DIHORMATI

Yang kita hendak ialah supaya semua rakyat Malaysia hidup bahagia, terpelihara daripada segala malapetaka ciptaan manusia dan dihormati di dunia.

- 17 November 1989

NEGARA MAJU, PENDUDUK BERHEMAH

Kita yakin kita dapat, InsyaAllah, meneruskan rancangan kita untuk menjadikan negara kita sebuah negara yang maju dengan penduduk yang berhemah tinggi ...

- 17 November 1989

ATASI KETIDAKSEIMBANGAN KAUM

Kita yakin keadaan tidak seimbang antara kaum di Malaysia akan dapat kita atasi sedikit demi sedikit tanpa menjejaskan pembangunan negara.

- 17 November 1989

DUNIA IKTIRAF MALAYSIA

Dunia sekarang mengiktiraf dan menerima kemampuan Malaysia mengadakan pemerintahan yang berkesan dan mampu mengatasi masalah kemelesetan ekonomi dan pergolakan politik.

- 17 November 1989

DUNIA TIDAK PANDANG RENDAH

Dunia tidak lagi memandang rendah terhadap Malaysia. Pendek kata, usaha kita untuk mempertingkatkan maruah agama, bangsa dan negara sudah mula berhasil.

- 17 November 1989

BANGGA DENGAN MALAYSIA

Hari ini kita boleh berbangga dengan negara kita Malaysia. Apabila kita melihat bendera Malaysia yang tersergam indah berkibar di atas tiang yang tinggi mencakar langit, satu perasaan datang kepada kita, perasaan bersyukur bercampur bangga.

- 17 November 1989

TIDAK HINA LAGI

Kita tidak lagi rasa terhina kerana kemunduran kita. Inilah bendera kita. Inilah ibu kota kita. Ini negara kita dan kita berdiri megah dalam masyarakat dunia. InsyaAllah dengan perpaduan dan kematangan kita, akan kita majukan lagi negara yang tercinta ini.

- 17 November 1989

BARAT SUDAH TIDAK SESUAI

Janganlah fikir bahawa apa sahaja yang dibuat oleh orang kulit putih dari Barat adalah baik. Sudah lama masanya berlepas yang kita harus mendewakan mereka. Sistem politik dan falsafah mereka juga tidak sesuai dengan masyarakat mereka.

- 30 November 1990

MALAYSIA LEBIH BERJAYA BANGUNKAN EKONOMI

Malaysia sebagai sebuah negara berbilang kaum jauh lebih berjaya daripada negara-negara Barat dalam membendung gejala perkauman di samping membangunkan ekonomi negara.

- 30 November 1990

MENYELESAIKAN PERTIKAIAN

Dalam masyarakat bertamadun, segala pertikaian diselesaikan melalui rundingan atau dengan merujuk kepada pihak ketiga atau kehakiman.

- 30 November 1990

KERAJAAN PRO-PEKERJA

Jikalau kerajaan sekali-sekala dilihat sebagai tidak suka kepada tindakan perusahaan, sebabnya bukanlah kerana kerajaan anti pekerja, tetapi sebaliknya kerana kerajaan adalah pro-pekerja.

- 30 November 1990

DEMOKRASI YANG BERJAYA

Demokrasi hanya boleh membawa kejayaan jika pengamalinya tahu akan batasan-batasan demokrasi atau 'limitations of democracy'

- 30 November 1990

NEGARA BOLEH MAJU

Negara ini dengan penduduknya yang berbilang kaum boleh menjadi negara maju sama seperti negara-negara maju di Barat dan di Timur.

- 30 November 1990

PELUANG UNTUK YANG CEKAP DAN AMANAH

Untuk menentukan peluang yang diberi oleh kerajaan tidak disalahgunakan atau diuruskan secara tidak cekap, di bawah DPN peluang akan hanya diberikan kepada mereka yang cekap dan beramanah, yang telah melalui latihan, mempunyai bakat dan sanggup bekerja keras dan tidak tahu penat lelah atau tidak berharap untuk mencapai kekayaan segera.

- 8 November 1991

LEBIH BAIK SATU DUA YANG BERJAYA

Kerajaan berpendapat bahawa bagi menjayakan DPN, satu dua projek yang maju dan berjaya oleh seseorang bumiputera adalah lebih bermakna dan memenuhi dasar tersebut daripada memberi banyak projek yang semuanya gagal dan merugikan atau diserahkan kepada orang lain.

- 8 November 1991

YANG MAJU DAPAT HADAPI ANCAMAN

Hanya jika kita dapat menjadi negara maju, barulah kita akan dapat bertahan jika sekatan dagang dan lain-lain ancaman bukan tentera dilancarkan terhadap kita.

- 8 November 1991

MAKSUD NEGARA MAJU

Yang dimaksudkan dengan maju ialah negara yang berupaya membangunkan diri sendiri melalui penguasaan ilmu, kecekapan dan moral yang tinggi yang akan membolehkan kita bersaing dengan negara maju yang lain dalam semua bidang.

- 8 November 1991

PERTAHANKAN KEBEBASAN DAN HAK

Kita tidak akan membenarkan mana-mana pihak memecahbelahkan negara kita. Kita akan mempertahankan kebebasan dan hak kita.

- 6 November 1992

PENDERHAKA KEPADA NEGARA

Sesiapa yang cuba bersubahat dengan orang asing untuk mencabul kemerdekaan negara ini adalah penderhaka kepada negara.

- 6 November 1992

KERAJAAN PERTAHANKAN PERSEKUTUAN

Tanggungjawab Kerajaan Pusat adalah jelas. Ia akan mempertahankan persekutuan dan kemerdekaan negara ini dengan apa juga cara.

- 6 November 1992



Perkara IV

MENEGAKKAN AJARAN ISLAM















KESAN KEBANGKITAN ISLAM

Semenjak dekad 70-an hingga sekarang, dunia semakin sedar mengenai Islam dan penganut-penganutnya. Sebagai sebuah negara Islam dan sebagai orang Islam kita berbangga dengan perkembangan ini. Kita percaya bahawa dalam tiap-tiap perhitungan politik dan ekonomi dunia, kesan kebangkitan semula Islam tidak boleh diketepikan.

- 10 Sept. 1982

AKIBAT UMAT YANG JAHIL DAN BERPECAH

Musuh-musuh Islam membuat sesuka hati mereka terhadap orang-orang Islam kerana, walaupun ada negara-negara Islam yang kaya tetapi mereka adalah lemah kerana kurang pengetahuan dan berpecah belah.

- 10 Sept. 1982

PENUBUHAN UNIVERSITI ISLAM

Sebagai satu usaha ke arah kebahagiaan umat Islam di negara ini dan juga di dunia, Kerajaan telah merancang tiga projek besar. Yang pertama ialah Universiti Islam Antarabangsa yang bertujuan di antara lain, memberi tempat kepada sebahagian dari penuntut Islam yang sekarang ini terpaksa menuntut di luar negara-negara Islam di mana mereka terdedah kepada nilai-nilai yang boleh meruntuh akhlak dan keperibadian Islam.

- 10 Sept. 1982

MEMAHAMKAN ISLAM KEPADA BUKAN ISLAM

Seperti amalan di institusi pengajian tinggi di Sepanyol di bawah pemerintahan Islam dahulu dan di Baghdad, Universiti ini (UIA) juga akan menerima sekumpulan penuntut bukan Islam supaya dunia bukan Islam dapat memahami falsafah dan peribadi Islam.

- 10 Sept. 1982

PENUBUHAN BANK ISLAM

Yang kedua ialah penubuhan Bank Islam. Bank adalah satu institusi kewangan yang penting dalam ekonomi moden tetapi kini sistem bank yang wujud memperkenalkan sistem yang tidak begitu sesuai dengan agama Islam. Dengan penubuhan Bank Islam kita yakin bahawa ekonomi dan ketahanan orang Islam serta agama Islam sendiri akan lebih kukuh.

- 10 Sept. 1982

SISTEM KEWANGAN ALTERNATIF

Sistem kewangan Islam ini adalah satu alternatif kepada sistem kewangan yang wujud sekarang.

- 10 Sept. 1982

PERKENALKAN TAMADUN ISLAM

Langkah yang ketiga yang akan diambil oleh Kerajaan ialah memperkenalkan Tamadun Islam di universiti-universiti di tanahair kita. Islam sebagai agama rasmi negara patut dikenali oleh semua penduduk di Malaysia.

- 10 Sept. 1982

TANGGUNGJAWAB UMNO TERHADAP ISLAM

Semua usaha ini (penubuhan UIA, BIMB dan memperkenalkan Tamadun Islam) dibuat kerana UMNO sebagai parti orang Islam dan tulang belakang kerajaan, bertanggungjawab terhadap Islam dan negara.

- 10 Sept. 1982

PENYERAPAN NILAI ISLAM

Usaha-usaha ke arah menyerap nilai-nilai Islam dalam pentadbiran, yang bermakna menyerap nilai-nilai moral yang tinggi adalah berdasarkan rasional bahawa sesebuah negara tidak mungkin mencapai dan menjamin kebahagiaan kecuali dengan nilai-nilai yang tinggi ini.

-10 Sept 1982

NILAI ISLAM TERAS KEBAHAGIAAN

Yang membezakan manusia dengan haiwan ialah akal fikiran dan nilai-nilai kemanusiaan . Islam mementingkan kedua-duanya dan itulah sebabnya kita menjadikan usaha menerapkan nilai-nilai Islam sebagai teras kebahagiaan dan masa depan kita.

- 18 Oktober 1983

NILAI ISLAM NILAI SEJAGAT

Semua nilai Islam tidaklah berbeza daripada nilai-nilai tinggi dan baik yang diterima oleh alam sejagat.

- 18 Oktober 1983

ISLAM TIDAK MEMAKSA

Islam tidak menganjurkan paksaan, dan Islam juga tidak mendapat untung jika mereka memeluk Islam kerana dipaksa, kerana takut atau kerana muslihat-muslihat tertentu.

- 18 Oktober 1983

AMALKAN NILAI ISLAM DAN NILAI MULIA

Yang kita mahu ialah umat Islam benar-benar mengamalkan nilai-nilai Islam, dan yang bukan Islam mengamalkan nilai-nilai mulia yang sudah tentu tidak bertentangan dengan nilai Islam dan dapat hidup dalam suasana aman, maju dan dihormati.

- 18 Oktober 1983

PERLUNYA PENJELASAN ISLAM SEBENAR

Orang Islam akan berasa "committed" kepada agama Islam sekiranya mereka diberi penjelasan tentang kehendak agama Islam yang sebenar.

- 18 Oktober 1983

KERAJAAN AKAN MENJELASKAN ISLAM SEBENAR

Kerajaan Malaysia akan terus berusaha menjelaskan agama Islam yang benar walau apa pun tuduhan dibuat oleh mereka yang berkepentingan.

- 18 Oktober 1983

ISLAM AGAMA SEDERHANA

Sesungguhnya, Islam ialah agama kesederhanaan dan bebas daripada sebarang paksaan.

- 18 Oktober 1983

AMALAN YANG MEMBAWA KEJAYAAN

Memang benar rupa bentuk boleh dijadikan simbol Islam dan ditiru dengan mudah. Tetapi rupa bentuk tidak akan membawa kejayaan kepada kita. Yang akan membawa kejayaan ialah amalan nilai-nilai Islam seperti amanah, disiplin, taat setia, rajin dan tekun, bersaudara antara orang-orang mukmin, berani kerana benar, bertoleransi dan bertimbang rasa, adil, insaf dan syukur dan lain-lain nilai yang mulia.

- 25 Mei 1984

NILAI ISLAM MEMBAWA KEBAHAGIAAN

Penerapan nilai-nilai Islam oleh pentadbiran negara akan membentuk Kerajaan yang lebih adil dan lebih berkesan. Semua rakyat, dari apa juga kaum atau agama, akan mendapat kebahagiaan daripada pentadbiran yang diasaskan kepada nilai-nilai Islam.

- 25 Mei 1984

BERPEGANG KEPADA ISLAM

Kita akan berpegang kepada Islam dan akan menjayakan penganut Islam secara ikhlas. Rupa bentuk Islam bukanlah untuk kita. Bagi kita isi kandungan Islam adalah lebih penting dan kita akan teruskan usaha kita untuk mencari dan mengamalkan isi kandungan ajaran Islam.

-25 Mei 1984

KITA BUKAN HIPOKRIT

Kita tidak mahu menjadi hipokrit. Kita tidak mahu membuat tafsiran yang lebih ketat daripada suruhan Islam dan selepas itu kita melakukan perkara-perkara yang bertentangan dengan tafsiran yang kita laung-laungkan.

- 27 September 1985

GUNAKAN KELONGGARAN

Dalam usaha kita mengamal dan mengembangkan syiar Islam, kita akan menggunakan kelonggaran yang diberikan oleh agama Islam, sekiranya kita mendapati kelonggaran ini perlu dan ia bermanfaat kepada kita dalam jangka panjang.

- 27 September 1985

TERIMA HAKIKAT PERBEZAAN

Kita tidak mahu bermusuh dengan mereka yang menganggap rupa bentuk Islam itu penting, tetapi janganlah mereka pula menganggap orang yang tidak mengutamakan rupa bentuk sebagai kurang Islam.

Kita terima hakikat perbezaan ini tetapi janganlah kita berpecah belah kerananya.

- 27 September 1985

SEMANGAT KEBANGSAAN DAN ISLAM

Semangat kebangsaan memberi kekuatan kepada perjuangan Islam dan persaudaraan dalam Islam.

- 27 September 1985

YANG MENIDAKKAN PERSAUDARAAN ISLAM

Sebaliknya, kumpulan-kumpulan yang menentang UMNO sanggup menidakkan persaudaraan dalam Islam dan membuat tohmah yang jelas menunjukkan bahawa bukan Islam yang menjadi panduan mereka, tetapi nafsu syaitan.

- 27 September 1985

TEKAD KEMBANGKAN ISLAM

Kita telah membuktikan tekad Kerajaan mengembangkan syiar Islam dengan melaksanakan beberapa projek dan dasar.

- 18 September 1986

TEKUN LAKSANA SYIAR ISLAM

Kita harus bertekun untuk melaksanakan apa sahaja yang boleh dilakukan untuk mengembangkan syiar Islam.

- 18 September 1986

AGAMA YANG DIPENGARUHI KEPENTINGAN POLITIK

Orang yang membenarkan kepentingan politik sendiri mempengaruhi tindakan keagamaannya akan membawa kepada penyelewengan dan mungkin merosakkan aqidah.

- 18 September 1986

BERAMAL DENGAN IKHLAS

Setiap kali kita bertindak atau membuat cadangan, tanyalah diri sendiri terlebih dahulu sama ada ianya didorong oleh agama atau kerana perasaan riak. Hanya dengan bersikap jujur dalam menjawab soalan ini baharulah agama Islam terselamat.

- 18 September 1986

DASAR DAN MATLAMAT TERPENTING

Di antara dasar dan matlamat terpenting Kerajaan ialah Dasar Penerapan nilai-nilai Islam. Tekanan utama Kerajaan ialah terhadap Nilai-nilai persaudaraan, amanah, disiplin, kejujuran, keadilan, tuntutan kekayaan di dunia secara halal, toleransi dan lain-lain nilai murni.

- 24 April 1987

UTAMAKAN PUJUK RAYU

Di antara nilai-nilai Islam ialah kita tidak menggunakan paksaan untuk menentukan supaya orang lain menurut kita. Islam lebih mengutamakan pujuk rayu daripada paksaan.

- 24 April 1987

PENDEKATAN MENCEMARAKAN ISLAM

Menggambarkan Islam sebagai agama yang tidak toleran, tidak bertimbang rasa, dan kejam adalah perbuatan yang mencemar nama baik Islam dan menyekat perkembangannya.

- 24 April 1987

YANG PENTINGKAN KETENANGAN DIRI

Menumpukan kepada ketenangan jiwa untuk diri sendiri sahaja adalah sifat yang tamak, yang bercanggah dengan ajaran agama kita, agama Islam. Kita mempunyai tanggungjawab kepada masyarakat dan agama.

- 28 Oktober 1988

AKIBAT LUPA AJARAN ISLAM

Apabila pemimpin empayar Islam lupa kepada ajaran Islam dan mereka asyik dengan keseronokan hidup, maka Empayar mereka pun merosot.

- 28 Oktober 1988

AMALKAN NILAI ISLAM SEBENAR

Jika orang-orang Melayu berpegang kepada ajaran Islam, mereka harus cuba mengamalkan nilai-nilai Islam yang sebenarnya dan yang mulia itu.

- 28 Oktober 1988

ISLAM MENJADI BENTENG ORANG MELAYU

Kerajaan akan menumpukan perhatian yang khusus dan memberikan peruntukan yang wajar kepada pelajaran agama, dakwah Islamiyah dan latihan rohaniah supaya pegangan kepada agama Islam akan menjadi benteng kepada orang-orang Melayu dan orang-orang Islam yang lain, dalam mengejar kemajuan. Tekanan akan diberi kepada pembentukan peribadi yang benar-benar Islam.

- 28 Oktober 1988

IMBANGAN DUNIA AKHIRAT

Imbangan akan diberikan kepada ilmu-ilmu duniawi dengan bekalan untuk akhirat. Imbangan ini dituntut oleh Islam.

- 28 Oktober 1988

TIDAK TAKSUB PADA DUNIA DAN AKHIRAT

Seperti mana kita tidak mahu orang-orang Islam yang tamak, mementingkan diri sendiri dan yang semata-mata memikirkan kepentingan mereka di akhirat, begitu juga kita tidak mahu orang-orang Islam yang terlalu taksub dengan kemajuan di dunia sehingga mereka lupa akan akhirat.

- 28 Oktober 1988

PERHATIAN LEBIH KEPADA DAKWAH

Gerakan dakwah akan diberi perhatian yang lebih oleh Kerajaan. Peruntukan serta kakitangan yang lebih akan diadakan untuk tujuan ini.

- 28 Oktober 1988

DAKWAH KEWAJIPAN UMAT ISLAM

Tugas mengembangkan kefahaman agama yang betul dan benar serta usaha membangunkan negara adalah sebahagian daripada ibadat yang wajib ditunaikan oleh semua umat Islam di Malaysia.

- 28 Oktober 1988

TANGGUNGJAWAB KERAJAAN BERDAKWAH

Kerajaan akan melaksanakan tanggungjawabnya (mengembangkan kefahaman agama) sebagai sebahagian daripada ibadah kepimpinan Kerajaan, sebagai satu fardu kifayah.

- 28 Oktober 1988

MELAYU YANG BERPEGANG KEPADA ISLAM

Kita mesti berusaha menentukan bahawa walaupun kemajuan dicapai, orang-orang Melayu akan terus insaf dan sedar dan berpegang teguh kepada ajaran Islam.

- 28 Oktober 1988

UTAMAKAN KESELAMATAN DAN KESEMPURNAAN

Agama Islam memberi kelonggaran dalam berbagai-bagai perkara dan mengambi kira keadaan semasa. Dalam pentadbiran, yang penting ialah keselamatan dan kesempurnaan masyarakat. Inilah yang dilakukan oleh Kerajaan.

- 28 Oktober 1988

KEISLAMAN YANG TIDAK BOLEH DIBANGGA

Kita tidak boleh berbangga dengan keislaman negara jika bukan sahaja pembangunan tidak ada tetapi rusuhan dan peperangan juga berlaku.

- 28 Oktober 1988

LIBERAL DAN TOLERAN

Dalam usaha kita mengembangkan syiar Islam, kita akan sentiasa liberal dan toleran dan seperti yang dikehendaki oleh agama Islam, kita tidak akan menggunakan sebarang paksaan.

- 17 November 1989

KEBAHAGIAAN DI DUNIA DAN AKHIRAT

Kebahagiaan hidup di dunia bergantung sebahagiannya kepada kekayaan material. Tetapi kekayaan material tidak menentukan ketenangan jiwa dan kebahagiaan akhirat.

- 30 November 1990

TAFSIRAN YANG CACAT

Agama Islam tidak cacat sama sekali. Yang cacat ialah tafsiran mengenai agama Islam oleh pentafsir.

- 30 November 1990

IJTIHAD MENYELESAIKAN PERSOALAN BARU

Ijtihad adalah satu cara mencari penyelesaian berkenaan dengan tafsiran agama dan dalam menghadapi soalan-soalan baru yang timbul kerana peredaran masa.

- 30 November 1990

TUTUP IJTIHAD TIDAK SELESAI MASALAH

Pendapat bahawa pintu ijtihad telah ditutup tidak menyelesaikan masalah orang Islam. Soalan-soalan baru terus muncul dan jawapan atau fatwa lama dipersoalkan. Perkembangan dalam dunia moden dengan pendekatan sains dan kemudahan-kemudahan yang dicipta melaluinya, menghadapkan umat Islam kepada beribu-ribu soalan yang tidak boleh dijawab oleh mereka yang hanya arif dalam hukum-hakam agama tetapi tidak berpengetahuan dalam bidang-bidang lain.

- 30 November 1990

PENYELEWENGAN ULAMA POLITIK

Masalah bertambah apabila ada ulama yang berminat dengan politik. Menyedari bahawa kedudukan mereka sebagai ulama memberi pengaruh yang amat kuat kepada mereka, mereka tidak segan-segan menyalahafsirkan agama untuk kepentingan politik diri sendiri. Mereka dengan mudah menghukum sesiapa yang tidak sebulu dengan mereka, sehingga sanggup mengkafirkan orang-orang yang tidak mahu menerima politik mereka. Mereka mendakwa Islam adalah parti mereka dan parti mereka adalah Islam.

- 30 November 1990

KEJAYAAN JIKA TERAPKAN NILAI ISLAM

Kita penuh yakin jika orang Islam di Malaysia menerap nilai-nilai Islam yang sebenar, dan bukan seperti yang ditafsirkan oleh orang-orang yang berkepentingan, kita akan mendapat kejayaan di dunia dan di akhirat.

- 30 November 1990

BERMUSUH HANYA DENGAN YANG BERMUSUHAN

Islam tidak menyuruh orang Islam bermusuh dengan orang bukan Islam hanya kerana mereka bukan beragama Islam. Orang Islam hanya bermusuh dengan orang bukan Islam jika mereka bermusuh dengan Islam.

- 30 November 1990

TIADA PAKSAAN MEMELUK ISLAM

Tidak ada paksaan dalam Islam. Kita tidak berniat untuk memaksa orang bukan Islam memeluk agama Islam. Wujudnya pendakwahan yang ekstrim di sebuah negeri bukan kerana disuruh oleh Islam, tetapi kerana ada pendakwah-pendakwah ekstrim yang berpendapat mereka akan dapat pahala dan ganjaran yang lebih bagi diri mereka di akhirat.

- 30 November 1990

HARUSKAH MENOLAK PEMBERIAN ALLAH?

Sebenarnya segala kebolehan dan kekayaan kita di dunia adalah sementara. Kita hanya meminjam masa dan kekayaan di dunia. Tetapi apakah kita harus menolak kekayaan di dunia kerana ia merupakan pemberian sementara oleh Allah S.W.T?

- 30 November 1990

MEMELIHARA KURNIAAN ALLAH

Kita dikehendaki memelihara nyawa kita kerana ia adalah pemberian Allah S.W.T. Demikian juga kecerdasan otak, tenaga dan kekayaan di dunia. Semuanya adalah pemberian Allah S.W.T. Kita tidak berhak mensia-siakan semua ini semata-mata kerana ingin mengejar akhirat yang kekal.

- 30 November 1990

MENGIMBANGKAN PENCAPAIAN

Kita ingin mengimbangkan pencapaian kebendaan dengan pembangunan kerohanian kerana kita tidak mahu masyarakat kita apabila maju, hilang pedoman.

- 30 November 1990

IMBANGAN PENTING UNTUK KEMAJUAN

Imbangan ini menjadi satu unsur yang penting yang akan mempengaruhi usaha kita ke arah kemajuan. Kita berharap dengan cara ini masyarakat kita tidak akan rosak seperti masyarakat-masyarakat yang maju di Barat, di Timur dan di Timur Tengah.

- 30 November 1990

SEDERHANA DAN SEIMBANG

Kesederhanaan dan imbangan di antara dunia dan akhirat adalah saranan Islam. Ini tidak akan kita lupakan.

- 30 November 1990

AMANAH MENYAMPAIKAN ISLAM

Tidak ada sesuatu yang lebih mulia di sisi Nabi Muhammad s.a.w. daripada amanah. Baginda mendapat gelaran *al-amin* kerana beramanah. Kerana amanah, Baginda telah menyampaikan ajaran Islam yang benar.

- 8 November 1991

NASIB MELAYU TANPA ISLAM

Jika orang Arab yang menerima Islam hanya asyik menyediakan diri sendiri untuk akhirat, dan ini lebih mudah dibuat di Makkah dan Madinah di mana mereka tinggal, hari ini orang Melayu akan terus menyembah busut dan pokok-pokok kayu.

- 8 November 1991

ISLAMNYA MELAYU KERANA YANG BERAMANAH

Kerana penerima-penerima agama Islam di zaman Nabi Muhammad s.a.w. dan di zaman selepasnya beramanah dan menganggap mereka bertanggungjawab menjayakan diri mereka supaya mampu mengembangkan Islam, Orang Melayu hari ini semuanya Islam.

- 8 November 1991

TANGGUNGJAWAB MENGEMBANGKAN ISLAM (Ummah)

Malangnya orang Melayu di zaman ini tidak menganggap mereka diamanahkan untuk menjayakan diri mereka supaya lebih mampu mengembangkan agama Islam.

- 8 November 1991

TAFSIRAN ISLAM YANG CACAT

Islam tidak cacat. Islam tidak menghalang mengejar kejayaan di dunia. Yang cacat ialah mereka yang membuat tafsiran yang menyebabkan umat Islam mengamalkan cara hidup yang menyekat kejayaan mereka.

- 8 November 1991

IMBANGAN SEBAGAI PEGANGAN

Imbangan di antara dunia dengan akhirat hendaklah dijadikan pegangan kita semasa hidup di dunia ini.

- 8 November 1991

MELAYU MAJU JIKA BERPANDUKAN ISLAM

Hanya dengan berpandukan kepada tafsiran ajaran Islam yang benar, yang tidak menolak kejayaan di dunia baharulah segala rancangan untuk memajukan orang Melayu akan dapat dilaksanakan dengan berkesan dan berdaya maju.

- 8 November 1991

MELAYU BERJAYA DENGAN NILAI ISLAM

Dengan mengamalkan nilai-nilai Islam, dengan kepercayaan bahawa kegagalan orang Islam bukan sudah ditakdirkan, dengan keyakinan bahawa orang Melayu Islam tidak kurang kebolehannya daripada bukan Islam, dengan menolak ajaran tok-tok guru yang berkepentingan, InsyaAllah orang Melayu akan berjaya- percayalah.

- 8 November 1991

WAWASAN 2020 IMBANGKAN DUNIA AKHIRAT

Mereka yang mengimbangkan dunia dengan akhirat seperti yang dikehendaki oleh agama Islam, akan bahagia di dunia dan di akhirat, InsyaAllah. Ini jugalah yang kita tekankan dalam Wawasan 2020.

- 8 November 1991

MALAPETAKA AKIBAT SELEWENG TAFSIRAN

Yang membawa malapetaka kepada mereka (umat Islam) bukanlah agama mereka tetapi kecenderungan orang-orang tertentu antara mereka yang mentafsirkan agama Islam mengikut kepentingan diri.

- 6 November 1992

MAKSUD ASABIYYAH

Yang dimaksudkan dengan puak Asabiyyah ialah mereka ini terlalu mengutamakan suku kaum mereka sehingga tidak ada lagi kesetiaan kepada umat Islam atau agama.

- 6 November 1992

TIADA PENGASINGAN POLITIK DAN AGAMA

Memang dalam Islam politik tidak boleh diasingkan daripada agama tetapi yang dimaksudkan ialah politik Islam dan bukan politik parti yang mengutamakan kumpulan dan matlamat pemimpin tertentu.

- 6 November 1992

PEMIMPIN BERWIBAWA MENDIRIKAN TAMADUN

Di bawah kepimpinan pemimpin-pemimpin Islam yang berwibawa, bijak dan berpengetahuan, umat Islam dapat mendirikan tamadun yang tinggi.

- 6 November 1992

KUASAI PELBAGAI BIDANG PUNCA GEMILANG

Di zaman kegemilangan Islam, bukan sahaja kajian yang mendalam dibuat berkenaan hukum-hakam Islam yang menyentuh segala bidang dunia dan akhirat, tetapi juga ilmu-ilmu sains, perubatan, pentadbiran, undang-undang, pertahanan, pelayaran dan berbagai-bagai lagi dikaji dan diterokai sehingga orang Islam mendahului orang lain di dunia.

- 6 November 1992

"FANATICISM" BERTENTANGAN DENGAN ISLAM

"Fanaticism" buakan sebahagian daripada ajaran Islam. "Fanaticism" yang boleh meletakkan orang Islam dan agama Islam dalam keadaan bahaya dan mungkin musnah adalah bertentangan dengan ajaran Islam.

- 6 November 1992

KESEDERHANAAN MENGUATKAN ISLAM

Kesederhanaan adalah cara yang dituntut oleh Islam. Kesederhanaan boleh menyelamatkan Islam bahkan ianya boleh mengembang dan memperkuat umat Islam.

- 6 November 1992

YANG BERSUBAHAT DENGAN MUSUH

Orang yang sengaja menghalang orang Islam daripada mencapai kejayaan di dunia, yang cuba mengelirukan orang Islam berkenaan Wawasan 2020, dan yang menyarankan wawasan akhirat sebenarnya bersubahat dengan musuh-musuh Islam.

- 6 November 1992

WAWASAN 2020 UNTUK MAJUKAN ISLAM

Wawasan 2020 bukan sahaja secocok dengan agama Islam tetapi juga sebenarnya adalah untuk memelihara dan memajukan agama Islam.

- 6 November 1992



Perkara V

**SIKAP DAN PERJUANGAN
ALAMIYYAH**



NILAI PRIMITIF DALAM POLITIK ANTARABANGSA

Ketika manusia begitu maju dalam ilmu pengetahuan, cengkaman nilai-nilai primitif masih menguasai politik antarabangsa sehingga kemanusiaan tidak mempunyai makna.

- 10 Sept. 1982

KEUTAMAAN KEPADA ASEAN

Kita yakin bahawa ASEAN mempunyai peranan penting dalam menstabilkan keadaan di Asia Tenggara. Tanpa kestabilan di wilayah ini kita tidak mungkin dapat hidup dengan aman. Oleh itu kita memberi keutamaan yang tertinggi kepada perhubungan dengan negara-negara ASEAN.

- 10 Sept. 1982

HUBUNGAN DENGAN NEGARA ISLAM

Keutamaan kita yang kedua ialah perhubungan dengan negara-negara Islam. Sebagaj sebuah negara Islam kita tidak boleh berpisah dengan dunia Islam. Kita berasa bertanggungjawab terhadap nasib yang menimpa umat Islam di mana sahaja mereka berada.

- 10 Sept. 1982

PERPECAHAN DUNIA ISLAM

Kita sedar akan kelemahan dan pecah belah yang terdapat dalam dunia Islam, tetapi pendirian kita ialah kita tidak mahu memihak kepada sesiapa, dan jika dikehendaki, kita sedia menjadi orang tengah dan pendamai. Walau apa sekalipun berlaku, pendirian kita ialah persaudaraan dengan semua negara dan penganut agama Islam.

- 10 Sept. 1982

SIKAP BERKECUALI

Kita tidak mahu terlibat dengan permusuhan antara kuasa-kuasa besar. Kita berkecuali dan oleh itu kita akan teruskan keanggotaan kita dan peranan kita dalam Pergerakan Negara-negara Berkecuali. Sebarang usaha untuk memasukkan Pergerakan ini dalam mana-mana kem kuasa besar akan ditentang oleh kita.

- 10 Sept. 1982

ANCAMAN TERHADAP PERADABAN

Walaupun pencapaian kemajuan material, sains dan teknologi dalam abad kita ini amat menakjubkan, dan kemungkinan pencapaian ini boleh membawa umat manusia kepada kebahagiaan yang besar, suasana politik dan sosioekonomi dunia, *mencabar kemungkinan* peradaban gemilang yang boleh dinikmati oleh umat manusia.

- 18 Oktober 1983

TABIAT MALAS DI BARAT

Kemerosotan ekonomi dunia sebenarnya disebabkan oleh tabiat malas yang meresapi masyarakat negara-negara maju di Barat akhir-akhir ini.

- 18 Oktober 1983

BERUSAHA KE ARAH KEAMANAN DI DUNIA

Dalam suasana dunia yang bergolak, dan nilai-nilai kemanusiaan dicabul dan tidak langsung diberi perhatian oleh sesetengah pihak, kita menanggung beban yang berat bukan sahaja untuk menyelamatkan diri kita daripada gejala-gejala buruk yang mempengaruhi zaman ini, tetapi juga untuk membantu usaha-usaha bagi mewujudkan suasana yang lebih aman dan bahagia di dunia.

- 18 Oktober 1983

ASAS DASAR LUAR

Asas dasar luar kita ialah untuk bersahabat dengan semua negara yang ingin bersahabat dengan kita. Tetapi yang kita pentingkan di dalam persahabatan kita ialah semangat persaudaraan yang tulen di mana kedua-dua pihak harus hormat-menghormati dan memberi nilai yang tinggi kepada kebebasan dan kedaulatan negara masing-masing.

- 18 Oktober 1983

KONSEP BANTUAN TEKNIK MALAYSIA

Anggapan bahawa kita adalah "recipient" atau penerima, dan mereka adalah "donors" atau pemberi tidak ada tempat dalam hubungan kita dengan negara lain. Program bantuan teknik Malaysia, walaupun dengan satu tabungan yang kecil, adalah diasaskan kepada kejujuran kita untuk mempraktikkan prinsip-prinsip yang kita sanjung tinggi. Bantuan yang diberi melalui program ini tidak menjadikan kita sebagai pemberi atau "donor" kerana ia merupakan satu jenis kerjasama yang bermakna yang tidak menghina pihak penerima.

- 18 Oktober 1983

MEMBEBAKAN ANTARTIKA

Jika wilayah yang dijajah harus diberi balik kepada penduduknya, wilayah yang tidak ada penduduk tentulah menjadi hak seluruh umat manusia. Oleh itu kita akan teruskan usaha kita untuk membebaskan Antartika dari eksploitasi oleh negara-negara tertentu sahaja.

- 18 Oktober 1983

KEUTAAMAAN HUBUNGAN LUAR

Kerajaan Pimpinan UMNO ini akan terus mengutamakan ASEAN sebagai satu pakatan jiran sewilayah walaupun matlamat pasaran bersama belum tercapai.

- 18 September 1986

UTAMAKAN OIC

Keutamaan kita selepas ASEAN ialah Pertubuhan Negara-Negara Islam atau OIC.

- 18 September 1986

NEGARA BERKECUALI

Keutamaan kita yang ketiga ialah Pertubuhan Negara-Negara Berkecuali.

- 18 September 1986

DUNIA YANG KEHILANGAN ARAH

Kita berhimpun pada hari ini dalam keadaan dunia yang kehilangan arus dan arah. Manusia yang mempunyai pengetahuan sehingga mampu mendarat di bulan; mempunyai kebolehan berkomunikasi yang tidak kenal jarak jauh atau dekat; dapat melihat kuman yang terkecil sekali serta universe yang luasnya diukur dengan sejauh mana cahaya bergerak pada satu tahun atau "light years" dan lain-lain lagi yang lebih ajaib dari semua cerita ajaib; manusia ini, tidak dapat mengurus hal ehwal dunia dengan baik supaya segala sengketa dan masalah hidup rukun damai dapat diatasi.

- 24 April 1987

MAJU MUNDUR BANGSA DAN NEGARA

Apa yang jelas daripada prestasi yang dicapai oleh negara-negara di dunia di zaman kemelesetan ini ialah maju-mundurnya bangsa dan negara bergantung kepada sifat-sifat yang ada pada penduduk atau rakyat. Jika rakyat sanggup berusaha dengan penuh minat maka berjayalah negara dan bangsa itu. Jika sebaliknya rakyat tidak sanggup berusaha, segala bantuan menjadi sia-sia.

- 24 April 1987

PERSAUDARAAN ISLAM

Kita mengecam Soviet Russia kerana menakluk Afghanistan. Secara terbuka kita menyokong Mujahidin Afghanistan dan kita memberi tempat dan bantuan kepada perwakilan mereka di Malaysia. Sikap kita ini didorong oleh perasaan persaudaraan Islam dan sifat kemanusiaan kita.

- 24 April 1987

SOKONG PLO

Di Asia Barat, kita terus menyokong PLO sebagai wakil tunggal orang-orang Palestin. Kita tidak mahu mengiktiraf kumpulan-kumpulan serpihan. Pendirian kita adalah konsisten.

- 24 April 1987

SIKAP TERHADAP PERANG IRAN-IRAQ

Berkenaan dengan perang Iran-Iraq, kita bukan sahaja berkecuali tetapi berusaha untuk mendamaikan kedua-dua negara ini. Kita menganggap peperangan ini sebagai pembaziran yang hanya menguntungkan Israel dan penyokong-penyokong mereka.

- 24 April 1987

SIKAP TERHADAP AFRIKA SELATAN

Sikap kita terhadap rejim Afrika selatan dan apartheid adalah jelas. Kita mengutuk sekeras-kerasnya apartheid dan kita menyokong pemerintahan majoriti kulit hitam di Afrika Selatan.

- 24 April 1987

HANYA ISRAEL DAN AFRIKA SELATAN MENJADI MUSUH

Kita tidak bermusuhan dengan Amerika Syarikat atau negara-negara Eropah, bahkan kita tidak mahu bermusuhan dengan sesiapa daripada Afrika Selatan dan Israel.

- 24 April 1987

KEKEJAMAN TETAP DIKECAM

Tidak bermusuhan tidak bermakna kalau sesiapa melakukan perbuatan yang kejam, yang tidak adil kita harus berdiam diri. Sebab itulah kita kecam tindakan Amerika Syarikat dan United Kingdom terhadap Libya.

- 24 April 1987

BANGSA BERMARIAH TETAP BERSUARA

Memang benar sebagai sebuah negara kecil, pendirian kita tidak akan menggoncang dunia, tetapi negara dan bangsa yang bermariah tidak boleh berdiam diri hanya kerana perbuatan buruk dilakukan oleh kuasa yang besar.

- 24 April 1987

MENGHORMATI JIKA DIHORMATI

Kita tidak harus angkuh dan sombong. Kita harus berbaik-baik dengan orang lain. Kita harus sederhana dan toleran. Tetapi semuanya ini diasaskan kepada "reciprocity", atau timbal balas, iaitu jika kita menghormati mereka, pihak mereka pula hendaklah menghormati kita. Ini asas dasar luar negeri kita.

- 24 April 1987